

Coll Rom Soc Ser: Lat Inscr. B. S

SPHÆRA
IOANNIS DE
SACRO BOSCO

EMENDATA.

Elie Vineti Santonis scholia in eandem Sphæram, ab ipso authore restituta.

Adiunximus huic libro compendium in Sphæram, per Pierium Valerianum Bellunensem,

Et,

PETRI NONII SALACIENCIS DEMONSTRATIONEM eorum, quæ in extremo capite de Climatibus Sacroboscii scribit de inequali Climatum latitudine, eodem Vineto interprete.



LVTETIAE,

Apud Gulielmum Cauellat. sub pingui Gallina, ex aduerso collegij Cameracensis.

1558.

CVM PRIVILEGIO REGIS.



EXTRAICT DV PRIVILEGE DV ROY.

Par grace & privilege du Roy, est permis à Guillaume Cauellat libraire iuré en l'vniuersité de Paris, d'imprimer ou faire imprimer Sphæra Ioan. De Sacro Bosco emendata cum scholiis Eliæ Vineti. Et fait defenses ledit seigneur à tous autres libraires, imprimeurs, & autres personnes quelconques, de non imprimer ne faire imprimer ladite Sphere sur ladite copie sans le vouloir & consentement dudit Cauellat, sur peine de confiscation desdicts livres & d'amende arbitraire, & ce iusques au temps & terme de six ans finiz & accompliz, à compter du iour & datte qu'elle sera paracheuée d'imprimer: comme plus à plain est contenu & declairé par les lettres patentes sur ce données à Paris le sixiesme iour de Feburier 1554. & de nostre regne le huitiesme.

Par le conseil, signé Courlay, & scellé de cire iaulne.

Acheué d'imprimer, le troisesme iour de Iuillet, mil cinq cens cinquante & sept, pour la troisesme edition.



ELIAS VINETVS DE

Ioanne de Sacro Bosco ad Ioannem

Tacitum φιλάτερον.

Ioanni de Sacro Bosco patria fuit,
 quæ nunc Anglia insula, olim
 Albion & Britannia appellata.
 Lutetiæ literas & philosophiam
 didicit, doctôrque Parisiësis fuit.
 Scripsit de Sphæra mûdi, de astro
 labo, de algorithmo (supputandi artem ita vocâ-
 runt barbari) & de computo ecclesiastico, ad an-
 num Christi M C C L V I, Vt ex eo carmine li-
 quet, quo is libellus de computo concluditur. Lute-
 tiæ sepultus est, in sodalium Maturinalium clau-
 stris: cuius medio tumulo insculpta sphæra, ac cir-
 cum illam hoc epitaphium,

De Sacrobosco qui compotista Ioannes

Tempora discreuit, iacet hic à tempore raptus.

Tempore qui sequeris, memor esto quòd morieris.

Si miser es, plora. Miserans pro me precor ora.

Ex quo quidem vel solo carmine, quale id fuerit



IOANNIS DE SACRO
BOSCO PROOEMIUM
in suam Sphæram.



*Raetatum de Sphæra
quatuor capitulis distin-
guimus: dicturi primo
compositionē Sphære,
quid sit Sphæra, quid
sit eius centrum, quid
axis Sphære, quid sit
polus mundi, quot sint Sphære, quæ sit forma
mundi. In secundo de circulis, ex quibus Sphæ-
ra materialis componitur, & illa supercœlestis
(quæ per istam imaginatur) componi intel-
ligitur. In tertio de ortu & occasu signorum,
& de diuersitate dierum & noctium, & de
diuisione climatum. In quarto de circulis &
motibus planetarum, & de causis eclipsium.*

Capitulum primum.

*Sphæra igitur ab Euclide sic describitur: Sphæ-
ra est transitus circumferentiæ dimidiæ circuli.*



culi, quæ (fixa diametro) eoque circumducitur, quousque ad locum suum redeat, id est: Sphæra est tale rotundum & solidum, quod describitur ab arcu semicirculi circumducto. Sphæra etiam à Theodosio sic describitur: Sphæra est solidum quoddam una superficie contentum, in cuius medio punctus est, à quo omnes lineæ ductæ ad circumferentiam sunt æquales: & ille punctus dicitur centrum sphære. Linea verò recta, transiens per centrum sphære, applicans extremitates suas ad circumferentiam ex utraque parte, circa quam sphæra voluitur, dicitur axis sphære. Duo verò puncta axem terminantia dicuntur poli sphære.

Scholion Vineti.

Euclidis definitio sphære est hac in elemento undecimo.

Sphæra est quando semicirculus manente diametro, circumductus semicirculus in idem rursus redit, unde capit circumscribi figura illa. Huius definitionis sententia ex subiectis picturus patere potest. quam autem ponit auctor, corruperant Græcorum Euclidis interpretes. Si enim linea in latum fluens describit tantum superficiem, circumferentia semicirculi circumacta, describet superficiem globi solum, non globum solidum.



DIVISIO SPHÆRÆ MUNDI.

Sphæra autem mundi dupliciter diuiditur,
secundum substantiam, & secundum acci-
dens. Secundum substantiam, in sphæras nouem.

Scholion Vinti.

In sphæras nouem.) Recentiore. Astrologi decimam sphæram
addiderunt, propter tertium in octaua sphæra animaduersum
motum, quem dixerunt motum trepidationis, & motum acces-
sus & recessus: de quo Purbachius in Theoricis.

Scilicet, sphæram nouam, quæ primus motus,
sive primum mobile dicitur: & in sphæram stel-
larum fixarum, quæ firmamentum nuncupa-
tur: & in septem sphæras septem planetarum,
quarum quædam sunt maiores, quædam mino-

SPHAERAE IOAN.

res secundum quod plus accedunt vel recedunt
à firmamento. Vnde inter illas sphaeras, sphaera
Saturni maxima, sphaera verò Lunæ minima,
prout in sequenti figura continentur.

Figura ostendens numerum ac ordinem sphaerarum cœ-
lestium, indicansque diuisionem mundi secundum substan-
tiam.




Secundum

Secundum accidens autem diuiditur in sphaeram rectam & sphaeram obliquam. Illi autem dicuntur habere sphaeram rectam, qui manent sub æquinoctiali, si aliquis ibi manere possit. Et dicitur eis recta, quia neuter polorum magis altero illis eleuatur: vel quoniam eorum horizon interfecat æquinoctialem, & interfecatur ab eodem ad angulos rectos sphaerales. Illi verò dicuntur habere sphaeram obliquam, quicumque habitant citra æquinoctialem, vel ultra. Illis enim supra horizontem alter polorum semper eleuatur, alter verò semper deprimitur: vel quoniam illorum horizon artificialis interfecat æquinoctialem, & interfecatur ab eodem ad angulos impares & obliquos.

Scholion Vineti.

Horizon artificialis, quis hic dicatur, dum querant & contendant interpretes, tu cum interim accipito, qui capite secundo obliquus & declinatus appellabitur.



DE PARTIBVS MVNDI,
& quæ sunt partes eiusdem.

Vniuersalis autem mundi machina in duo diuiditur, in ætheream scilicet, & elementarem regionem. Elementaris quidem alterationi continuæ peruiæ existens, in quatuor diuiditur. Est enim terra tãquam mundi centrum in medio omnium sita, circa quam aqua, circa aquam aër, circa aërem ignis, illic purus & non turbidus orbem Lunæ attingens, ut ait Aristoteles in libro Meteororũ. Sic enim ea disposuit Deus gloriosus & sublimis. Et hæc quatuor elementa dicuntur, quæ vicissim à semetipsis alterantur, corrumpuntur, & generantur.

Sunt autem elementa corpora simplicia, quæ in partes diuersarum formarum minimè diuidi possunt,

possunt, ex quorum commixtione diuersæ generatorum species fiunt. Quorum trium quodlibet terram orbiculariter vndiq; circundat, nisi quantum siccitas terræ humori aquæ obsistit ad vitam animantium tuendā. Omnia etiam præter terram mobilia existunt, quæ ut centrum mundi, ponderositate sui, magnum extremorum motum vndique æqualiter fugiens, rotundæ sphæræ medium possidet.

Circa elementarem quidem regionem æthereca regio lucida ab omni variatione, sua immutabili essentia, immunis existens, motu continuo circulariter incedit, & hæc à philosophis quinta nuncupatur essentia: cuius nouem

Scholion Vineti.

Quinta nuncupatur essentia.) Ab Aristotele οὐραία quidem, id est, essentia, lib. primo de Cælo: in libro vero de Mundo (quem eiusdem esse Aristotelis quidam negant) στοιχίον, id est, elementum, aliud à quatuor illis, igne, aëre, aqua, terra.

sunt sphæræ, sicut in proximo pertractatum est, scilicet, Lunæ, Mercurij, Veneris, Solis, Martis, Iouis, Saturni, stellarum fixarum, & cæli vltimi. Istarum autē sphærarum quælibet superior inferiorem sphæricè circundat: quarum quidem duo sunt motus. Vnus est cæli vltimi super duas axis extremitates, scilicet, polulum arcticum & antarcticum, ab oriente per

occidentem iterum rediens in orientem, quem
æquinoctialis circulus per medium diuidit. Est
etiam aliis inferiorum sphaerarum motus per
obliquum huic oppositus super polos suos distan-
tes à primis 23. gradibus & 33. minutis.

Scholion Vineti.

A primis, scilicet polis mundi, id est, arctico & antarctico.
Pro xxiij. minutis hoc loco solum Fabri Stapulensis exemplar
habet l.j. fortasse, quod is numerus sit cap. secundo, ubi de Colu-
ris & circulus minoribus. Quoniam autem hac ex Ptolemaeo
ferè sunt, quæ obseruârunt diuersa recentiores Astrologi, ea le-
ge in Purbachij Theoricis.

Sed primus omnes alias sphaeras secum im-
petu suo rapit intra diem & noctem circa ter-
ram semel, illis tamen contrà nitentibus, ut o-
ctaua sphaera in centum annis gradu vno. Hunc



siquidem motum
secundum diuidit
per medium Zo-
diacus, sub quo
quilibet septem pla-
netarum sphaeram
habet propriam, in
qua defertur mo-
tu proprio contra

cæli ultimi motum, & in diuersis spatiis tempo-
rum.

rum ipsum metitur, Vt Saturnus in 30. annis:
 Iupiter in 12. Mars in duobus: Sol in 365. diebus
 & sex horis ferè: Venus & Mercurius simili-
 ter ferè cum Sole: Luna verò in 27. diebus &
 octo horis.

COELVM MOVERI CIRCV-
 lariter, & esse figuræ sphericæ.

QUòd autem cœlum euoluatur ab oriẽte in
 occidentem, signum est. Stellæ quæ o-
 riuntur in oriente, semper eleuantur paulatim et
 successiue, quousque in medium cœli veniãt: &
 sunt semper in eadem propinquitate & remo-
 tione adinuicem: & ita semper se habentes, ten-
 dunt in occasum continuè, & vniformiter.

Est & aliud signum. Stellæ quæ sunt iuxta
 polum arcticum, quæ nunquam nobis occidunt,
 mouentur cõtinuè & vniformiter circa polum
 describendo circulos suos, & semper sunt in æ-
 quali distantia adinuicem & propinquitate.
 Vnde per istos duos motus continuos stellarum
 tam tendentium ad occasum, quàm non, patet,
 quòd firmamentum mouetur ab oriente in oc-
 cidentem.



Quòd autem cœlum sit rotundum, triplex est ratio, similitudo, commoditas, & necessitas. Similitudo, quoniam mundus sensibilis factus est ad similitudinem mundi archetypi, in quo nec est principium, nec finis. Vnde ad huius similitudinem factus mundus sensibilis, habet formam rotundam, in qua non est assignare principium, neque finem.

Scholion Vineti.

Ἀρχιτυπος subit. it. prima forma, idea, & exemplar, quod imitemur. Mundus Archetypus (ut archetypas nugas, archetypos Cleantas dixerunt Iuuenalis & Martialis) hic dicitur ea mundi forma, quam mente concepit Deus mundum hunc factururus: quæ Dei cogitatio æterna est, ut Deus ipse. Sic hunc locum interpretantur.

Commoditas, quia omnium corporum isoperimetrorum sphaera maximū est: omnium etiam formarum rotunda capacissima est. quoniam igitur maximum & rotundum, ideo capacissimum:



Item sicut dicit Alfraganus, si cœlum esset planum, aliqua pars cœli esset nobis propinquior alia, illa scilicet quæ esset supra caput nostrum.

Scholium Vineti.


Alfraganus tuus differentia secunda nugatur, quia cœli in orbem acti puncta singula à centro semper aqualiter distantia conuerterentur. Annotauit Petrus Nonius.

Igitur stella ibi existens, esset nobis propinquior, quàm stella in ortu vel occasu. Sed quæ nobis propinquiora sunt, maiora videntur. Ergo Sol, vel alia stella existens in medio cœli, maior deberet videri, quàm in ortu existēs vel in occasu. Cuius contrariū videmus cōtingere: maior enim apparet Sol, vel alia stella existēs in oriente, vel occidente, quàm in medio cœli. Sed cū rei
Veri-

Veritas ita non sit, huius apparentiæ causa est, quòd in tempore hyemali vel pluuiali vapores quidam ascendunt inter aspectum nostrum & Solem, vel aliam stellam: & cùm illi vapores sint corpus diaphanum, disgregant radios nostros visuales, ita quòd non comprehendunt rem in sua naturali & vera quantitate: sicut patet in denario proiecto in fundo aquæ lympidæ, qui propter similem disgregationem radiorum apparet maioris, quàm suæ veræ quantitatis.


Scholium Vineti.

Diaphanum nescio an apud probatos auctores legerit Rhodiginus: ego διαφανὺ tantum memini. Sunt autem διαφανῶν αἶρ, aqua, vitrum, crystallus, vapores, & alia huiusmodi, ita rara, ut per ea videre possis. Pellucida Latinos dixisse puto: sicut & cribrum, & laternam Punicam, & agnum adèd macrum, ut eius exta in sole etiam vini inspicere liceret: pellucere dixit Plautus in Ruden. & Aulul. Cur autem in aqua simulachra maiora veris cernantur, disputat Macrobius lib. VII. Saturnal.



Quod etiam terra sit rotunda, patet sic. Si-
 gna & stellæ non æqualiter oriuntur &
 occidunt omnibus hominibus ubique existen-
 bus: sed prius oriuntur & occidunt illis, qui
 sunt versus orientem. Et quod citius & tardius
 oriuntur & occidunt quibusdam, causa est tu-
 mor terræ: quod bene patet per ea quæ fiunt in
 sublimi. Vna enim & eadem eclipsis Lunæ nu-
 mero, quæ apparet nobis in prima hora noctis,
 apparet orientalibus circa horam noctis ter-
 tiam.

tiam. Vnde constat, quòd illis prius fuit nox, & sol prius eis occidit, quàm nobis. Cuius rei causa est tantum tumor terræ.




Quòd etiam terra habeat tumorem à septentrione in austrum, & contrà, sic patet. Homi- nibus existentibus versus septentrionem quæ- dam stellæ sunt sempiternæ apparitionis, scilicet quæ propinquè accedunt ad polum arcticum: aliæ

Verò sunt sempiternæ occultationis, sicut illæ quæ sunt propinquæ polo antarctico. Si igitur aliquis procederet à septentrione versus austrum, in tantum posset procedere, quòd stellæ, quæ prius erant ei sempiternæ apparitionis, ei iam tenderent in occasum: & quantò magis accederet ad austrum, tantò plus mouerentur in occasum. Ille iterum idem homo posset videre stellæ, quæ prius fuerant ei sempiternæ occultationis. Et è conuerso contingeret alicui procedenti ab austro versus septentrionem. Huius autem rei causa est tantum tumor terræ.

Item si terra esset plana ab oriente in occidentem, tam citò orirentur stellæ occidentalibus quàm orientalibus: quod patet esse falsum.

Item si terra esset plana à septentrione in austrum, & contra, stellæ quæ essent alicui sempiternæ apparitionis, semper apparerēt eidem, quocunque procederet: quod falsum est: sed quòd plana sit, præ nimia eius quantitate hominum visui apparet.

Quòd



QVOD AQUA SIT
ROTVNDA.

QVod autem aqua habeat tumorem, & accedat ad rotunditatem sic patet. Ponatur signum in litore maris, & exeat naus à portu, & in tantum elongetur, quod oculus existentis iuxta pedem mali non possit videre signum: stante verò navi oculus eiusdem existen-

tis in summitate mali, bene videbit signum illud. Sed oculus existentis iuxta pedem mali, melius deberet videre signum, quàm qui est in summitate mali, sicut patet per lineas ductas ab utroque ad signum. Et nulla alia huius rei causa est, quàm tumor aquæ. Excludantur enim omnia alia impedimenta, sicut nebulae & vapores ascendentes.

Item cum aqua sit corpus homogeneum,



totum cum partibus eiusdem erit rationis, sed partes aquæ (sicut in guttulis & roribus herbarum accidit) rotundam naturaliter appetunt formam: ergo &

totum, cuius sunt partes.

Scholion Vineti.

Homogeneum, eiusdem generis & nature, ex Græco & pueris. Terra autem & aqua globum unum constituunt, quarum, dubitatum est aliquando utra maior esset. Quidam aquam putauerunt: sed si non fallunt, qui nuper orbem lustrauerunt descripseruntque, terra quàm aqua facies maior est: quod & Nonius noster monuit.

TER-

TERRAM ESSE CEN-
trum mundi, immobilém-
que consistere.

QUòd autem terra sit in medio firmamenti sita, sic patet. Existentibus in superficie terre, stellæ apparent eiusdem quantitatis, siue sint in medio cœli, siue iuxta ortum, siue iuxta occasum: & hoc ideo, quia æqualiter terra distat ab eis. Si enim terra magis accederet ad firmamentum in vna parte quàm in alia, sequeretur quòd aliquis existens in illa parte superficiei terre, quæ magis accederet ad firmamentum, non videret cœli medietatem. Sed hoc est contra Ptole- mæum, & omnes philosophos, dicen- tes, quòd vbicun- que existat homo, sex signa ei oriuntur, & sex occidunt, & medietas cœli semper apparet ei, me- dietas verò occultatur.



Illud item est signum, quòd terra sit tan- quam centrũ & punctus respectu firmamenti: quia si terra esset alicuius quantitatis respectu

firmamenti, non contingeret medietatem coeli videri.

Item si intelligatur superficies plana super centrum terræ, diuidens eam in duo æqualia, & ipsum per consequens firmamentum. Oculus igitur existens in terræ centro videret medietatem coeli: & idem existens in superficie ter-



ræ videret eandem medietatē.

Ex his colligitur, quòd insensibilis est quantitas terræ, quæ est à superficie ad centrum, & per consequens quanti-

tas totius terræ insensibilis est respectu firmamenti.

Diff. 4. &
22.

Dicit etiam Alfraganus, quòd minima stellarum fixarum visu notabilem, maior est tota terra: sed ipsa stella respectu totius firmamenti est sicut punctus & centrum: multò igitur fortius terra est punctus respectu firmamenti, cum sit minor ea.

Quòd autem terra in medio omnium teneatur immobiliter, cum sit summè grauis, sic persuadere videtur eius grauitas. Omne graue naturali-

turaliter tendit ad centrum. Centrum quidem punctus in medio firmamenti. Terra igitur cum sit summè gravis, ad punctum illum naturaliter tendit.

Item, quicquid à medio mouetur, versus circumferentiã cœli ascēdit: terra à medio mouetur: igitur ascendit: quod pro impossibili relinquitur.


DE AMBITV TER- ræ, & diametro.

TOtius autem orbis terræ ambitus, auctoritate Ambrosij Theodosij Macrobij, & Eratosthenis philosophorum 252000. stadia continere diffinitur, unicuique quidem 360. partium zodiaci 700. stadia deputando. Sumpto enim astrolabo vel quadrante in stellatæ noctis claritate, per utrunque mediclinij foramen polo perspecto notetur graduum multitudo, in qua steterit medicliniũ. Deinde procedat cosmimetra directè versus septentrionem à meridie, donec in alterius noctis claritate, viso ut prius polo, statuerit altius vno gradu medi-



clinium. Post hoc mensuretur huius itineris spatium, & inuenientur 700 stadia. Deinde datis unicuique 360. graduum tot stadiis, terreni orbis ambitus inuentus erit.

Ex his autem, iuxta circuli & diametri regulam diameter terræ sic inueniri poterit. Aufer vigesimam secundam partem de circuitu terræ, & remanētis tertia pars, hoc est 80181 stadia & semis, et tertia pars vnius stadij erit terreni orbis diameter siue spissitudo.



Scholion Vini.

Ambrosius Theodosius Macrobius hic vnicus est auctor, Macrobius scilicet ille, qui scripsit Saturnalium libros & commentaria in Somnium Scipionis, in quorum libro primo illa inuenies de terra ambitu ex Eratosthene. Eratosthenis porro huius scripta Sacroboscus, an viderit nescio: quæ si ad nos peruenissent integra, sciremus, ambitumne terræ ducentorum & quinquaginta duorum milium stadiorum esse scripserit, quomodo tradunt Plinius in extremo libro secundo, Macrobius ille, Capella, & Sacroboscus: an verò ducentorum & quinquaginta solum, id est $\mu\pi\acute{\alpha}\delta\epsilon\omega\pi\iota\iota\kappa\omicron\sigma\iota\pi\iota\upsilon\tau\iota$, ut habet Cleomedes lib. primo. Huius certè vel solius auctoritas magni esse momenti debet, quid

quod Eratosthenis rationes & demonstrationem adducat. Pto-
lemaeus post Eratosthenem fuit, qui pro septingentis quingenta
tantum stadia terrestris meridiani tribuit vni caelestis meri-
diani gradui. ita incomperta est terra magnitudo propter me-
tiendi difficultatem, seu illius mensuram terra, vt Eratosthenes,
& alij, seu mari, vt Posidonius, eodem Cleomede auctore, inire
velis. Qui autem hic ambitus terrae vulgò dicitur, non solius est
terra, sed terra & aquae simul, quae vnâ ambagie sunt spha-
ram constituere. Caterum de mensuris hos fecerunt geometra
versiculos, memoria gratia:

Quatuor ex granis digitus componitur vnus.
Est quater in palmo digitus, quater in pede palmus.
Quinque pedes passum faciunt, passus quoque centum
Viginti quinque stadium dant, sed miliare
Octo dabunt stadia, duplicatum dat tibi leucam.

Leuca tamen Gallicum vocabulum, quo & Hispanij vtun-
tur, non duo miliaria, sed vnum tantum & dimidium, id est,
mille & quingentos passus continere definitur. Ammiano Mar-
cellino libro quintodecimo & sextodecimo, & Iornando in Go-
thicis. Porro rationem certam cuiusuis ambitus circuli ad suam
diametrum geometra haud dum potuerunt demonstrare. Acci-
pitur tamen interim pro vera vulgò, tripla sesquiseptima, quo-
modo se habent 22. ad 7. atque ita versiculi hi ex diametro pe-
ripheriam, & contra, ex illa diametrum cuiusuis circuli mini-
mo negotio inuenire docent.

Circuitus circi per septem multiplicetur.
Vigintiue duo productum deinde secuto:
Hinc numerus, quotiens qui dicitur, est diametrum.
Si per viginti duo multiplices diametrum:
Per septemque feces numerum, qui prodiit inde,
Circuitum circi quotiens numerus tibi reddet.

CAPITVLVM SECVNDVM


de Circulis ex quibus Sphaera materialis
componitur, & illa supercoelestis
quæ per istam imaginatur,
componi intelli-
gitur.

Horum autem circulorum quidam sunt ma-
iores, quidam minores, vt sensui patet. Ma-
ior autem circu-
lus in sphaera di-
citur, qui descri-
ptus in superficie
sphaeræ super eius
centrum diuidit
sphaeram in duo
æqualia. Minor
verò qui descri-
ptus in superficie
sphaeræ eam non
diuidit in duo æ-
qualia, sed in portiones inæquales. Inter circulos
verò maiores, primò dicendum est de æquino-
ctiali.



EST igitur æquinoctialis circulus quidam,
 diuidens spheram in duo equalia, secun-
 dum quamlibet sui partē æquē distans ab vtro-
 que polo. Et dicitur æquinoctialis, quoniā quan-
 do Sol transít per illum (quod est bis in anno, in
 principio Arie-

tus scilicet, &
 in principio Li-
 bræ) est æqui-
 noctiū in vni-
 uersa terra: vnde etiā appella-
 tur æquator diei
 & noctis, quia
 adæquat diē ar-



tificialem nocti. Et dicitur cingulus primi mo-
 tus. Vnde sciendum, quòd primus motus dici-
 tur motus primi mobilis, hoc est non æ spheræ si-
 ne cœli vltimi, qui est ab oriente per occidentē,
 rediens iterum in orientē: qui etiam dicitur mo-
 tus rationalis, ad similitudinem motus rationis,
 qui est in microcosmo, id est, in homine, scilicet
 quando fit consideratio à creatore per creaturas
 in creatorē, ibi sistendo. Secundus motus est fir-



mamenti ☿ planetarum, contrarius huic, ab occidente per orientem iterum rediens in occidentem. qui motus dicitur irrationalis siue sensualis, ad similitudinem motus microcosmi, qui est à corruptibilibus ad creatorē, iterum rediens ad corruptibilia. Dicitur ergo cingulus primi motus, quia cingit, siue diuidit primum mobile, scilicet, sphaeram nonam in duo æqualia, æquē distans à polis mundi. Vnde notandum, quod polus mundi, qui nobis semper apparet, dicitur polus septentrionalis arcticus vel borealis. Septentrionalis dicitur à septentrione, hoc est, à minori vrsa, qui dicitur à septem ☿ trion, quod est bos: quia septem stellæ, quæ sunt in vrsa, tardè mouentur ad modū bovis, cum sint propinquæ polo. Vel dicuntur illæ septē stellæ septentriones, quasi septem teriones, eò quod terūt partes circa polū. Arcticus quidem dicitur ab ἀρκτος, quod est vrsa. Est enim iuxta maiorem vrsam.

Scholion Vincti.

Iuxta maiore vrsam. Quidam libri habent, iuxta minorem vrsam. Nam videtur hic auctor vrsam, quæ vulgo maior dicitur, minorem vocare. Consule de hoc Vitruuium, Hyginium, Gellium, si quid habent certi.

Borealis verò dicitur, quia est in illa parte, à qua venit Boreas. Polus verò oppositus dicitur antarcticus, quasi cōtra arcticū positus: dicitur

☿

Et meridionalis, quia ex parte meridici est: dicitur etiam australis, quia est in illa parte à qua venit auster. Ista igitur duo puncta in firmamento stabilia, dicuntur poli mundi, quia sphaera axem terminant, Et ad illos voluitur mundus, quorum vnus semper nobis apparet, reliquus verò semper occultatur. Vnde Virgilius in primo Georg.

*Hic vertex nobis semper sublimis, at illum
Sub pedib⁹ Styx atra videt, manesq; profundi.*

DE ZODIACO CIRCVLO.

EST alius circulus in sphaera, qui interfecat æquinoctialem, Et interfecatur ab eodem in duas partes æquales: Et vna eius medietas declinat versus septentrionē, alia versus austrū. Et dicitur iste circulus Zodiacus à ζωδιον, quod est vita, quia secundum motum planetarum sub illo est omnis vita in rebus inferioribus. Vel dicitur à ζωδιον, quod est animal, quia cum diuidatur in 12. partes æquales, quaelibet pars appellatur signum, Et nomen habet speciale à nomine cuius animalis, propter proprietatem aliquam conuenientē tam ipsi, quàm animali. Vel propter dispositionem stellarū fixarum in illis partibus ad modū huiusmodi animalium. Iste verò

circulus Latine dicitur signifer, quia fert signa, vel quia diuiditur in ea. Ab Aristotele vero in lib. 2. de generatione & corruptione, dicitur circulus obliquus, vbi dicit, quod secundum accessum & recessum Solis in circulo obliquo, sunt generationes & corruptiones in rebus inferioribus. Nomina autem signorum, ordinatio, & numerus in his patent versibus:

Sunt Aries, Taurus, Gemini, Cancer, Leo,
Virgo,
Libraque, Scorpius, Arcitenens, Capri, Amphora, Pisces.

Quodlibet autem signum diuiditur in 30. gradus. Vnde patet, quod in toto Zodiaco sunt 360. gradus. Secundum autem astronomos iterum quilibet gradus diuiditur in 60. minuta, quodlibet minutum in 60. secunda, quodlibet secundum in 60. tertia, & sic deinceps vsque ad decem. Et sicut diuiditur Zodiacus ab astronomo, ita & quilibet circulus in sphaera, siue maior siue minor, in partes consimiles.

Cum omnis etiam circulus in sphaera, praeter Zodiacum, intelligatur sicut linea vel circumferentia, solus Zodiacus intelligitur vt superficies, habens in latitudine sua duodecim gradus, de cuiusmodi gradibus iam locuti sumus. Vnde patet, quod quidam mentiuntur in Astrologia dicentes,

centes, signa esse quadrata: nisi abutentes nomine, idem appellent quadratum & quadrangulum. Signum enim habet gradus 30. in longitudine. 12, verò in latitudine.

Linea autem diuidens zodiacum in circuitu, ita quòd ex vna parte sui relinquat sex gradus, & ex alia parte alios sex, dicitur linea ecliptica, quoniam quando Sol & Luna sunt linealiter sub illa, contingit eclipsis Solis aut Lunæ. Solis, vt si fiat nouilunium, & Luna interponatur rectè inter aspectum nostrum, & corpus solare. Lunæ, vt in plenilunio, quando Sol Lunæ oppo-

nitur diametraliter. Vnde eclipsis Lunæ nihil aliud est, quàm interpositio terræ inter corpus Solis et Lunæ. Sol quidè semper decurrit sub ecliptica, om-



nes verò alij planetæ declināt vel versus septentrionem, vel versus austrum: quandoq; autem sunt sub ecliptica. Pars verò zodiaci, quæ declinat ab æquinoctiali versus septentrionē, dicitur septentrionalis, vel borealis, vel arctica. Et illa sex signa, quæ sunt à principio Arietis vsq; ad finē

Virginis, dicuntur signa septentrionalia vel borealia. Alia verò pars Zodiaci, quæ declinat ab æquinoctiali versus meridiem, dicitur meridionalis, vel australis, vel antarctica. Et sex signa quæ sunt à principio Libræ vsq; in finē Piscium, dicuntur meridionalia vel australia.

Cum autem dicitur, quòd in Ariete est Sol, vel in alio signo, sciendum, quòd hæc præpositio, in, sumitur pro sub, secundum quod nunc accipimus signum. In alia autem significatione dicitur signum pyramis quadrilatera, cuius basis illa superficies, quam appellamus signum: Vertex vero eius est in centro terræ. Et secundum hoc propriè loquendo possumus dicere, planetas esse in signis. Tertio modo dicitur signum, ut intelligantur sex circuli transeuntes per polos Zodiaci, & per principia 12. signorum. Illi sex circuli diuidunt totam superficiem spheræ in 12. partes, latas in medio, arctiores verò iuxta polos Zodiaci: & quælibet pars talis dicitur signum, & nomen habet speciale à nomine illius signi, quod intercipitur inter suas duas lineas. Et secundum hanc acceptionem, stellæ quæ sunt iuxta polos extra Zodiacum, dicuntur esse in signis.

Iam intelligatur corpus quoddam, cuius basis sit signum, secundum quod nunc vltimò accipimus

pimus signum: acumen verò eius sit super axem zodiaci. tale igitur corpus in quarta significatione dicitur signum, secundum quam acceptionē totus mundus diuiditur in duodecim partes æquales, quæ dicuntur signa: & sic quicquid est in mūdo, est ī aliquo signo. B



DE DVOBVS COLVRIS.

Sunt autē alij duo circuli maiores in sphaera, qui dicuntur coluri, quorum officium est distinguere solstitia & æquinoctia. Dicitur autē colurus à κῆλον Græcè, quòd est membrum, & ὄντι quòd est bos sylvester: quia quemadmodum

Scholion Vineti.

Α κῆλον Græcè.) Imò à κῆλον, quòd est mutilum, mancum: & ὄντι à canda. Quoniam cum spatio 24. horarum zodiacus & æquinoctialis toti orientur, & videri possint, colurorum nunquam supra terram videtur ea pars, quæ in antarctico est circulo, quales arcticos Græci describunt. Quare hi, quasi amissa canda, imperfecti & mutili nobis dicuntur.

cauda bouis syluestris erecta, quæ est eius membrum, facit semicirculum, & non perfectum: ita colurus semper apparet nobis imperfectus: quoniam solum una eius medietas apparet, alia verò nobis occultatur.

Colurus igitur distinguens solstitia, transit per polos mundi, & per polos Zodiaci, & maximas Solis declinationes, hoc est, per primos gradus Cæcri & Capricorni. Vnde primus punctus Cancræ, ubi colurus iste interfecat Zodiacum, dicitur punctus solstitij æstiuæ: quia quando Sol est in eo, est solstitium æstiuale, & non potest Sol magis accedere ad Zenith capitis nostri.



Est autem Zenith punctus in firmamento directè suprapositus capitibus nostris. Arcus verò coluri, qui intercipitur inter punctum solstitij æstiuæ & æquinoctiale,

appellatur maxima Solis declinatio. Et est, secundum Ptolemæum, viginti trium graduum, & unius & quinquaginta minutorum: secundum Almeonem verò, viginti trium graduum, triginta trium minutorum,

Scholion Vineti.

Hodie est 23. grad. & 30. minut. cuius varietatis causam esse volunt motum illum tertium polos versus in octava sphaera observatum.

Similiter primus punctus Capricorni, ubi idem colurus ex alia parte interfecat Zodiacum, dicitur punctus solstitij hyemalis, & arcus coluri interceptus inter punctum illum & equinoctialem, dicitur alia maxima Solis declinatio, & est equalis priori.

Alter quidem colurus transit per polos mundi, & per prima puncta Arietis & Librae, ubi sunt duo equinoctia: unde appellatur colurus distinguens equinoctia. Isti autem duo coluri interfecant sese super polos mundi ad angulos rektos sphaerales. Signa quidem solstitiorum & equinoctiorum patent his versibus,

Hæc duo solstitia faciunt Cæcer, Capricornus:
Sed noctes æquant Aries, & Libra diebus.

DE MERIDIANO

& horizonte.

Sunt iterum duo alij circuli maiores in sphaera, scilicet meridianus & horizon.

Est autem meridianus, circulus quidam transiens per polos mundi, & per zenith capitis nostri. Et dicitur meridianus, quia ubicunque sit

homo, & in quocunque tempore anni, quando Sol motu firmamēti pervenit ad suum meridianum, est illi meridies. Consimili ratione dicitur circulus mediū diei. Et notādum quòd ciuitates, quarum vna magis accedit ad orientem, quàm alia, habent diuersos meridianos. Arcus verò æquinoctialis interceptus inter duos meridianos, dicitur longitudo ciuitatum. Si autem duæ ciuitates eundem habeant meridianum, tunc æqualiter distant ab oriente & occidente.

Horizon verò est circulus diuidens inferius hemisphaerium à superiori, vnde appellatur horizon, id est, terminator visus. Dicitur etiam horizon, circulus hemisphaerij, eadem de causa. Est autē duplex horizon, rectus & obliquus siue decliuus. Rectum horizon tē & sphaerā rectā habent illi, quorum Zenith est in æquinoctiali, quia illorū horizon est circulus transiens per polos mundi, diuidens æquinoctialem ad angulos rektos sphaerales, vnde dicitur horizon rektus et sphaera rektā. Obliquū horizon tē siue declinē habent illi, quibus polus mūdi eleuatur supra horizon tē: & quoniā illorū horizon intersecat æquinoctialem ad angulos impares & obliquos, dicitur horizon obliquus, & sphaera obliqua siue decliuus. Zenith autē capiti nostri semper est
polus

polus horizontis. Vnde ex his patet, quòd quanta est eleuatio poli mundi super horizontem, tanta est distantia Zenith ab æquinoctiali: quod sic patet. Cum in quolibet die naturali vterq; colurus bis iungatur meridiano, siue idem sit quod meridianus, quicquid de vno probatur, & de reliquo. Sumatur igitur quarta pars coluri distinguentis solstitia, quæ est ab æquinoctiali vsq; ad polum mundi: sumatur iterum quarta pars eiusdæ coluri, quæ est à Zenith vsq; ad horizontem, cum Zenith sit polus horizontis. Istæ duæ quartæ, cum sint quartæ eiusdæ circuli, inter se sunt æquales: sed si ab æqualibus æqualia dematur, vel idem cõmune, residua erunt æqualia. dempto cõmuni igitur arcu, scilicet qui est inter Zenith & polum mundi, residua erunt æqualia, scilicet eleuatio poli mundi supra horizontem, & distantia Zenith ab æquinoctiali.



DE QVATVOR

circulis minoribus.

DIcto de sex circulis maioribus, dicendum est de quatuor minoribus. Notandum igitur

SPHAERAE IOAN.

tur, quòd Sol existens in primo puncto Cancrì, siue in puncto solstitij æstiuæ, raptu firmamenti describit quendam circulum, qui vltimò descriptus est à Sole ex parte poli arcticì : vnde

Scholion Vincti.

Firmamentum auctor primo capite vocabat octauam sphaeram: sed hic firmamentum supremam sphaeram significet necesse est, aliquòtque alijs locis.

appellatur circulus solstitij æstiuæ, ratione superius dicta, vel tropicus æstiuæ, à τροπή, quod est conuersio, quia tunc Sol incipit se conuertere ad inferius hemisphaerium, & recedere à nobis. Sol iterum existens in primo puncto Capricorni siue solstitij hyemalis, raptu firmamenti describit quendam circulum, qui vltimò describitur à Sole ex parte poli antarcticì: vnde appellatur circulus solstitij hyemalis, siue tropicus hyemalis, quia tunc Sol conuertitur ad nos.

Scholion Vincti.

Α τροπή, q.) Hanc τροπήν Cicero libro secundo de natura Deorum appellat reuersionem, quòd Sol reuerti incipiat eò, vnde est profectus. Vocat autè auctor inferius hemisphaerium partem mundi australem, vt Macrobius libro primo Saturnalium.

Cùm autem Zodiacus declinat ab æquinoctiali, & polus zodiaci declinabit à polo mundi. Cùm igitur moueatur octaua sphaera, & Zodiacus, qui est pars octauæ sphaeræ, mouebitur circa axem mundi, & polus zodiaci mouebitur
circa


circa polum mundi. Iste igitur circulus, quem describit polus Zodiaci circa polum mundi arcticum, dicitur circulus arcticus: ille verò circulus, quem describit alter polus Zodiaci, circa polum mundi antarcticum, dicitur circulus antarcticus.

Scholion Vineti.

Arcticorum orbium descriptio hæc multum diuersa est ab ea, quam Cleomedes, Proclus, & alij tradunt.

Quanta est etiam maxima Solis declinatio, scilicet ab æquinoctiali, tanta est distantia poli mundi ad polum Zodiaci: quod sic patet. Sumatur colurus distinguens solstitia, qui transit per polos mundi & per polos Zodiaci. Cum igitur omnes quartæ vnius & eiusdem circuli inter se sint æquales, quarta huius coluri, quæ est ab æquino-

ctiali vsque ad polum mundi, erit æqualis quartæ eiusdem coluri, quæ est à primo puncto Cancræ vsque ad polum Zodiaci: igitur ab illis æqualibus dempto cõmuni arcu, qui est à primo pun-



Eto Cancrī vsq; ad polum mundi, residua erunt
 aequalia, scilicet maxima Solis declinatio, &
 distantia poli mundi ad polum zodiaci. Cū au-
 tem circulus arcticus secūdu quamlibet sui par-
 tem aequē distet à polo mūdi, patet quòd illa pars
 coluri, quæ est inter primum punctum Cancrī,
 & circulum arcticum, ferè est dupla ad maxi-
 mam Solis declinationem, siue ad arcum eius-
 dem coluri, qui intercipitur inter circulum ar-
 cticum, & polum mundi arcticum, qui etiam
 arc⁹ equalis est maximæ Solis declinationi. Cū
 enim colurus iste sicut alij circuli in sphaera sit
 360. graduum, quarta eius erit 90. graduum.
 Cū igitur maxima Solis declinatio secundum
 Ptolemæum sit 23. graduum, & 51. minorū,
 & totidem graduū sit arcus, qui est inter cir-
 culum arcticum & polum mundi arcticum, si
 ista duo simul iuncta, quæ ferè faciunt 48. gra-
 dus, subtrahatur à 90. residuum erunt 42. gra-
 dus, quantus est arcus coluri, qui est inter primū
 punctum Cancrī & circulum arcticum. & sic
 patet, quòd ille arcus ferè duplus est ad maxi-
 mam Solis declinationem.

DE QVINQVE ZONIS.

A Equinoctialis cum quatuor circulis mino-
 ribus dicuntur quinque paralleli, quasi æ-
 quidi-

quidistantes: non quia quantum primus distat à secundo, tantum secundus distet à tertio, quia hoc falsum est, sicut iam patuit: sed quia quilibet duo circuli simul iuncti secundum quamlibet sui partem æquè distant ab inuicē, & dicuntur parallelus æquinoctialis, parallelus solstitij æstivalis, parallelus solstitij hyemalis, parallelus arcticus, & parallelus antarcticus.

Notandum etiam quòd quatuor paralleli minores, scilicet duo tropici, & parallelus arcticus & parallelus antarcticus distinguunt in cœlo quinque Zonas siue regiones: vnde Virgilius in Georgicis,

Lib. 1.
Georg.

Quinq; tenent cœlū Zonæ: quarū vna corusco
Semper sole rubens, & torrida semper ab
igni, &c.

Distinguuntur etiam totidem plagæ in terra, directè prædictis Zonis suppositæ: vnde Ovidius primo Metamorphoseôn,

-Totidémque plagæ tellure premuntur.

Quarū quæ media est, nō est habitabilis æstu:
Nix tegit alta duas: totidem inter vtranque
locavit,

Tempericmq; dedit, mixta cū frigore flāma.

Illa igitur Zona, quæ est inter duos tropicos, dicitur inhabitabilis propter calorem solis discurrentis semper inter tropicos. Similiter plaga terræ

illi directè supposita dicitur inhabitabilis, propter calorem solis discurrentis super illam. Illæ verò duæ Zonæ, quæ circumscribuntur à circulo arctico, & circulo antarctico circa polos mundi, inhabitabiles sunt propter nimiam frigiditatem, quia Sol ab eis maxime remouetur. Similiter intelligendum est de plagis terræ illis directè suppositis. Illæ autem duæ Zonæ, quarum una est inter tropicum æstiualem & circulum arcticum, & reliqua, quæ est inter tropicum hyemalem & circulum antarcticum, habitabiles sunt, & temperatæ caliditate torridæ Zonæ existētis inter tropicos, & frigiditate Zonarum extremarum, quæ sunt circa polos mundi. Idem intellige de plagis terræ illis directè suppositis.



Scholion Vineti.

Rectè apud Trogum Scythæ gens Septentrionalis, de generis vetustate cum Aegyptiis contendentes, dicebant, naturam, quæ calore & frigore regiones distinxisset, ad locorum patientiam homines quoque & alia animalia generasse. Nā quas Zonas inhabitabiles æstu & frigore permulti existimarūt, cōpertū multis navigationibus hoc nostro seculo habitatores habere, (quod

&

Et ante annos mille ac quingentos Iubam Numidia regem ad-
versus plurimorum veterum opinionem probasse Solinus auctor
est, & Polybium ante Iubam Strabo libro secundo) earumque
intemperiem nostros etiam homines temperato cælo natos &
educatos, ferre tandem assueuisse. Quot enim Lusitanorum in
Orientali, quot reliquorum Hispanorum colonias in Occiden-
tali zona torrida hodie inuenias? zona autem frigida non æ-
què nobis nota sunt, neque familiares.

ALIA FIGVRA DE DISTIN-
ctione Zonarū, qua simul causæ distributio-
nis earum & in cælo & in terra cernuntur.



CAPITVLVM TERTIVM

de ortu & occasu signorum, de diuersitate
dierum & noctium, & de diui-
sione climatum.

Signorum autem ortus & occasus dupliciter
accipitur, quoniam quantum ad poëtas, &
quantum ad astronomos. Est igitur ortus & oc-
casus signorum, quò ad poëtas, triplex, scilicet
cosmicus, chronicus, & heliacus.

Cosmicus enim ortus siue mundanus est, quā-
do signum vel stella super horizontem ex parte
orientis de die ascendit. Et licet in qualibet die ar-
tificiali sex signa sic orientur, tamen antonomas-
ticè signum illud dicitur cosmicè oriri, cum quo
& in quo Sol manè oritur. Et hic ortus proprius
& principalis et quotidianus dicitur. De hoc or-
tu exemplum in primo Georgicò habetur, vbi
docetur satio fabarū & milij in vere, Sole exi-
stente in Tauro: sic,

Candidus auratis aperit cū cornibus annum
* auerso. Taurus, & * aduerso cedens Canis occidit
astro.

Occasus verò cosmicus est, respectu oppositio-
nis, scilicet quando Sol oritur cum aliquo signo,
cuius signi signum oppositum occidit cosmicè.
Lit. 1. De hoc occasu dicitur in Georgicis, vbi docetur
satio

*satio frumenti in fine autumni, Sole existente in
Scorpione, qui cum oriatur cum Sole, Taurus si-
gni eius oppositum, ubi sunt Pleiades, occidit: sic,
Ante tibi Eoæ Athlantides abscondantur,
Debita quàm sulcis committas semina.*

*Chronicus ortus siue temporalis est, quando si-
gnum vel stella post Solis occasum supra hori-
zontem ex parte orientis emergit chronicè, scili-
cet de nocte: & dicitur temporalis, quia tempus
mathematicorum nascitur cum Solis occasu. De
hoc ortu habemus in Ouidio lib. 1. de Ponto, ubi* Lib. 1.
conqueritur moram exilij sui, dicens: Eleg. 9.

*Quatuor autumnos Pleias orta facit,
significans per quatuor autumnos, quatuor an-
nos transiisse, postquam missus erat in exilium.
Sed Virgilius voluit in autumno Pleiades occi-
dere: ergo contrarij videntur. Sed ratio huius est,
quòd secundum Virgilium occidunt cosmice,
secundum Ovidium oriuntur chronicè, quod be-
ne potest contingere eodem die, sed differenter ta-
men, quia cosmicus occasus est, respectu tempo-
ris matutini: chronicus verò ortus respectu ve-
spertini est.*

*Chronicus occasus est, respectu oppositionis,
vnde Lucanus lib. 4. inquit,*

*Tunc nox Thessalicas vrgebat parua sagittas.
Heliacus ortus sine Solaris est, quando signum*

*Vel stella videri potest per elongationem Solis
ab illo, quod prius videri non poterat Solis pro-
pinqunitate. Exemplum huius ponit Ouid. lib. 2.
de Fastis, sic,*

Iam leuis obliqua subsedit Aquarius vrna.

Et Virgilius in Geor. lib. 1.

Gnosiaque ardentis decedat stella Coronæ:

*Quæ iuxta Scorpionem existens non vide-
tur, dum Sol erat in Scorpione.*

*Occasus Heliacus est, quando Sol ad signum
accedit, & illud sua præsentia & luminositate
videri non permittit. Huius exemplum est in
versu præmisso.*

* auerso. -Et* aduerso cedens canis occidit astro.

Scholion Vineti.

Ioannes de Sacro Bosco multis locis se imperitum græci ser-
monis ostendit, quemadmodum hic quoque, ubi chronicum pro
acronycho vt diceret, non est dubium quin corrupti & mendosi
libri in causa fuerint. Sunt autem ἀκρον summu, et vδξ, nox,
ex quibus fit ἀκρόνυχος, & illud ἀκρονύκτα, quod legitur a-
pud Iulium Firmicum lib. 2. cap. 8. quod vide an sit purum, &
a quo recto singulari defleatur.

Porro hic tibi querendum primum, vtrum dicant Græci fre-
quentius ἀνατολή, id est ortum, ἀκρόνυχος, an Arcturum,
Pleiadas, Arietem, & reliqua sydera acronycha. Ortum illum
ἀκρόνυχον memini ego legere qui appellarent. Deinde sydera
quæ per totam noctem oriuntur & occidunt an acronychè id
facere dici possint, vt hic voluit, cum acronychè significatio no-
ctis principio tantum conuenire videatur. Postremò si Sol erat
in Geminis, quomodo non potius Sagittarij occasus ille cosmicus
appellatur, vt supra, Pleiadum. Mihi quidem certè vix videtur
Lucani illud ad illum occasus genus pertinere, sed tantum anni
tempus & breues noctes designare, cum Sagittarius obliquè in-
grediens,

grediens, ei aduersus signo, in quo erat Sol, totam noctem supra
horizontem versari celeriter videretur. Eius sunt versus libro
quarto:

Idem cum fortes animos praecepta subissent,
Optauere diem, nec segnis mergere ponto
Tunc erat astra polus, nam Sol Ledae tenebas
Sydera, vicino cum lux altissima Canero est.
Nox tum Thessaliae urgebat parua sagittas.
Detegit orta dies stantes in rupibus istros,
pugnareque mari, &c.

INSTRUMENTVM, QVO FACIL-
limè omnes diuersitates ortus poë-
tici oculus subiiciuntur.



SPHAERAE IOAN.
DE ORTV ET OCCASV SI-
gnorum secundum astrologos, seu de ascen-
sionibus & descensionibus signorum, rectis &
obliquis.



Sequitur de ortu & occasu signorum, prout
sumunt astronomi, & prius in sphaera recta.
Sciendum est, quòd tam in sphaera recta, quàm
obliqua ascendit æquinoctialis circulus semper
uniformiter, scilicet in temporibus æqualibus æ-
quales arcus ascendunt. Motus enim cœli uni-

* Scholion Vineti.

Ascendit æquinoctialis.) Aequinoctialis oriuntur gradus 15.
singulis horis æquinoctialibus, quales xxiiij. diem constituere vul-
gò dicuntur, qui naturalis postea definitur,

formis est: & angulus quem facit æquinoctialis
cum horizonte obliquo non diuersificatur in
aliquibus horis. Partes verò zodiaci non de ne-

Scholion Vineti.

Es angulus quem fa.) In sphaera recta æquinoctialis & hori-
zon ad angulos inter se secant æquales, qui sunt recti: in sphaera
verò obliqua ad angulos inæquales, quorum alter obtusus, ille,

qui

qui recto maior præter nonaginta gradus (tot comprehendit re-
ctus in sphaera angulus) quos in meridiano circulo numerus ab
æquinoctiali ad polum mundi gradus complectitur sublimitatis
eiusdem poli supra horizontem. alter acutus, qui recto minor, eos
gradus cõtinet, qui reliqui sunt ex 90. postquam ex iis 90. sub-
duxiſti eandem poli altitudinem. Quantum enim supra 90. ac-
cedit vni ex illis angulis, tantum decedit alteri. Non variantur
autem ij æquatoris & horizontis anguli, quemadmodum au-
ctor ait, sed zodiacus & horizon variu inter se secant angulis,
propter zodiaci ipsius obliquitatem, vnde inæquales ille ascensio-
nes partium zodiaci. Annotauit & Petrus Nonius.

cessitate habent æquales ascensiones in vtraque
sphaera, quia quantò aliqua zodiaci pars rectius
oritur, tantò plus temporis ponitur in suo ortu.
Huius signum est, quia sex signa oriuntur in lon-
ga vel in breui die artificiali, similiter & in no-
cte. Notandum igitur, quòd ortus vel occasus
alicuius signi, nihil aliud est quàm illam partem
æquinoctialis oriri, quæ oritur cum illo signo o-
riente, id est ascendente supra horizontem: vel
illam partem æquinoctialis occidere, quæ occidit
cum illo signo occidente, id est tendente ad occa-
sum sub horizontem. Signum autem rectè oriri
dicitur, cum quo maior pars æquinoctialis ori-
tur: obliquè verò, cum quo minor. Similiter etiã
intelligendum est de occasu.

ET est sciendum, quòd in sphaera recta quartæ
zodiaci inchoatæ à quatuor punctis, duobus
scilicet solstitialibus, & duobus æquinoctiali-

bus adequatur suis ascensionibus, id est quantum temporis consumit quarta Zodiaci in suo ortu, in tanto tempore quarta æquinoctialis illi conterminalis peroritur: sed tamen partes illarum quartarum variantur, neque habent æquales ascensus, sicut iam patebit. Est enim regula, Quilibet duo arcus Zodiaci æquales, & æqualiter distantes ab aliquo quatuor punctorum iam dictorum, æquales habent ascensiones: & ex hoc sequitur, quod signa opposita æquales habent ascensiones, & hoc est quod dicit Lucanus lib. 9. loquens de processu Catonis in Libyam versus æquinoctialem,

Non obliqua meant, nec Tauro rectior exit
Scorpius, aut Aries donat sua tempora Libræ,
Aut Astræa iubet lentos descendere Pisces,
Par Geminis Chiron, & idem quod Carcinus
ardens,

Humidus αἰρόμενος, nec plus Leo tollitur Vrnâ.

Hic dicit Lucanus, quod existentibus sub æquinoctiali, signa opposita æquales habent ascensiones & occasus. Oppositio autem signorum habetur per hunc versum,

Est lib. ari. scor. tau. sa. gemi. cap. ca. a. le. pis. vir.

Scholion Vineti.

Ex hoc sequitur.) Signa opposita, tametsi non æqualiter distant ab aliquo illorum quatuor punctorum, tamen cum aliquo alio

alio signo utrunque convenit, exempli gratia, Aries & Virgo
 equales habent ascensiones, quod equaliter distet à puncto sol-
 stitiali. Virgo eadem & Libra equales: quæ equaliter distent
 ab æquinoctio: unde colligas Arietem cum Libra eundem ha-
 bere ortum, quod axionia sit, inter se convenire, quæ eidem con-
 veniunt: et inter se esse paria, quæ eidem paria. Lucani autem illud
 ex lib. nono Pharsalia, Non obliqua meant- non satis video
 quid sit, vereor enim ne velit Lucanus hoc significare, in sphaera
 recta signa omnia Zodiaci rectè oriri, et ascendere. Quæ autem
 signa in sphaera recta rectè, & quæ obliquè oriuntur, his habes.

G. M.

Obl.	Aries,	Virgo,	Libra,	Pisces.	27	54
Obl.	Taurus,	Leo,	Scorp.	Aquar.	29	55
Rec.	Gem.	Cancer,	Sagitt.	Capri.	32	11

Porro quia hi gradus sunt æquinoctiales, & æquinoctialis
 gradus 15. hora una oriuntur: facile hinc colliges quanto tem-
 pore singula signa orientur.

Et est notandum, quod non valet talis argu-
 mentatio: Isti duo arcus sunt equales, & simul
 incipiunt oriri, & semper maior pars oritur de
 uno, quàm de reliquo: ergo ille arcus citius pero-
 ritur, cuius maior pars semperoriebatur. In-

Scholion Vmeti.

Maiores pars oritur.) Oritur, pro orta videtur, aut orta est, sicut
 dixit cap. primo, cum terræ esse centrū ostēderet, sex signa oriun-
 tur et occidunt. Arcus autem Zodiaci pars prior si celerius oritur,
 eius posterior pars tardius ascendit, & contrā. inde cōpensatio.

stantia huius argumentationis manifesta est in
 partibus prædictarum quartarum. Si enim su-
 matur quarta pars Zodiaci, quæ est à principio
 Arietis usque ad finem Geminorum, semper
 maior pars oritur de quarta Zodiaci, quàm de
 quarta æquinoctialis sibi conterminali, & ta-

men illæ duæ quartæ simul peroriuntur. Idem intellige de quarta Zodiaci, quæ est à principio Libræ vsque ad finem Sagittarij.

Item si sumatur quarta Zodiaci, quæ est à principio Cancræ vsque ad finem Virginis, semper maior pars oritur de quarta æquinoctialis, quàm de quarta Zodiaci, illi conterminali, Et tamen illæ duæ quartæ simul peroriuntur. Idem intellige de quarta Zodiaci, quæ est à primo puncto Capricorni vsque ad finem Piscium.

IN sphaera autem obliqua siue declinæ, duæ medietates Zodiaci adæquantur suis ascensionibus: medietates dico, quæ sumuntur à duobus punctis æquinoctialibus: quia medietas Zodiaci, quæ est à principio Arietis vsque in finem Virginis, oritur cum medietate æquinoctialis sibi conterminali. Similiter alia medietas Zodiaci oritur cum reliqua medietate æquinoctialis.

Scholion Vincti.

Inuenies in Iacobi Fabri commentariis tabellam hanc ad latitudinem 48. graduum factâ, de ascensionibus signorum Zodiaci.

		G.	M.	
Aries,	Pisces	14.	50.	obl.
Taurus,	Aquarius	18.	51.	obl.
Gemini,	Capricornus	27.	26.	obl.
Cancer,	Sagittarius	36.	58.	rect.
Leo,	Scorpius	40.	57.	rect.
Virgo,	Libra	40.	58.	rect.

Partes autem illarum medietatum variantur secundum suas ascensiones, quoniam in illa medietate

dietate zodiaci, quæ est à principio Arietis vsque ad finem Virginis, semper maior pars oritur de zodiaco, quàm de æquinoctiali, & tamen illæ medietates simul peroriuntur.



E conuerso contingit in reliqua medietate zodiaci, quæ est à principio Libræ vsque ad finem Piscium, semper enim maior pars oritur de æquinoctiali, quàm de zodiaco: & tamen illæ medietates simul peroriuntur. Vnde hic patet instantia facta manifestior contra argumentationem superius dictam.

Arcus autem qui succedunt Arieti vsque ad finem Virginis in sphaera obliqua, minuunt ascensiones suas supra ascensiones eorundem arcuum in sphaera reecta, quia minus oritur de æquinoctiali.



Scholion Vineti.


Arcus autem qui, si arcus hi caperint ab ipso primo Arietis puncto. Alias poterit hoc esse falsum ut deprehendes ex collatione ascensionis singulorum signorum in tabula vtriusque sphaera.

Et arcus qui succedunt Libræ vsque ad finem Piscium in sphaera obliqua, augent ascensiones suas

supra ascensiones eorundem arcuum in sphaera recta, quia plus oritur de æquinoctiali. Augent dico, secundum tantam quantitatem, in quanta arcus succedentes Arieti minuunt.

Ex hoc patet, quod duo arcus æquales & oppositi in sphaera decliui, habent ascensiones suas iunctas æquales ascensionibus eorundem arcuum in sphaera recta simul sumptis: quia quanta est diminutio ex vna parte, tanta est additio ex altera. Licet enim arcus inter se sint inæquales, tamen quantum vnus minor est, tantum receperat alius, et sic patet adæquatio. Regula quidem est in sphaera obliqua, quod quilibet duo arcus Zodiaci æquales, et æqualiter distantes ab alterutro punctorum æquinoctialium, æquales habent ascensiones.

Ex prædictis etiam patet, quod dies naturales sunt inæquales. Est enim dies naturalis reuolutio æquinoctialis circa terram semel, cum tanta parte, quantum interim Sol pertransit motu proprio contra firmamentum. Sed cum ascensiones illorum arcuum sint inæquales, vt patet per prædicta, tam in sphaera recta, quam in obliqua, & penes additamenta illarum ascensionum



considerentur dies naturales, illi de necessitate erunt inæquales. In sphaera recta, propter unicam causam, scilicet propter obliquitatem zodiaci: in sphaera verò obliqua, propter duas causas, scilicet propter obliquitatem zodiaci, & obliquitatem horizontis obliqui. Tertia solet assignari causa, eccentricitas circuli Solis.

Scholion Vineti.

Plinius libro secundo, inæqualitatis dierum unicam tradit causam, obliquitatem zodiaci: Ptolemaus in fine libri tertij magne Syntax, duas: vnam, eandem obliquitatem zodiaci: alteram, orbis Solis eccentricitatem. Hic addit tertiam causam, horizontis obliquitatem: quam tamen ostendit Baptista Capuanus nihil solā posse, sed tantum ea zodiaci adiuvari obliquitate. De orbis Solis eccentricitate cap. quarto, in quo orbi cum Sol æqualiter versetur, atq; ita sub zodiaco inæqualiter, æqualibus temporis spatii inæquales ecliptici circuli partes percurrēs: dies, quos vocant, naturales, & sic quoque inæquales esse necesse est.

Notandum etiam, quòd Sol tendens à primo puncto Capricorni per Arietem, vsq; ad primum punctum Cancrī, raptu firmamenti describit 182 parallelōs: qui quidem paralleli, etsi non omnino sint circuli, sed spiræ, cum tamen non sit in hoc error sensibilis, in hoc vis non cōstituatur, si circuli appellentur, de numero quorum circularum sunt duo tropici, & vnus æquinoctialis. Item iam dictos circulos describit Sol raptu firmamenti descendens à primo puncto Cancrī per Libram, vsque ad primum punctum Capricorni: & isti circuli dierum naturalium circuli

appellatur. Arcus autem qui sunt supra horizontem, sunt arcus dierum artificialium. Arcus verò qui sunt sub horizonte, sunt arcus noctium artificialium.




Scholion Vineti.

Hanc diei naturalis & artificialis appellationem definitionemque nouam & barbaram semper credidi, quisquis eam prius nobis tradiderit. Si Pliny, Gellij, Macroby, Censorini & multorum aliorum veterum Latinorum libros, hi homines legissent paulo diligentius, suis diebus maxime propria & Latina vocabula inuenissent. Censorini ponemus verba in eorum gratiam, quibus copia librorum non semper suppetit.

Supereft pauca de die dicere, qui vt mensis aut annus, partim naturalis, partim ciuilis est. Naturalis dies est tempus ab exoriente sole ad solis occasum, cuius contrarium tempus est nox, ab occasu solis ad ortum. Ciuilis autem dies vocatur tempus, quod fit vno caeli circumactu, quo dies vterus & nox continetur, vt cum dicimus aliquem dies triginta tantum vixisse. Hæc ille in libro de die natali. Græci autem, qui in vtrâq; nox, & dies impleta dicitur, sic suam hemeram, vt Latini suam diem vsurpant: & cum diem, quem Censorinus ciuilem descripsit, certius designare voluit, diem & noctem dicunt, quemadmodum & Latini quoq; interdum vt re, sic cõposito nomine νυχθημερον, quasi dicas, noctlidium, quod nycthemeri verbum antè legeram in secunda Pauli ad Corinthios epistola, quâ in magna Syntaxi Ptolemæi.

In sphaera igitur recta, cum horizon sphaeræ rectæ trãseat per polos mundi, diuidit omnes circulos istos in partes æquales. Vnde tãti sunt ar-

eus dierum, quanti
sunt arcus noctiu
apud existentes sub
æquinoctiali. Vn-
de patet, quod exi-
stentibus sub æqui-
noctiali, in quacū-
que parte firmamē-
ti sit Sol, est semper æquinoctium.



In sphaera autem declini horizon obliquus
diuidit solum æquinoctiale in duas partes aequa-
les. Vnde quando Sol est in alterutro punctoru
æquinoctialium, tunc arcus diei æquatur arcui
noctis, & æquinoctium in vniuersa terra. Om-
nes verò alios circulos diuidit horizon obliquus
in partes inæquales, ita quòd in omnibus circu-
lis, qui sunt ab æquinoctiali vsque ad tropicum
Cancris, & in ipso tropico Cancris, maior est ar-
cus diei, quàm noctis, id est, arcus super hori-
zontem, quàm sub horizonte. Vnde in toto tē-
pore, quo sol mouetur à principio Arietis per
Cancrum, vsque in finem Virginis, maioratur
dies supra noctes, & tanto plus, quanto magis
accedit Sol ad Cancrum: & tanto minus, quan-
to magis recedit.

Scholion Vineti.

Hoc intelligendum de parte mundi septentrionali, cum au-
e iij

stralis partis ratio sit penitus contraria. Illi autē maiorari & minorari dies ac noctes, pro maiores longioresve, minores brevioresve esse aut fieri, non habeo auctore Sacroboscio antiquiorem, qui r̄sus sit: sed ea tamen verba nihil admodum cause est, cur magis barbara esse videantur, quā certiorari, quod pro certiore fieri & moneri Vlpianus Iuriconsultus dixisse legitur, in capite primo libri xix. ff.

- E conuerso autem se habet de diebus & noctibus, dum Sol est in signis australibus. In omnibus aliis circulis, quos Sol describit inter æquinoctialem & tropicum Capricorni, maior est arcus sub horizonte, & minor supra. Vnde arcus diei est minor quā arcus noctis, & secundum proportionem arcuum minoratur dies supra noctes: & quanto circuli sunt propinquiores tropico hiemali, tanto magis minorantur dies. Vnde videtur, quod si sumantur duo circuli æquidistantes ab æquinoctiali ex diuersis partibus, quantus est arcus diei in vno, tātus est arcus noctis in reliquo. Ex hoc sequi videtur, quod si duo dies naturales sumantur in anno equaliter remoti ab alterutro æquinoctiorū in oppositis partibus, quanta est dies artificialis vnius, tanta est nox alterius, & e conuerso: sed hoc est quantū
ad



ad vulgi sensibilitatem in horizontis fixatione. Ratio enim per ademptionem Solis contra firmamentū in obliquitate zodiaci, verius diuiditur. Quanto quidem polus mundi magis eleuatur supra horizontem, tanto maiores sunt dies æstatis, quādo Sol est in signis septētrionalibus: æst è cōuerso, quādo est in signis australibus: tātō enim magis minorantur dies supra noctes.

Scholion Vineti.

Ratio enim per ademptionem.) Illud, ademptionē Solis, miror quomodo significet motū Solis propriū, qui vt in zodiaco inæqualis deprehenditur, ita tēpora illa inæqualia sunt, licet cuiusq; loci horizon fixus & immobilis parallelus illis Solis fecet, quā ratione supra dictum est. Crediderim auctorem, per ademptionem, scripsisse, ab adipiscor.

NOTANDVM etiam quòd sex signa, quæ sunt à principio Cancrī per Libram vsque in finem Sagittarij, habent ascensiones suas in sphaera obliqua simul iunctas, maiores ascensionibus sex signorum, quæ sunt à principio Capricorni per Arietē, vsq; ad finem Geminorū. Vnde illa sex signa prius dicta, dicuntur recte oriri, ista verò sex, oblique. Vnde versus:

Recta meant, obliqua cadunt à sidere Cancrī,
Donec finitur Chiron: sed cætera signa
Nascuntur prono, descendunt tramite recto.

Et quando est nobis maxima dies in æstate, scilicet Sole existente in principio Cancrī, tunc oriuntur de die sex signa directe orientia, de no-

Ete autem sex obliquè. E conuerso, quando nobis est minimus dies in anno, scilicet sole existente in principio Capricorni, tunc oriuntur de die sex signa obliquè orientia, de nocte verò sex directè. Quando autem Sol est in alterutro punctoyū æquinoctialium,



tunc de die oriuntur tria signa directè orientia, & tria obliquè, & de nocte similiter. Est enim regula: Quantuncunq; brevis vel prolixa sit dies vel nox, sex signa oriuntur de die, & sex de nocte. Nec propter prolixitatem vel breuitatē diei vel noctis, plura vel pauciora signa oriuntur.

Ex his colligitur, quod cūm hora naturalis sit spatium temporis, in quo medietas signi peroritur; in qualibet die artificiali, similiter & nocte sunt duodecim horæ naturales. In omnibus autem aliis circulis, qui sunt à latere æquinoctialis, vel ex parte australi vel septentrionali, maiorantur vel minorantur dies vel noctes, secundum quod plura vel pauciora de signis directè orientibus vel obliquè, de die vel nocte oriuntur.

Scholion Vineti.

Diem quem supra artificialem Sacroboscus definiuit, tempus ab exorto in occasum solem: sic noctem quoq; , quæ est ab occaso sole ad exortum, veterum horologia in duodecim partes æquas diuissse, quas horas Græci Latiniq; dixerint, notius est, quàm vt nostra probatione egeat. Dies autẽ illi & noctes quoniam inæquales sunt (lõgiore enim æstatis dies, quàm brumæ, & noctes contrà æstiuæ breuiores quàm hybernæ) eorũ horæ duodenæ inæquales quoq; inter se erant, ac maior nõ solum æstiuæ diei, quàm hybernæ, & noctis similiter brumali, quàm æstiuæ noctis horæ, sed etiã diei æstiuæ hora lõgior, quàm hora noctis suæ, quemadmodum hybernæ noctis longior hora, quàm suæ diei. Hoc genus horarũ antiqui Græci Latiniq; an aliquo proprio vocabulo distinxerint, nõ nemini equidem legere, quas miror auctorem hic naturales vocasse, postquam illarũ diem & noctem, artificiales prius dixerit pro naturalibus. Aliud horarũ genus est, quas æquinoctiales Plinius & alij Latini, sicut Græci *ἰσημερινὰς* appellarunt, quæ sunt æquales inter se horæ, quales nostra horologia duodecimas faciunt inter meridiem & mediam noctem, atq; duodecimas rursus à media nocte in meridiem sequentem, æquales (inquã) ille perpetuò æstiuæ hybernis, ac nocturnis diurnæ, quæ sum dies naturales antè definiti, inter se æquales fuerint. Hoc autẽ nomen ab æquinoctio hæc ideo acceptũ, quòd cum cuiuslibet diei & noctis duodecimas horas, vt diximus, antiqui facerent, inter eas horas nunquam æqualitas inueniebatur, nisi quo tẽpore erat æquinoctium, id est, quando dies nocti æqualis fiebat. Tunc verò æqualis nocturna hora diurnæ. Aliam æquinoctialium horarum rationem non video, cur longius petant insignes quidam nostræ ætatis Mathematici.

DE DIVERSITATE DIERVM & noctium artificialium per omnia terræ loca.

NOtandum autem, quòd illis, quorum Zenith est in æquinoctiali circulo, Sol bis in anno transit per Zenith capitis eorum, scilicet

quando est in principio Arietis, & in principio Libræ: & tunc sunt illis duo alta solstitia, quoniam Sol directè transit supra capita eorū. Sunt iterum illis duo ima solstitia, quando Sol est in primis punctis Cæcri & Capricorni: & dicuntur ima, quia tūc Sol maximè remouetur à Zenith capitis eorū. Vnde ex prædictis patet, cum semper habeant æquinoctium, in anno quatuor habebunt solstitia, duo alta, & duo ima. Patet etiam, quòd duas habent æstates, Sole scilicet existente in alterutro punctorum æquinoctialium, vel prope. Duas etiam habent hyemes, scilicet Sole existente in primis punctis Cancrī &

Differ. 6.

Capricorni, vel prope. Et hoc est, quod dicit Afraganus, quòd æstas & hyemis, scilicet nostræ, sunt illis vnius & eiusdem complexionis: quoniam duo tempora, quæ sunt nobis æstas & hyemis, sunt illis duæ hyemes. Vnde ex illis versum Lucani patet expositio,

Depreſsum eſt hunc eſſe locū, quo circulus alti Solſtitij medium ſignorum percutit orbem.

Libro 9.

Ibi enim appellat Lucanus circulum alti solstitij æquinoctialem, in quo contingunt duo alta solstitia sub æquinoctiali exiſtētibus. Orbem ſignorum appellat Zodiacum, quem medium, id eſt mediatum, hoc eſt diuiſum in duo media æquinoctialis percutit, id eſt, diuidit. Illus etiam

in anno

in anno cōtingit habere quatuor v̄mbas. Cūm enim Sol sit in alterutro punctōrū æquinoctialium, tunc manē iacitur v̄mbra eorum versus occidentem, vespere verò ē conuerso. In meridie verò est illis v̄mbra perpendicularis, cūm Sol sit supra caput eorum. Cūm autem Sol est in signis septētrionalibus, tunc iacitur v̄mbra eorū versus austrum. Quando est in australibus, tunc iacitur versus septentrionem. Illis autem oriuntur & occidunt stellæ quæ sunt iuxta polos, sicut & quibusdam aliis habitātibus circa æquinoctialem. Vnde Lucanus, sic inquit,

Libro 3.

Tunc furor extremos mouit Roman⁹ Horestas
Carmanósque duces, quorum iam flexus in austrum

Aether, non totā mergi tamen aspicit Arcton,
Lucet & exigua velox vbi nocte Bootes.

Ergo mergitur & parum lucet.

Item Ouidius de eadem stella,

Libr. 1.

Tingitur oceano cūstos Erimanthidos Vrsæ,

Trist. eleg. 3.

Aequoreásque suo sydere turbat aquas.

In situ autem nostro nunquam occidunt illæ stellæ. Vnde Virgilius,

Hic vertex nobis semper sublimis: at illum Libro 1.
Sub pedibus Styx atra videt, manēsque profūdi. Georg.


Et Lucanus,

Axis inocciduus gemina clarissimus Arcto. Libro 3.

Item Virgilius in Georg. sic inquit,
Arctos oceani metuentes aequore tingi.

Illis autem quorum Zenith est inter æquino-
 Etialem & tropicum Cancrī, contingit bis in
 anno, quod Sol tran-
 sit per Zenith capitis
 eorū. quod sic patet:

Intelligatur circulus
 parallelus æquino-
 Etiali trāsīens per Ze-
 nith capitis eorū: ille
 circulus interfecabit



Zodiacū in duobus locis æquidistantibus à prin-
 cipio Cancrī. Sol igitur existens in illis duobus
 punctis transit per Zenith capitis eorum. Vnde
 duas habent æstates, & duas hyemes, quatuor
 solstitia, & quatuor vmbas, sicut existentes
 sub æquinoEtiali. Et in tali situ dicunt quidam
 Arabiam esse. Vnde Lucanus loquens de Ara-
 bibus venientibus Romam in auxilium Pom-
 peio, inquit,

Lib. 5. Ignorū vobis Arabes venistis in orbem,
 Vmbas mirati nemorum non ire sinistras.
 quoniam in partibus suis quandoque erant illis
 Vmbæ dextræ, quandoque sinistræ, quando-
 que perpendiculares, quandoq; orientales, quādo
 que occidentales: sed quando venerant Romam
 citra

citra tropicum Cancrī, tunc semper habebant
 Vmbras septentrionales.

Scholion Vineti.

Lucanus hic facit partem mundi sinistra australem: dextra,
 septentrionalē. Sic & multi alij. Aristoteli verò lib. 2. de Cælo,
 dextrum mundi, est orientalis pars mundi: sinistrum, occidua.

ILLIS siquidem quorum Zenith est in tro-
 pico Cancrī, contingit quòd semel in anno tran-
 sit Sol per Zenith capitis eorum, scilicet quando
 est in primo puncto Cancrī, & tunc in vna
 hora diei vnius, totius anni est illis vmbra per-
 pendicularis. In tali situ dicitur esse Syene ci-
 uitas. Vnde Lucanus,

Lib. 2.

-Vmbras nusquam flectente Syene.

Hoc intellige in meridie, scilicet vnius diei,
 cui⁹ vmbra manè por-
 recta occidentalis, se-
 rò orientalis, & per
 residuum totius anni
 iacitur illis vmbra se-
 ptentrionalis.



Illis verò quorum
 Zenith est inter tropi-
 cum Cancrī, & circulum arcticum, contingit,
 quòd Sol in sempiternum nō transit per Zenith
 capitis eorū, & illis semper iacitur vmbra ver-
 sus septentrionem. Talis est situs noster. Notan-

dum etiam quòd *Aethiopia*, vel aliqua pars eius est citra tropicum *Cancrì*. Vnde *Lucanus*,
 Lib. 3. *Aethiopumque solum, quod non premeretur ab vlla*

Signiferi regione poli, ni poplite lapsò

Vltima curuati procederet vngula Tauri.

Dicunt enim quidam, quòd ibi sumitur signum æquiuocè, pro duodecima parte *Zodiaci*, & pro forma animalis, quod secundum maiorem partem sui est in signo quod denominat. Vnde *Taurus* cum sit in *Zodiaco* secundum maiorem sui partem, tamen extendit pedem suum ultra tropicum *Cancrì*, & ita premit *Aethiopiam*, licet nulla pars *Zodiaci* premat eam. Si erim pes *Tauri*, de quo loquitur auctor, extenderetur versus æquinoctialem, ut esset in directo *Arietis*, vel alterius signi, tunc premeretur ab *Ariete* vel *Virgine*, & aliis signis: quod patet per circulum æquinoctiali parallelum, circumductum per Zenith capitis ipsorum *Aethiopum*, & *Arietem* & *Virginem*, vel alia signa. Sed cum ratio physica huic contrarietur, (non enim ita essent denigrati si in temperata nasceretur regione habitabili) dicendum, quòd illa pars *Aethiopiæ*, de qua loquitur *Lucanus*, est sub æquinoctiali circulo, & quòd pes *Tauri*, de quo loquitur, extenditur versus æquinoctialem. Sed distinguitur tunc inter

inter signa cardinalia & regiones. Nam signa cardinalia dicuntur duo signa, in quibus contingunt solstitia, & duo in quibus contingunt æquinoctia. Regiones autem appellantur signa intermedia. Et secundum hoc patet, quod cum Æthiopia sit sub æquinoctiali, non premitur ab aliqua regione, sed à duobus signis tantum cardinalibus, scilicet Ariete & Libra.

Scholion Vincii.

Rerum celestium quam peritus fuerit poeta Lucanus, aliorum esto iudicium, dum mihi hoc monere liceat, eius Astronomica eiusmodi esse, ut vix posse quæquam intelligere existimem: qua hic auctor ut explicare videretur, commentus est primum supra duo esse solstitia, altum & imum: deinde hoc loco, signorum alia esse cardinalia, alia regiones.

ILLIS autem quorum Zenith est in circulo arctico, contingit in quolibet die & tempore anni, quod Zenith capitis eorum est idem cum polo zodiaci, & tunc habent zodiacum siue eclipticam pro horizonte. Et hoc est quod dicit Alfraganus, quod ibi circulus zodiaci flectitur supra circum hemisphærij. Sed cum firmamentum continue moveatur, circulus horizontis interfecabit zodiacum in instanti: et



Diff. 7.

cum sint maximi circuli in sphaera, interfecabunt se in partes aequales. Vnde statim medietas vna zodiaci emergit supra horizontem, & reliqua deprimitur sub horizonte subito. & hoc est, quod dicit Alfraganus, quod ibi occidunt repente sex signa, & reliqua sex oriuntur toto equinoctiali. Cum etiam eclipctica sit horizon illorum, erit tropicus Cancrī totus supra horizontem, & totus tropicus Capricorni sub horizonte, & sic Sole existente in primo puncto Cancrī, erit illis vna dies 24. horarum, & quasi instans pro nocte, quia in instanti Sol transit horizontem, & statim emergit, & ille contactus est illis pro nocte. E conuerso contingit illis Sole existente in primo puncto Capricorni. Est enim tunc illis vna nox 24. horarum, & quasi instans pro die.

ILLIS autem quorum Zenith est inter circulum arcticum & polum mundi arcticum, contingit, quod horizon illorum interfecat zodiacum in duobus punctis aequidistantibus à principio Cancrī, & in reuolutione firmamenti contingit, quod illa



portio

portio zodiaci intercepta, semper relinquitur supra horizonem. Vnde patet, quod quam diu Sol est in illa portione intercepta, erit vnus dies continuus sine nocte. ergo si illa portio fuerit ad quantitatem signi vnus, erit ibi dies continuus vnus mensis sine nocte: si ad quantitatem duorum signorum, erit dies continuus duorum mensium sine nocte, & ita deinceps. Similiter cōtingit eisdem, quod portio zodiaci intercepta ab illis duobus punctis æquidistantibus à principio Capricorni, semper relinquitur sub horizonte. Vnde cū Sol est in illa portione intercepta, erit vna nox continua sine die, brevis vel magna, secundum quantitatem interceptæ portionis. Signa autem reliqua, quæ eis oriuntur & occidunt, præposterè oriuntur & occidunt. Oriuntur præposterè, sicut Taurus ante Arietem, Aries ante Pisces, Pisces ante Aquarium: & tamen signa his opposita oriuntur recto ordine, & occidunt præposterè, vt Scorpions ante Libram, Libra ante Virginem: & tamen signa his opposita occidunt directè, illa scilicet quæ oriebantur præposterè, vt Taurus.

Illis autem quorum Zenith est in polo arctico, contingit, quod illorum horizon est idem quod æquinoctialis. Vnde cū æquinoctialis

interfecet Zodiacum in duas partes æquales, sic
 & illorum horizon relinquit medietatem Zo-
 diaci supra se, & reli-
 quam infra. Vnde cum
 Sol decurrit per illā me-
 dietatē, quæ est à prin-
 cipio Arietis vsque ad
 finē Virginis, vnus erit
 dies continuus sine no-
 cte, & cum Sol decur-
 rit ī reliqua medietate,



quæ est à principio Libræ vsq; in finē Piscium,
 erit nox vna continua, sine die. Quare & vna
 medietas totius anni, est vna dies artificialis, &
 alia medietas est vna nox. Vnde totus annus est
 ibi vnus dies naturalis. Sed cum ibi nūquā ma-
 gis 23. gradibus Sol sub horizonte deprimatur,
 videtur quod illis sit dies continuus sine nocte.
 Nam & nobis dies dicitur ante Solis ortum su-
 pra horizontem. Hoc autē est quantū ad vul-
 gare[m] sensibilitatem. Non enim est dies artifi-
 cialis, quantū ad physicam rationem, nisi ab or-
 tu Solis vsque ad occasum eius sub horizonte.
 Ad hoc igitur, quod lux videtur ibi esse perpe-
 tua (quoniam dies est antequam Sol leuetur su-
 per terrā per 18. gradus, vt dicit Ptolemæus: alij
 verò magistri dicunt 30. scilicet per quantitātē

vnus

Unius signi) dicendum quod aer est ibi nubilosus & spissus. Radius enim solaris ibi existens debilis virtutis, magis de vaporibus eleuat, quam possit consumere: unde aerem non serenat, & non est dies.


DE DIVISIONE CLIMATVM.

Imaginetur autem quidam circulus in superficie terræ directè suppositus æquinoctiali. Intelligatur etiam alius circulus in superficie terræ, transiens per orientem & occidentem, & per polos mundi. Isti duo circuli interfecant sese in duobus locis, ad angulos rectos sphaerales, & diuidunt totā terrā in quatuor quartas: quarum vna est nostra habitabilis, illa scilicet, quæ intercipitur inter semicirculum ductum ab oriente in occidentem, in superficie æquinoctialis, & semicirculum ductum ab oriente in occidentem per polum arcticum. Nec tamen illa quarta tota est habitabilis, quoniā partes illius propinquæ æquinoctiali, inhabitabiles sunt propter nimium calorem. Similiter partes eius propinquæ polo arctico inhabitabiles sunt, propter nimiam frigiditatē. Intelligatur igitur vna linea, æquidistans ab æquinoctiali, diuidens partes quartæ inhabitabiles propter calorem, à partibus habitabilibus, quæ sunt versus septentrio-

f ij

SPHAERAE IOAN.

nem. Intelligatur etiam alia linea, æquidistans à polo arctico, diuidens partes quartæ, quæ sunt versus septentrionem inhabitabiles propter frigus, à partibus habitabilibus, quæ sunt versus æquinoctialem. Inter istas etiam duas lineas extremas, intelligantur sex lineæ parallelæ æquinoctiali, quæ cum duabus prioribus diuidunt partem totalem quartæ habitabilem in septem portiones, quæ dicuntur septem climata, prout in præsentî patet figura.



Dicitur autem clima, tantum spatium terre, per quantum sensibilibiter variatur horologium. Idem nanque dies æstiuus aliquantus qui est in vna regione, sensibilibiter est minor in regione propinquiore austro. Spatium igitur tantum, quantum incipit dies idem sensibilibiter variari dicitur clima: nec est idem horologium cum principio & fine huius spatij obseruatum. Horæ enim diei, sensibilibiter variantur: quare & horologium.

Medium igitur primi climatis est, vbi maioris diei prolixitas est 13. horarum & eleuatio poli mundi supra circulum hemisphærij 16. gradibus, & duabus tertijs vnius, & dicitur climadia Meroës. Initium verò eius est, vbi diei maioris prolixitas est 12. horarum & dimidiæ, & quartæ vnius horæ. & eleuatur polus supra horizontem gradibus 12. & dimidia, & quarta vnius gradus. Et extenditur eius latitudo vsq; ad locum, vbi longitudo prolixioris diei est 13. horarum, & quartæ vnius. & eleuatur polus supra horizontem 20. gradibus & dimidio, quod spatium terre est 440. milliariorum.

Medium autem secundi climatis est, vbi maior dies est 13. horarum & dimidiæ, & eleuatio poli supra horizontem 24. graduum, & quartæ partis vnius gradus. Et dicitur climadia Syenes.

Latitudo verò eius est ex termino primi climatis vsque ad locum, vbi sit dies prolixior 13. horarum & dimidia, & quartæ partis vnius horæ, & eleuatur polus 27. gradibus & dimidio, & spatium terræ est 400. miliariorum.

Medium tertij climatis est, vbi sit longitudo prolixioris diei 14. horarum, & eleuatio poli supra horizontem 30. graduum & dimidij, & quartæ vnius partis, & dicitur clima dia Alexandrias. Latitudo eius est ex termino secundij climatis vsq; vbi prolixior dies est 14. horarum, & quartæ vnius, & altitudo poli 33. graduum, & duarum tertiarum, quod spatium terræ est 350. miliariorum.

Medium quarti climatis est vbi maioris diei prolixitas est 14. horarum & dimidia, & axis altitudo 36. graduum & duarum quintarum, & dicitur dia Rhodou. Latitudo verò eius est ex termino tertij climatis, vsque vbi prolixitas maioris diei est 14. horarum & dimidia, & quartæ partis vnius: eleuatio autē poli 39. graduum, quod spatium terræ est 300. miliariorum.

Medium quinti climatis est, vbi maior dies est 15. horarum, & eleuatio poli 41. gradus & tertie vnius, & dicitur clima dia Rhomes. Latitudo verò eius est ex termino quarti climatis, vsque, vbi prolixitas diei sit 15. horarum & quartæ

quartæ vnius, et eleuatio axis 43. graduum & dimidij, quod spatium terræ est 255. miliariorum.

Medium sexti climatis est, vbi prolixior dies est 15. horarum & dimidiæ, & eleuatur polus supra horizontem 45. gradibus, & duabus quintis vnius. Et dicitur clima dia Boristhe-neos. Latitudo verò eius est ex termino quinti climatis, vsque vbi longitudo diei prolixioris est 15. horarum & dimidiæ, & quartæ vnius, & axis eleuatio 47. graduum, & quartæ vnius, quæ distantia terræ est 212. miliariorum.

Medium autem septimi climatis est, vbi maior prolixitas diei est 16. horarum, & eleuatio poli supra horizontem 48. graduum, & duarum tertiarum. Et dicitur clima dia Riphæou. Latitudo verò eius est ex termino sexti climatis, vsque vbi maxima dies est 16. horarum & quartæ vnius, & eleuatur polus mundi supra horizontem 50. gradibus & dimidio, quod spatium terræ est 185. miliariorum. Vltra autem huius septimi climatis terminum, licet plures sint insulæ, & hominum habitationes, quicquid tamen sit, quoniam prauæ est habitationis, sub climate non computatur. Omnis itaque inter terminum initialem climatum & finalem eorundem diuersitas, est trium horarum & dimidiæ, & ex eleuatione poli supra horizontem 38.

graduum. Sic igitur patet vniuscuiusque climatis latitudo, à principio ipsius versus æquinoctialem, vsque in finem eiusdem, versus polum arcticum, & quod primi climatis latitudo est maior latitudine secundi, & sic deinceps. Longitudo autem climatis potest appellari linea ducta ab oriente in occidentem, æquidistans æquinoctiali. Vnde longitudo primi climatis est maior longitudine secundi, & sic deinceps, quod contingit propter angustiam sphaeræ.

Scolion Vineti.

Κλίματα inclinationes cæli Vitruuius interpretatur, quæ Græcis appellantur, primum, Αἰὰ μερόν, id est, per Meroen, urbem Aethiopiæ: secundum Αἰὰ συήν, id est, per Syenem urbem etiam Aethiopiæ magis septentrionalem: tertium, Αἰὰ ἀλεξανδρείας, id est, per Alexandriam Aegypti urbem. Quartum, Αἰὰ ῥόδου, id est, per Rhodon urbem & insulam. Quintum, Αἰὰ ῥώμης, id est, per Romam urbem Italiae. Sextum Αἰὰ βορυσθηνός, id est, per Borysthenem fluuium Ponti, ad Maotim paludem, & Tanaim fluuium. Septimum, Αἰὰ ῥιπαίων, id est, per Rhipæos montes, & populos ad Septentrionem. Martianus Capella ponit octo, libro 8. alij etiam plura: sed hic auctor est Alfraganus omnino infsecutus, cum in aliis, tum in terra dimensione hoc loco, qui tamen cap. primo Eratosthenis stadia adduxerat. Tribuit autem Alfraganus gradui ambitus cæli, miliaria ambitus terræ 56. & duos trientes.

Dies


	Dies ar- tificia- lis.	Alti- tudo poli.	Terræ spa- tium.	Climata.
	hor. m.	Gr. m.	milia	
1	Initium 12 45 Mediū 13 0	12 45 16 40	440	Per Meroen
2	Initium 13 15 Mediū 13 30	20 30 24 15	400	Per Syenen
3	Initium 13 45 Mediū 14 0	27 30 30 45	350	Per Alexādrīā
4	Initium 14 15 Mediū 14 30	33 40 36 24	300	Per Rhodum
5	Initium 14 45 Mediū 15 0	39 0 41 20	255	Per Romam
6	Initium 15 15 Mediū 15 30	43 30 45 24	212	Per Boristhenē
7	Initium 15 45 Mediū 16 0 Finis 16 15	47 15 48 40 50 30	185	Per Riphæos.

Horarum inter primi initium, & finem se-
ptimi diuersitas est, Hor. 3. Min. 30. Diuersitas
verò eleuationum Poli, Grad. 37. Min. 45.
spatium terræ 2142. milliar.

SPHAERAE IOAN.
CAPITVLVM QVARTVM
de circulis & motibus planetarum,
& de causis eclipsium So-
lis & Lunæ.

NOtandum quòd Sol habet vnicum circu-
lum, per quem mouetur in superficie lineæ
eclipticæ, & est eccentricus. Eccentricus qui-
dem circulus dicitur non omnis circulus, sed so-
lùm talis, qui diuidens terram in duas partes æ-
quales, non habet centrũ suum cum centro ter-
ræ, sed extra. Pun-

ctus autẽ in eccen-
trico, qui maximè
accedit ad firma-
mẽtum, appellatur
aux, quod interpre-
tatur eleuatio. Pun-
ctus verò oppositus



qui maximæ remotionis est à firmamento, dici-
tur oppositum augis. Solis autem ab occidẽte in
orientem duo sunt motus, quorum vnus est ei
proprius, in circulo suo eccentrico, quo mouetur
in omni die ac nocte 60. minutis ferè.

Scholion Vincti.

Subtilis computatio est, 59. minutorũ, 8. secund. 19. tertia. 37.
quarta. &c. in Computo huius auctori.

Alius

Alius verò tardior est motus sphaera ipsius, supra polos axis circuli signorum, & est equalis motui sphaera stellarum fixarum, scilicet in

100. annis gradu vno. Ex his itaq; duobus motibus colligitur cursus ei' in circulo signorū ab occidere in orientem, per quē abscindit circulum



signorum in 365. diebus, & quarta vnius diei, præter rē modicā, quæ nullius est sensibilitatis.

Quilibet autem planeta, præter Solem, tres habet circulos, scilicet æquantem, deferentem, & epiciclum.

Aequans quidem Lunæ, est circulus concentricus cum terra, & est in superficie eclipticæ.

Eius verò deferens est circulus eccentricus: nec est in superficie eclipticæ, imò vna eius medietas declinat versus septentrionē, altera versus austrum. Et deferens æquantem intersecat in duobus locis. Et figura intersectionis appellatur Draco, quoniā lata est in medio, & angustior versus finem. Intersectio igitur illa, per quam Luna mouetur ab austro versus aquilo-



nem, appellatur caput Draconis. Reliqua verò interseccio, per quam mouetur à septentrione in austrum, dicitur cauda draconis.

Deferens quidem & æquans cuiuslibet planeta sunt æquales. Et est sciendum, quòd tam deferens, quàm æquans, Saturni, Iouis, Martis, Veneris, & Mercurij, sunt eccètrici & extra superficiẽ eclip-
ptica, & tamen illi duo sunt in eadẽ superficie. quilibet etiã planeta præter Solẽ habet epicyclum. Est epicycl^{us} circulus par-
uus, per cuius circumferentiam deferitur corpus planetae, & centrum epicycli semper deferitur in circumferentia deferentis.



DE SACRO BOSCO CAP. 4. 48
 DE STATIONE, DIRE-
 ctione, & retrogradatione
 planetarum.

SI igitur duæ lineæ ducantur à centro terræ,
 Sita quòd includant epicyclum alicuius pla-
 netæ, vna ex parte orientis, reliqua ex parte oc-
 cidentis, pñctus contactus ex parte orientis di-
 citur statio prima:

pñctus verò con-
 tactus ex parte oc-
 cidentis, dicitur sta-
 tio secūda. Et quā-
 do planeta est in al-
 terutra illarum sta-
 tionum, dicitur sta-
 tionarius. Arcus



verò epicycli superior inter duas stationes inter-
 ceptus, dicitur directio: & quando planeta est
 in illo, tunc dicitur directus. Arcus verò epicy-
 cli inferior, inter duas stationes interceptus, di-
 citur retrogradatio, & planeta ibi existens di-
 citur retrogradus. Lunæ autem non assignatur
 statio, directio, vel retrogradatio. Vnde non di-
 citur Luna stationaria directa, vel retrograda,
 propter velocitatem motus in eius epicyclo.

SPHAERAE IOAN.

Scholion Vineti.

Pro illo, in eius epicyclo. quadam exemplaria habēt, eius in epicyclo. significat autem quod deferens tam celeriter mouetur, & fert infixum in se epicycli centrum orientem versus, ut Luna non sentiat regressus, & c. quae dicitur velox pro directa, & tarda pro retrograda, & c.

DE ECLIPSI LVNAE.

Cum autem sit Sol maior terra, necesse est quod medietas sphaerae terrae à Sole semper illuminetur, & umbra terrae extensa in aëre tornatilis, minuatur in rotunditate, donec deficiat in superficie circuli signorum, inseparabilis à Nadir Solis. Est autem Nadir Solis, punctus directe oppositus Soli in firmamento. Vnde cum in plenilunio Luna fuerit in capite, vel in cauda Draconis sub Nadir solis, tunc terra interponetur Soli & Lunae, & conus umbræ terrae cadet super corpus Lunae. Vnde cum Luna lumen non habeat, nisi à Sole, in rei veritate deficit à lumine.

Scholion Vineti.

Probat Cantuariensis cap. xxij. libri primi de perspectiua, quod lumen globosum illustrat sphaera se minoris plus dimidiū. Quae autem umbra terrae hic vulgo appellatur, ea non est solius terrae. Aqua enim & terra vnum globum amba constituit, cuius ea est umbra, quam Graeci cono, Plinius libro secundo, metae turbini inuerso similem dicunt.

Et est




Et est eclipsis generalis in omni terra, si ipsa fuerit in capite vel cauda draconis directè. Particularis verò si fuerit propè * infra metas determinatas, scilicet eclipsi.

* Sed in-
tra.



Et semper in plenilunio, vel circa, contingit eclipsis. Vnde cum non in qualibet oppositione, hoc est, plenilunio sit Luna in capite vel
 *aut prope cauda Draconis, * nec supposita Nadir solis, non est necesse in quolibet plenilunio Lunam pati eclipsin, ut patet in praesenti figura, quae subsequitur.

DE



DE ECLIPSI SOLIS.

Cum autem Luna fuerit in capite vel in cauda Draconis, vel prope,* vel infra me.* *sintra.* tas supradictus, & in coniunctione cum Sole, tunc corpus lunare interponetur inter aspectum nostrum & corpus solare. Vnde obumbrabit nobis claritatem Solis, & ita Sol patietur eclipsin: non quia deficiat lumine, sed deficit nobis, propter interpositionem Lune inter aspectum

nostrum & solare corpus.

Ex his patet, quòd non semper est eclipsis Solis in coniunctione siue in nouilunio.

Notandum etiam, quòd quando est eclipsis Lunæ, est eclipsis in omni terra: sed quando est eclipsis Solis, nequaquam, imò in vno climate est eclipsis, & in alio non: quod contingit propter diuersitatem aspectus in diuersis climatibus. Vnde Virgilius elegantissimè naturas vtriusque eclipsis, sub compendio tetigit, dicens:

a. Georg.

Defectus Lunæ varios, Solisque labores.



Ex prædictis patet, quòd cùm eclipsis Solis esset in passione domini, & eadem passio esset in ple-

in plenilunio, illa eclipsis nō fuit naturalis, imò miraculosa, & contraria naturæ, quia eclipsis Solis in nouilunio, vel circa debet contingere.

Propter quod legitur Dionysium Areopagitam in eadem passione dixisse, aut Deus naturæ patitur, aut mundi machina dissoluetur.

Scholion Vineti.

De Dionysio quodam Areopagita, hoc tantum in Act. Apostolorum Lucas scriptum reliquit, eum cum Paulus Athenis Christum predicaret, credidisse, & Christianū effectum fuisse. Vide quid in illum locum Lau. Valla, ~~et alii~~ annotarint: quoniam dubitant nonnulli an is Dionysius sit, qui apud Parisios pro Christo capite plexus sit: & cuius nūc reliquie illis tam religiosè colantur. Quod autem ad prodigiosas illas tenebras & Solis in Christi morte defectum attinet, sunt qui illud Luca, ἐπεὶ ὅλην τὴν γῆν, de vniuersa dūtaxat terra Palestina Iudeāve exponant, licet Michael Syngelus Hierosolymitanus περὶ βύτιρος, cui meminit Suidas in vocabulo Μιχαὴλ, in eo libello quem de laudibus D. Dionysii Græco sermone conscripsit non solum Parisiorum Dionysium eundem illum Areopagitam esse putes, sed etiam defectum illum Solis eidem Dionysio Areopagita, & Apollophani cuidam sophistæ etiam in Aegypto visum velit, cum illuc è Græcia vterque philosophia gratia fortè tum profectus fuisset.

FINIS.



PETRI NONII

SALACIENSIS ANNO-

TATIO IN EXTREMA VER-
ba capitis de Climatibus,

Elia Vineto in-
terprete.



Q UOD hoc loco dicit
hic author, Climatū
latitudinē minui, dum
dies semihoris equali-
ter crescunt, idem di-
cunt & omnes alij qui
de Climatibus scripse-
runt: sed id tamen nemo interim demonstrat.
Quare constitui ego hoc demonstrare, idq; quā
facillimè potero, & sine multis Geometricis
rationibus linearum curvarum, supersedeboque
propositiones illas Euclidis & Theodosii sapius
adducere,


adducere, quæ iis qui legerint in promptu sunt. Meus enim hic mos. Ut autem faciliori methodo hîc progrediamur, demonstrandum hoc nobis primum: Quòd si in circulo A. B. C. D. describantur duæ diametri, quæ in centro E. rectis angulis se secent, ut ita diuidatur in quatuor æquales partes circulus: tum in duobus quadrantibus B. C. & D. C. sumpserimus æquales inter se arcus, à B. & D. incipientes, ut sunt B. F. & D. G. F. H. & G. I. H. K. & I. L. deinde F. H. K. cum aduersis punctis G. I. L. per rectas lineas coniunxerimus, quæ semidiametrum E. C. secant in notis O. P. Q. Dico, si linea P. Q. quæ à centro longius abest, quàm linea O. P. maior fuerit, quàm ipsa eadem O. P. quòd erit arcus H. K. maior arcu H. F. & si O. P. fuerit longior quàm E. O. quòd arcus similiter F. H. longior erit quàm arcus. B. F.

Ponamus itaque quòd longior sit P. Q. quàm O. P. hoc si ita habeat, non potest arcus H. K. esse par arcui F. H. Si enim ex punctis H. & K. duxeris lineas H. R. & K. S. rectis angulis, in lineas F. G. & H. I. & H. cum G. per rectam lineam coniunxeris, itemque K. cum I. confecta habebis triangula duo H. G. R. & K. I. S. ortho-

g iij

IN CAPVT.

gonia. Hic si quis iam dicat arcus F. H. & H. K. esse inter se pares, sic ratiocinabimur.




Postquam equalibus arcubus respondent anguli æquales, angulos R. G. H. & S. I. K. inter se esse æquales: atque alios duos R. H. G. & S. K. I. etiam inter se pares. Quoniam autem in triangulis equalium angulorum latera inter se proportionem conueniunt, ea quæ angulos illos pares continent, erit ut R. G. ad S. I. sic R. H. ad

ad s. K. & quia R. G. maior quàm s. I. ita erit R. H. maior quàm s. K. & consequenter linea O. P. maior quàm P. Q. quod posito repugnat. Hoc autem postquam sequitur, fieri non potest, ut arcus F. H. & H. K. sint inter se pares. Quòd verò H. K. sit minor quàm F. H. hoc etiam minus dici potest. Nam sumpta ultra K. tanta circuli parte, quanta opus sit ad arcus illos F. H. & H. K. pares reddendos: ductæque linea recta ad aliud punctum huic aduersum in quadrante D. C. intercipietur in semidiametro E. C. linea, quæ maior sit necesse est, quàm P. Q. quæ linea P. Q. eius pars fuerit: sequeturque ex eadem demonstratione, quòd ea linea minor erit quàm O. P. quod esse nequit, postquam O. P. minor est quàm P. Q. Non est igitur H. K. minor quàm F. H. neque ei æqualis. Quare ea maiorem esse necesse est. Quòd si posuissemus lineam P. Q. æqualem esse lineæ O. P. iisdem rationibus probaremus arcum H. K. maiorem esse quàm F. H.

Iam verò circulus A. B. C. D. sit nobis pro Cancrì tropico, aut quouis alio circulo, qui in hac septentrionali globi parte sit æquinoctiali parallelus. Postquam itaque meridianus & horizon rectus inter se ad angulos rectos secant in huius circuli polo, atque hunc circulum

IN CAPVT

*in quatuor æquas partes distribuunt, diame-
trus B.D.indicabit, per quem locum horizon
reētus secet circulum A. B. C. D. si posueris in
A. C. diametro eundem circulum A. B. C. D. à
meridiano secari. Tum centrum globi sit pun-
ctum z: clarum est, quòd linea reēta quæ à z.*



*in E. ducitur, si continuata fuerit, ea in polum
ipsum mundi perueniet, vt demonstrat Theo-
dosius, & perpendicularum est ad eundem circu-
lum*

lum A. B. C. D. & quòd horizontes obliqui
 secant tropicum Cancrì, seu quemlibet alium
 ex parallelis, quos circumactus sol describit, tan-
 tum abscindentes arcum, qua parte est litera D.
 qui sit oriens, quantum à parte B. postquam
 ex definitione, arcus dimidiatæ diei sunt inter
 se æquales, & dimidiatæ noctis arcus etiam æ-
 quales. Et quoniã cõmunis illa sectio meridiani
 & horizontis obliqui, quòd sint ij ex circulis
 Sphæræ maximis, eorum amborum diametrus
 est: hæc diametrus & Sphæræ axis interci-
 piunt in meridiani periphærea, à polo versus
 mediæ noctis angulum, arcum sublimitatis po-
 li super eum horizontem obliquum: cui arcui
 respondet in globi centro angulus, quem axis
 globi & eadem cõmunis sectio faciunt. Qua-
 re ponamus quòd hæc communis sectio, à cen-
 tro Z. ad eum vsque locum, ubi idem horizon
 obliquus meridianum secans pertingit circu-
 lum A. B. C. D. sit linea recta Z. O. erit er-
 go punctum O. in circulo eodem A. B. C. D.
 & in meridiano, & in horizonte obliquo: e-
 ritque linea F. O. G. communis sectio circuli
 A. B. C. D. & horizontis obliqui, quæ ex qua-
 drantibus B. C. & D. C. abscindit æquales in-
 ter se arcus B. F. & D. G. & angulus E. Z. O.
 est angulus sublimitatis poli.

Concipiamus præterea mente alios duos ho-
 rizontes obliquos, in quibus polus sublimior
 sit, at pari seruata exuperantia, id est, quan-
 tum arcus altitudinis secundi horizontis supe-
 rat arcum primi, tantumdem arcus tertij supe-
 ret secundi arcum. Communes autem sectiones
 horum duorum horizontium cum parallelo
 posito sint lineæ $H. P. I. \& K. Q. L.$ at cum
 meridiano donec pertingat parallelum, sint li-
 neæ $Z. P. \& Z. Q.$ ita ut angulus $O. Z. P.$ sit
 par angulo $P. Z. Q.$ Vbi angulus $E. Z. Q.$
 respondet arcui sublimitatis tertij horizontis
 obliqui, & angulus $E. Z. P.$ arcui secundi, &
 angulus $E. Z. O.$ arcui primi, & posuimus quod
 æquales essent exuperantiæ. Iam postquam
 trianguli $O. Q. Z.$ angulus $O. Z. Q.$ in duas æ-
 quales partes diuiditur, per lineam $Z. P.$ erit
 ex capite tertio elementi sexti Euclidis affecta
 linea $Z. Q.$ ad $Z. O.$ quo modo $P. Q.$ ad $O. P.$
 Quoniam autem $Z. Q.$ maior est quàm $Z. O.$
 quippe quæ sit ex aduerso anguli $Z. O. P.$ qui
 obtusus est, $Z. O.$ verò contra angulum $Z. Q.$
 $O.$ qui est acutus: aut etiam quod quadratum
 ex ea factum valeat quadratum ex $Z. E. \& E.$
 $Q.$ cum quadratum ex $Z. O.$ possit duntaxat
 quadratum ex eadem $Z. E.$ cum quadrato ex
 $E. O.$ quæ pars est lineæ $F. Q.$ Angulus enim
 $Z. E. O.$

Z. E. Q. est rectus. Erit ideo P. Q. maior quam O. P. ac ex *suprà* demonstratis arcus H. K. maior erit, quam F. H. similiterque I. L. maior quam G. I. Quoniam autem hi arcus sunt, quibus augetur idem dies artificialis in diuersis sublimitatibus verticis septentrionalis, hinc probatum habemus, quòd si concipias tres regiones in septentrionali hemisphærio, altitudoque poli tertiæ superet tot partibus secundæ altitudinem, quot altitudo secundæ vincit altitudinem primæ, eiusdem illius diei inæqualia erunt incrementa, diēsque tertiæ magis superabit diem secundæ, quam eiusdem regionis secundæ dies, diem primæ.

Hinc sequitur, quòd si sumpseris horizon-tem aliquem, qui positum parallelum secet inter I. & L. ac inter H. & K. veluti in linea V. X. ea ratione, vt arcus I. X. sit par arcui G. I. quo scilicet die incrementa æqualia sint: si concipiamus eam communem sectionem cum parallelo esse lineam illam rectam, quæ lineam E. C. in puncto T. inter P. & Q. scindit, atque communem sectionem ab eodem puncto vsque centrum Z. cum meridiano esse Z. T. iam angulus P. Z. T. est minor angulo P. Z. Q. seu O. Z. P. Quare vt dies incrementis augeatur æqualibus, necesse est, vt poli altitudo minus au-

geatur. Itaque differentia quæ est inter primum horizontem & secundum, est plurimum graduum altitudinis poli, quàm ea quæ est inter medium & tertium, in quo tantum creuit dies supra secundi magnitudinem, quantum creuit in secundo supra primi quantitatem, atque hoc est, quod initio demonstrare proposueramus.

Hanc autem formam cum sua demonstratione si quis cõtemplatus fuerit, inueniet maiorem partem geometricarum illarum rationum, quæ lineis curuis agitantur, nõ admodũ desiderari, neq; illas Gebr̃i propositiones, de quibus tantum vir ille gloriatus est, neq; omnes libros Ioannis de Monte Regio, qui Gebrum imitatus est, ad multa consequenda quæ Ptolemæus libro secundo magnæ Syntaxeos, tot circuituionibus demonstrat. satis sit hoc adeò facile esse, vt nulla alia ratio sit breuior. nam ex demonstratione probatũ manet, quòd arcus D. G. est exsuperantia arcus dimidiatæ diei qua superatur quadrās A. D. qui sex horas valet: adhibitisq; secundum demonstrationem numeris, sciemus, quot circuli partes ille D. G. arcus contineat. Nam quoniam trianguli Z. O. E. angulus O. E. Z. rectus est, & angulus E. Z. O. cõprehendit gradus altitudinis poli, & propterea tertius angulus qui est E. O. Z. valebit quod restat ex nonaginta, quæ est æquinoctialis

noctialis circuli sublimitas : item postquā latus
 E. Z. cōpertæ est magnitudinis (est enim par si-
 nuui declinationis paralleli A, B. C. D. quā is ab
 æquinoctiali discedit) cognoscetur ideo & late-
 ris E. O. iisdē partibus magnitudo: quod sic fiet.
 Sinus anguli E. Z. O. per E. Z. multiplicator: sum-
 ma per sinū anguli E. O. Z. diuiditor: producet ea
 diuisio lineā E. O. quādo ratio sinū arcuum qui
 angulos valent, est laterū ratio, quæ ex aduerso
 eorum angulorum sunt. at postquā compertā ha-
 bemus magnitudinē lineæ E. O. ex cōparatione
 ad diametrū Sphæræ, & eadē ratione cognosci-
 tur E. C. propterea quod est sinus eius quod restat
 ex 90. declinatione detracta, clarum est, quod si
 mente cōceperimus lineam E. C. sinum totū esse,
 ut re vera est in suo circulo, eāmq; plurium par-
 tium fecerimus, in iis ipsis partibus cognoscetur
 E. O. dicemusque hoc modo per numerorū pro-
 portionalium regulā. Quando linea E. C. est tot
 partū semidiametri Sphæræ, quæ semidiametr⁹
 est sinus tot⁹, linea E. O. est tot earū partū: si ea-
 dē E. C. fuerit sinus tot⁹, id est, partū 1000000.
 seu plurium, seu pauciorū, pro ratione tabulæ si-
 nuum, qua utaris, quot partes harū continebit
 E. O. ? multiplicabimus secundum numerum in
 tertium, & summa diuisa per primū, prodibunt
 partes lineæ E. O. adhibitāque sinuum tabula,

sciemus quot gradus habet arcus D.G. qui in ho-
 ras cōuersus addetur ad sex horas, quo sciamus,
 quātus sit arc⁹ dimidiatæ diei: quo arcu ex duo-
 decim detractō, relinquetur arcus dimidiatæ no-
 ctis. Exēpli gratia, volum⁹ scire, quot horarū sit
 dies, cū Sol est in principio Cācri, quæ est maxi-
 ma totius anni, idq; in ea regione, in qua polus su-
 pra horizontē quadraginta gradibus eleuatus
 cōspicitur. sic faciemus. Postquā sinus quinqu-
 ginta gradū est 76604. hic numerus primo lo-
 co ponitor. sinus autē anguli E. Z. O. quē posui-
 mus quadraginta graduum altitudinis poli est
 64278. qui numerus secūdo loco scribitor. at li-
 nea recta Z. E. sinus declinationis principij Can-
 cri, quæ est partiū 39874. ea tertium locū occu-
 pato. ducitor itaq; 64278. in 39874. & fient
 2562920972: quæ summa per primū numerum
 diuiditor, & fient triginta tria milia quadrin-
 gēta & quinquaginta septē, quæ sunt partes se-
 midiametri circuli sphaeræ maximi, quas habe-
 bit linea E. O. Pergendū porrò deinceps hoc pa-
 tēto, linea E. C. quæ sinus est 66½ gradū, quādo
 ea est 91706. partium, linea E. O. valet 33457: si
 eadē E. C. esset centū milium partiū, quot earum
 caperet eadē E. O? 33457. in 100000. ducito, fiet
 3345700000. Hanc summā per 91706. par-
 titor: inuenies triginta sex milia quadringenta
 & octo.

Et octoginta duo, quot partes valet linea E.O.
 sinus arcus D.G. cui sinui respōdent viginti v-
 nus gradus cū viginti quatuor prope primis mi-
 nutis, quas partes continebit arcus D.G. Quoniā
 autē gradus vnus valet quatuor horæ minuta
 prima, fiet hi 21. gradus, Et 24. minuta prima
 gradus, hora vna cū viginti quinq; minutis pri-
 mis Et triginta sex minutis secundis horæ. Itaq;
 arcus dimidiatæ diei, cū sol fuerit in principio
 Cæcri, apud eas gētes, vbi polus quadraginta gra-
 dibus attollitur, erit septē horarū Et viginti sex
 ferē scrupulorū horæ: quæ fiunt in totā diē qua-
 tuordecim horæ cū quinquaginta duob⁹ scrupu-
 lus, Et reliquū tēpus ex vigintiquatuor horis erit
 noctis longitudo ad eundē diē, seu diei magnitu-
 do, quādo sol in principio Capricorni cōuertitur.
 Postquā autē idem graduum numerus, quē ha-
 bet dimidiati diei arcus supra 90. ea differentia
 est, quæ est inter ascensionē rectā, Et obliquam
 eiusdē puncti zodiaci, quo describitur is paralle-
 lus, vt in sphaera apparet, eadē via poterūt ascen-
 siones obliquæ deprehēdi, vbi primū rectas co-
 gnoueris, addēdo scilicet detrahendōq; has ascen-
 sionum differētias, vt locus postulabit, quemad-
 modum ait hic auctor in capite tertio, Et c.

VERNACVLO SERMONE SCRIPSIT

hoc Nonius, id est, Hispano Portugallico.

IOAN. REGIO. M. EXPOSIT.

EXPOSITIO

XXII. EX LIBRO TERTIO

*Epitomæ Ioannis de Regionemonte in Almagestum
Ptolemæi.*

DIES NATURALES
duplici causa inæquales esse.



DIES naturalis dicitur tempus reuolutionis Solis per motum primi mobilis ab horizonte aut meridiano, donec ad ipsum redeat. Sic quantum temporis est à puncto meridiæ in punctum meridiæ, tanta est dies naturalis. Et hoc est tempus, in quo reuoluitur rotus æquinoctialis, & ultra hoc tanta portio æquinoctialis, quanta respōdet ei arcui eclipticæ quæ in illo tempore Sol perambulat.

Hoc autem additamentum duabus de causis diuersificatur. Vna quidem, quòd Sol in temporibus inæqualibus æquales arcus de orbe signorum abscindit. Alia, quòd arcus æquales eclipticæ inæquales habent ascensiones tam rectas, quam

quàm obliquas. Oportet igitur propter additamenta hæc, duplici causa diuersificata dies naturales inæquales esse, quod est propositum.

Ex hoc patet hos dies naturales, qui differentes dicuntur, non esse mensuram motuum aliorum, cum inæquales sint. Oportuit igitur in mensuram huiusmodi alios dies, qui æquales essent, assumi. Hac ratione vnus annus Solis est tempus, in quo toties reuoluitur æquinoctialis, quoties est vnitas in numero dierum anni reperi, iuxta doctrinam secundæ huius, addita reuolutione vna, quæ reuoluitur cum motu Solis vero, pertracto in vno anno à Sole. Diuiso itaque hoc numero reuolutionum per numerum dierum anni, egreditur quantitas diei mediocris, scilicet reuolutio vna æquinoctialis cum additamento 59 minutorum, octo secundorum æquinoctialis, iuxta quantitatem medijs motus Solis in die. Hæc verò additamenta sunt inter se æqualia. Hinc constat mediocres inter se esse æquales. Palam est igitur dies naturales differentes vnum ab alio atque à mediocribus differre. Et licet vnus dies differens parum à die vna mediocri differat & insensibiliter, in pluribus tamen diebus hæc diuersitas collecta, quantitatem, de qua curandum est, efficit, vt patebit infrá.

EX ALFRAG.

DE ORTV ET OCCASV

Planetarum, & de occultationi-
bus eorum sub radiis Solis.

Differ. 24.



IN hoc loco demonstre-
mus ortum Planetarū,
& occasum eorum, &
occultationem eorū sub
radiis Solis. Dicamúsq;
quòd Saturnus, Iupiter
& Mars sunt cursu
tardiores Sole. Cúmque fuerit vnus eorum ante
Solem, appropinquat ei Sol, & videtur eius ap-
paratu in occidente in vespere: nominatúrque Oc-
cidentalis, donec occultetur sub radiis Solis.
Cúmque transierit eum Sol, per cursum suum, &
exierit de sub radiis, apparebit in oriente mane,
& nominatur Orientalis: erítque vnique eorū
occasus in vespere, & ortus in mane.

Venus autem & Mercurius, eò quòd sunt
cursu velociores Sole, cúmque fuerit vnus eo-
rum coniunctus Soli, fuerítque cursu directus,
vincit eum, & trásiens egreditur de sub radiis
erítque ortus eius in occasu vespere, donec ve-
niat

niat ad maximam suam longitudinē, à Sole in circulo breui. Post hoc minuitur cursus eius, & reuertitur ad radios eius: eritque occultatio eius in vespere occidente. Cūque separatus fuerit à Sole, & exierit de sub radiis, orietur in oriente manē, donec perueniat ad longitudinem suam maiorem à Sole. Post hoc fit cursus velocior, & attingit Solem, eritque eius occasus in oriente manē. Luna verò est velocior Sole cursu, & nō est ei retrogradatio: ideo attingit Solem, & occidit in oriente mane, transitque eum: & oritur in occidente vespere.

DE ESSE quoque stellarum fixarum iā narrauimus in initio libri, quòd quicquid ex eis fuerit prope axem septentrionalem, non sit ei occasus in climatib⁹ septentrionalibus. Et quanto plus aucta fuerit lōgitudo climatis in septentrione, tātò plus augetur altitudo axis ab hemisphærio, & eo magis non erit eis occasus in ipso climate, & sunt hæ Algeth. & Alpharcadan: & Henethai, quæ sunt stellæ Vrsæ maioris atque minoris, in quarto climate. Et similiter quicquid opponitur his stellis ex parte axis meridiani, non erit ei ortus meridianus in eodem climate. Quicquid etiam fuerit ex eis magis elongatum ab axe, fueritque occasus in his partibus, quæ excedunt quinque climata: fueritque

eius longitudo maxima à circulo signorum, non est ei occultatio sub radiis Solis propter prolixitatem moræ eius super terram : ex quo cùm Sol fuerit in gradu longitudinis stellæ, erit ortus eius ante ipsum Solem, & eius occasus post ipsum.

Quòd si fuerit stella ante initium Cancrì vel initium Capricorni, erit tēpus quo præcedit eum per ortum, æquale tempori, quo succedit ei per occasum.

Quicquid autem fuerit ex stellis fixis in cingulo circuli signorum vel prope, vel inter utrâsque partes, erit occasus eius sub radiis Solis vespere, & ortus in oriente mane, secundum quod diximus de Saturno, Ioue, & Marte. Et erunt tempora occultationis eius secundum quantitatem siue corporis magnitudinē, et diuersitas eius longitudinis à Sole. Sed si fuerit latitudo septentrionalis, abbreviatur tempus occultationis : & si fuerit in meridie, augmentatur.

Quicquid verò fuerit ex eis in latitudine signorum versus meridiem, abbreviatur tempus moræ eius super terram. Cùmque fuerit Sol in gradu eius, erit ortus eius post ipsum Solem, & eius occasus ante eum. Erítque ortus eius & occasus in die, & non videbitur : & quanto plus fuerit longitudo eius à circulo signorum, vel à Sole versus meridiem, tanto prolixius erit spatium

tium eius occultationis, ut sidus, quod est in initio quarti climatis. Occultaturque à Sole quinque mensibus anni: eritque occasus eius & ortus, & non videbitur. Cumque fuerit stella propè initium Cancrì vel Capricorni, erit tempus quo succedit Soli in ortu, æquale tempori quo præcedit eum per occasum, ut sidus Siuhelis, quod est in fine Geminorum.

Mansionibus quoque Lunæ apud occasum Solis sunt ortus & occasus: ortus scilicet ut exeat stella de sub radiis Solis, & oriatur mane in oriente ant ortu Solis. Occasus verò, ut stella in Nadir hac oriente vel orta mane occidit in occidente eadem hora. Prima itaque mansio, quæ est Ascarchan, oritur 10. diebus remanentibus de mense Aprili, & cadit eius Nadir, quæ est Alphar vel Algaphar. Deinde post omnes 31. dies oriuntur una mansio, & cadit eius Nadir usque in finem anni.

DE ORTV POE-

*TICO, HOC EST EXEM-
pla ortus & occasus stellarum fixarum,
ex variis auctoribus collecta, & ad stu-
diosorum vtilitatem diligenter explicata,
incerto auctore.*



Cognitionis ortum & occasum stellarum fixarum præcipua vtilitas & fuit quondam, & nunc esset, si calendaria non haberemus, unde sumerentur discrimina temporum anni. Nunc quoque certissima tempestatum indicia inde accipiuntur. Ac mihi sæpe cogitati seriem anni, videtur Deus mirabili consilio ita distribuisse omnes ortus & occasus, ut rerum nascentium vtilitati seruiant. Id declarari multis exemplis posset. Solus in Ariete cursus sua natura aliquantulum desiccatur terram & auras, ea tempestas apta est sationi. Sed seminibus aliquanto post opus est humore: ideo cum ventum est ad Pleiades & Hyadas, ordo naturæ adfert pluuias. Hæc quodam studiosè animaduersa & descripta sunt, estque vtilis consideratio

re opi-

ut opificium mundi sciamus non extitisse casu.

Deinde prodest hæc de ortu & occasu do-
ctrina ad enarrationem multorum scriptorum:
quorum quia alij magis, alij minus eruditè or-
tus & occasus recensent, explicatio difficilis
interdum est & admodum intricata, cum præ-
sertim stellæ propter motû octavæ spheræ iam
aliquantulum progressæ sint, ut signa conse-
quentia, & intercalatio quoque non emenda-
ta, aliquid faciat discriminis. Olim Sol ingredie-
batur Arietem 17. die Martij, nunc 11. die
Martij ingreditur, et sic de reliquis. Quia enim
annus noster vsualis est maior iusto, necesse est
tempora æquinoctiorum, solstitiorum, & in-
gressus Solis in cætera signa anticipare, seu rece-
dere à sedibus suis in antecedentibus. Quare e-
tiam si in tanta obscuritate, & tot difficultati-
bus, summâ semper præcisionem pariter in om-
nibus locis deprehendere non posse videbimur,
danda tamen est opera, ut quàm fieri queat
simplicissimè nos ex singulis euoluamus. Quod
quidem facere facilius poterunt, qui definitio-
nes, quarum in textu est facta mentio, diligen-
ter didicerint.

ORTVS ET OCCASVS

Cosmicus seu mundanus manè fiunt sub ortum
Solis, ita ut omnes stellæ, quæ cum Sole, vel pau-

lò post Solem, supra horizontem ascendunt, dicantur oriri cosmicè. Quæ verò cum signo Soli opposito, eodem tempore sub horizontem dilabuntur, occidunt cosmicè.

ORTVS ET OCCASVS

Acronychus vesperi fiunt sub occasum Solis. Omnes enim stellæ quæ cum Sole, vel paulò post Solem descendunt, occidunt ἀκρονύχως. Quæ cum signo Soli opposito eodem tempore supra horizontem ex parte orientis emergunt acronychè. Ita stellæ cosmicè surgentes, descendunt acronychè, & ascendentes acronychè, occidunt cosmicè, dummodò non magnam latitudinem habeant, seu non multũ distent ab ecliptica. Hinc sunt versiculi vsitati,

Cosmicè descendit signũ quod acronychè surgit,
Cronychè descendit signũ quod cosmicè surgit.

ORTVS ET OCCASVS

Heliacus differunt à prioribus. Cùm enim Sol motu suo, quem in annuo cõficit spatio, subinde ad alias atq; alias accedat stellas, & postea paulatim ab iis iterũ recedat, fit vt illæ ad quas accedit propius, propter vicinitatem luminis solaris obscurentur seu tegantur, ac aliquantisper lateant. Tales dicuntur occidere heliacè, tunc cùm Solis propinquitate impediuntur quò minus vesperi post occasum Solis in occidere appareant.

Oriun-

Oriuntur autem iterum heliacè, quando Sol motu suo progressus, tantisper ab eis remouetur, donec iam manè à radiis solaribus liberatæ, ante ortum Solis in oriente rursus conspiciuntur.

● Præcipua Verò ratio cur tot ortuū & occasum genera constituentur, à motu Solis proprio pendet: qui aliquando ad stellarum loca accedens propius, interdum verò longius ab iis recedens, efficit ut alio atque alio tempore orientur et occidant, nec difficile est videre ordinem in iis stellis quæ carent latitudine, vel saltem ab ecliptica non multum distant. Primo enim occidunt heliacè tum, cum Sol accedit ad earum loca tam propè, ut vesperi post occasum Solis non possint amplius conspici. Paulo post manè cum Sole oriuntur cosmicè, & vesperi occidunt acronychè eodem tempore, ut supra dictum est. Elapsis aliquot diebus, postquam Sole ab illis discedente manè ante ortum Solis in oriente iterum apparere incipiunt, oriuntur heliacè. Inde perpetuò ante Solem manè conspiciuntur, donec post sex fermè menses, Sole accedente ad signum seu locum illis oppositum vesperi orientur acronychè, & manè occidant cosmicè. Hæc ratio expedita est, & studiosis facile potest intelligi, propterea quòd stellæ non multum ab ecliptica discedentes in alterutram partem, cum eo pro-

pemodum loco Zodiaci oriuntur & occidunt in quo sunt.

Cor Leonis nostro tempore est in 23. gradu Leonis, & ab ecliptica tantum distat 10. minutis. Sub medium igitur Iulij, Sole accedente ad principium Leonis, heliacè occidere incipit, ac vesperti post occasum Solis vix potest cerni. Deinde in principio Augusti cum Sol pervenit ad 23. grad. Leonis, oritur cosmice manè, & vesperti occidit acronychè cum Sole. Sub finem Augusti quando Sol discedit inde ad medium fere Virginis, à radiis Solis, sub quibus tectum latuerat, liberatur iterum, ac manè ante ortum Solis videtur, donec tandem in principio Februarij cum Sol est circa 23 grad. Aquarij, vesperti oritur acronychè occidente Sole, & manè occidit sub Solis ortum cosmice.

In stelliis verò habentibus magnam latitudinem, ratio ortuum est aliquāto magis intricata: nec enim cum eo loco eclipticè oriuntur, in quo sunt, nec cum eodem oriuntur & occidunt. Septentrionalem enim latitudinem habentes in nostro spheræ obliquæ situ, hoc est elevato polo septentrionali, oriuntur cum gradu quodam Zodiaci, locum suum in quo sunt præcedente: occidunt cum loco sequente. Contrà versus meridiè distantes ascendunt cum gradu sequente, descendunt

dunt cum præcedente. Atque adeò ordinem ortuum prædictum omnino mutant. Idque eo magis, quo ab ecliptica longius distant.

Nos hanc varietatem breuitatis causa duobus tantum exemplis monstrare conabimur.

Arcturus stella insignis est ac primæ magnitudinis sub pedibus Bootæ, nostro seculo in 18. gradu Libræ, recessit autem ab ecliptica versus polum Borealem 32. fermè gradibus. Is igitur primò oritur cosmice manè cum Sole in hoc nostro horizonte, qui habet eleuationem poli septentrionalis 52. graduum sub principium autumni, Sole existente in initio Libræ. Sub initium Octobris, quando Sol mouetur in medio ferè Libræ, oritur heliacè, hoc est, manè paulò ante quàm Sol ascendat, in oriente cernitur. Aliquanto post in fine Nouembris, Sole existente in medio Sagittarij, occidit heliacè. Vesper enim post occasum Solis non amplius apparet. Post paucos dies in medio ferè Decembris, dum Sol est in principio Capricorni, descendit acronychè cum Sole. Deinde sub initium Veris, Sole accedente ad initium Arietis, oritur acronichè vespèri Sole sub horizontem descendente. Postremò in solstirio æstiuo Sole existente in tropico Cancri, occidit cosmice manè Sole oriente.

Canis maior seu Sirius stella eiusdem magni-

tudinis non minus lucida in parte cœli meridionali est hodie in 8. grad. Cancrī, latitudinē verò habet meridianam 40 ferè graduum. Ea stella primò occidit heliacè in Aprili, Sole ad principium Tauri accedente, quando videlicet vesp̄ri propter vicinitatem radiorum solarium in casu non amplius apparet. Deinde in principio Maij existente Sole in 22. gradu Tauri vesp̄ri occidit acronychè cū Sole. Prima Augusti Sole in 17. Leonis gradu constituto, manè cum eo ascendit cosmicè. Elapsis inde aliquot diebus, Sole principium Virginis ingrediente oritur heliacè, hoc est in matutino diliculo conspicua est, prius quàm Sol supra horizontem ascendat. Postea in initio Nouembris manè occidit cosmicè, Sole in 22. gradu Scorpionis ascēdente. Tandem sub finem Ianuarij, vesp̄ri oritur acronychè, Sole in 17. Aquarij sub horizontem descendente.

Hæc de ordine ortuum præmittenda duxi, quòd ea definitionibus suprā traditis aliquid lucis allatura sperarem. Nunc ad institutum redeo, ac primùm quidem veterum auctorum loca quibus ortus vel occasus alicuius mentionem faciunt, breviter exponā. Deinde totū id, quantum fieri poterit maximè illustribus, & ex variis authoribus collectis exemplis declarabo.

AD CERTAM ORTVS VEL

occasus alicuius speciem determinandam
tria requiruntur præcipue.

1^o tempus certum.

2^o Locus Solis ad id tempus.

3^o Locus eclipticæ, cum quo data stella oritur
vel occidit, ad certam poli elevationem.

1^o Tempus aut ab ipso authore annotatum of-
fertur, aut ex certis ortus vel occasus speciebus
eliciendum est, ut postea dicemus.

2^o Locus Solis ad diem datam, his nostris tem-
poribus ex ephemeridibus aut aliis tabulis vel
instrumentis, facile colligitur. Quia verò ut su-
pra monstratum, propter vitiosam intercala-
tionem, sedes æquinoctiorum & solstitiorum
mutatæ sunt, atque adeò singulis diebus Sol non
in eodem gradu est hodie, in quo fuit olim: col-
legimus ex Ouidio, Columella, & aliis, dies qui-
bus Sol ipsorum tempore ingressus est signa Zo-
diaci, & ex iis tabulam congesimus ex qua
utcumq; ad diem propositam locus Solis ad tem-
pora veterum possit elici: nec in ea supputanda
astronomicam quæsiuimus præcisionem, sed sin-
gulis diebus singulos penè gradus tribuimus,
quòd negotium ipsum accuratiorem calculum
requirere non existimaremus. Si igitur ex ea lo-

cum Solis pro aliquo die ad veterū tempora habere voles, sume diem in margine tabulæ, et statim sub titulo mensis tui in angulo communi (vt vocant) reperies gradum signi, quem Sol eo die olim tenuit. Quod si dato loco Solis, diem scire cupis, quære signi gradum in area tabulæ, & supra eum in capite tabulæ, mensem: in margine verò iuxta eum, diem mensis reperies. Dies verò qui nomina signorum sine numero graduum adscripta habet, sunt dies mensium quibus Sol ea signa olim ingrediebatur.

Huc pertinet tabula continens ingressum
Solis in 12. signa zodiaci, &c.

3 Locus verò cum quo stella oritur vel occidit nostro seculo, ex globo aliquo cœlesti facile potest elici. Sed dum stellarum quoque loca à poetarum temporibus ad hæc nostra vsque propter motū octauæ spheræ mutata sunt, vt supra etiā monuimus, & ob eam causam stellæ cum aliis gradibus eclipticæ ascendāt, ac descendāt hodie aliter quàm olim: secundam hæc addidi tabulā, quæ continet gradus eclipticæ cum quibus stellæ insigniores oriebantur quondam & occidebāt Romæ & Alexādræ. Videntur enim Latini, præcipuè poète ex peregrinis calendariis suos ortus descripsisse, nec satis constat ad suāmnem, an verò ad eleuationem Aegypti seu Alexādræ, ex qua

ex qua calendaria habebant. Vtrunque igitur
cōsulas, & quod in rebus dubiis tutissimum est,
eā utaris, quæ proposito tuo quàm maximè con-
uenire videbitur. Sumptæ autem sunt longitudi-
nes stellarum in hac tabula ex Ptolcmæo, qui
vixit post natum Christum, siue post tempora
poëtarum 150. ferè annis, sub imperatore An-
tonino, propterea quòd illud temporis interval-
lum exiguum sit, et minus quàm ut sensibilem
aliquem errorem ingerere possit.

Huc refertur Tabula quæ habet gradus
eclipticæ cum quibus stellæ insignio-
res olim oriebantur &
occidebant.

PROINDE AVTHORES IN
eiusmodi descriptionibus duplici ratione vsos
esse videmus. Aut enim tempus anni certò ex-
primūt, et ad illud ortum vel occasum alicuius
stellæ in genere applicant. Aut non annotato
tēpore, ortus vel occasus speciem nota quadam
circumscribunt, & ex eo tempus nobis inuesti-
gandum relinquunt. Prior ratio, Ouidio in Fa-
stis, historicis, ac rei rusticæ scriptoribus ut plu-
rimùm familiaris est. Posterior rarius occurrit,
quæ à Virgilio magis vsurpatur. Si quem igitur

habes locum, præ omnibus primò illud videas, *Utrum* ab authore certo exprimatur, tempusne anni, an verò ortus: & si ortus, quam speciem describat, diligenter consideres. Deinde statim inquire locū eclipticæ, cum quo stella, cuius mentio fit, veterum temporibus ascenderit supra horizonem aut descenderit, ex tabula præmissa: & quidem utranque eleuationem sumas, ut ea utaris, quia quàm maximè ad rem quadrare videbitur, sicut dictum est.

Tertiò. Si oblato tempore de ortus specie dinandū est, quære locum Solis ad tempus propositum, ut suprà monstraui-mus, eūque confer ad gradum cum quo stella oritur vel occidit. Si enim is gradus idem est cum loco Solis, necesse est vel ortū intelligi cosmicum, vel occasum acronychum. Si verò locus stellæ in opposito solis, occasus erit cosmicus, aut ortus acronychus. Quòd si locus Solis gradum cum quo stella oritur, aliquantulum sequitur in signorum ordine, dic ortum heliacum: propterea quòd Sol locum à quo oritur stella, superarit, ita ut manè paulò ante ortum Solis ascendat & conspiciatur. Si verò locum cum quo stella occidit, aliquantulum præcedit, occasum intelligas heliacum. tunc enim quia Sol ad locum cum quo occidit stella, propius accedit, incipit vicinitate radio-

radiorum Solis obscurari, ut post occasum non possit facile cerni.

SI VERO ORTVS SPECIE expressa de tempore diuinandum erit, sic procedas. Primum ut ante dictum, summo studio perpendas, tuam ortus speciem intelligat author: id ex ipso verborum contextu coniiciendum erit, ut infra cernes in exemplis.

Deinde, locum cum quo stella oritur vel occidit, ut prius, inquiras. Tãdem, si ortus est matutinus vel occasus vespertinus, tamẽ quia cum Sole stella oritur vel occidit necessariò, quere ex tabula quo tempore anni Sol eum tenuerit locum cum quo stella ascendit, vel descendit, ratione superius mōstrata. Si verò ortus est acronychus vel occasus cosmicus, tum quia in iis Sol semper occupat signũ loco stellæ oppositum, inuestiges ex eadem tabula quando Sol olim fuerit in signo zodiaci stellæ loco opposito. Occasus heliacus aliquot diebus præcedit occasum acronychum in omnibus stellis. quare pro eo aliquot dies auferas à tempore occasus vespertini. Ortus heliacus aliquo intervallo temporis ortum cosmicum sequitur. ideo pro hoc aliquot dies adicias ad tempus ortus cosmi, & reperies tempus quæsitum prope vterum. Nam in summa præcisione inuestigãda, omnia ad accu-

rationem calculum reuocanda essent, quòd plus
 requireret laboris, quàm ferret vtilitatis, cum
 præsertim præter suprà dictas difficultates, etiã
 ad ortum & occasum heliacum non possit tra-
 di definita à Sole distantia, quòd arcus visionis
 stellarum fixarum deprehēsi satus non sint, cum
 propter diuersas corporum magnitudines, tum
 verò ob varias earum ab ecliptica distantias, et
 signorum etiam inæquales ascensiones. Itaque
 erudito coniectatore hæc res omnino opus ha-
 bet. Nec fortassis parũ inuaret, si quis ortus &
 occasus, quorum Columella & alij mentionem
 faciunt, diligenter exciperet, eosq; quasi in dia-
 rium quoddam digereret, ex quo deinde de poë-
 tarum locis facilius diuinare posset. Ad quam
 rem multum profutura viderentur ea quæ Pli-
 nius libr. 18. cap. 25. & sequentibus tradit, qui
 quidem & loca obseruationum diuersa ostēdit,
 & suos singulis ortus adscribere conatur. Sed
 ad exempla venio, quæ rem magis declarabūt.

VIRGILIUS PRIMO GEORG.

Antè tibi Eoæ Atlantides abscondantur,
 Gnosiaque ardentis decedat stella Coronæ,
 Debita quàm sulcis committas semina, &c.

IN PRIMO VERSV

Ortus exprimitur: Eoæ, inquit, id est matu-
 tinæ

*tine: est ergo occasus cosmicus, qui fit manè sub
ortum Solis.*

2 Pleiades stellæ sunt in cervice Tauri, quæ in
utraq; poli elevatione occidunt cum 4 gradu
Tauri.

3 Quia verò occasum describit cosmicum, necesse est Solē esse in signo opposito, videlicet in 4. gradu Scorpij. Eum Sol tenebat olim circiter 22. diem Octobris, ut apparet in tabula. Id tempus intelligit Virg. quo Pleiades olim occidebāt manē oriente Solē in 4. gradu Scorpionis.

IN ALTERO VERSU

1 De ortus specie quaeritur. tempus notum est
ex superiori versu, videlicet 22. Octobris.

Est autē hy
pall gē. De
cedat, i. libe
retur à rē-
diis solari-
bus.

2 Notus est & locus Solis 4. Scorpij.

3 Oritur autem Corona Romæ cum 27. Virgi-
nis, Alexandriæ cum 7. Libræ. Vterque gradus

sequitur locum Solis in signorum ordine. Ergo
exponendus est versus de ortu heliaco. Nam Sole
ex Libra in Scorpionem transeunte, Corona
manens ante Solem oriebatur & conspici poterat.
Porro occasus Pleiadarum cosmici crebra fit men-
tio apud poetas et historicos, ut apud Polybium
de transitu Annibalis in Italiam libro quinto:

Τῆς δὲ χάριτος ἔστω ἐπὶ τῶν ἀκριβῶς ἀποριζομένων διὰ
τὸ σῶσαι πᾶσι τῆς ἐκκλησίας δόξιν.

Quem locum & Liuius imitatus est libro primo decadis tertiæ, ubi ipse quoque id iter An nibalu describit. Verba eius hæc sunt:

Fessus tædio tot malorum, niuis etiam casus occidente iam Vergiliarum sidere ingentem ter rorem iniecit.

Sed in utroque tempus exprimitur: fit enim mentio autumnii, quare de occasus specie non est difficilis diuinatio.

Citantur ab Athenæo versus ex astrologia Hesiodi de eodem:

Χεμίειναι δούσι πολέινδης,
Αἰ δὲ τοι δέξῃς ὃ χειματος ἄγλαοί εἰσι.

Hic etiam tempus expressum est: hybernæ occidunt, scilicet cosmicè Sole existente in Scorpione.

Vocat autem nuntias æstatis & hyemis, propterea quòd in initio æstatis oriantur heliacè Sole in Geminis existente: ante exordium hyemis in autumno Sole existente in Scorpione, oriantur acronychè vesperi, & manè occidunt cosmicè. Quod ipsum etiam Plinius indicat lib. 18. cap. 29.

Nanque Vergiliæ priuatim ad fructus attinent, ut quarum exortu æstas incipiat, occasu hyemis, semestri spatio intra se messes vindemiásque & omnium maturitatem complexæ.

Eun-

*Eundem occasum intelligit etiam Plinius lib.
21. cap. 6. de croco.*

Floret Vergiliarum occasu paucis diebus.

Columella de cura apum libro nono cap. 14.

*Ab æquinoctio deinde quod conficitur octa-
uo Calend. Octobris ad Vergiliarum occasum
diebus quadraginta, &c.*

*Ab octavo Calend. Octobris, id est à 24. die
Septembris, ad 3. Nouembris, qua Sol est in 16.
ferè Scorpionis. ergo occasum intelligit cosmi-
cum, &c.*

*Vbi illud quoque observandum est, quod æ-
quinoctiorum & solstitiorum sedes (sicut &
Plinius libro decimo octavo cap. 26.) nō in prin-
cipiis, sed in octavis ferme partibus signorū car-
dinalium constituit, contra veram astronomi-
cam rationem.*

Idem lib. 11. cap. 2.

*Tertiodecimo & duodecimo calendas No-
uembris Solis exortu Vergiliæ incipiunt occide-
re, occasu scilicet cosmico. Et eodem capite.*

*Sexto Idus Octobris Virgilæ oriuntur ve-
speri, ortu scilicet acronycho vesperi Sole in
Scorpio descendente, quod eodem ferme tempo-
re cum occasu cosmico fieri diximus in stellis
parum ab ecliptica distantibus.*

Hesiodus libro I I. in initio.

Πληιάδων ἀτλαγυίων ἐπιτελομένων
 Ἀ' ἔρχεθ' αὐτῆς ἀετοῖο δὲ δυστομήων.
 Αἱ δ' ἥτοι νύκτας τε καὶ ἡμέρας τεσσαράκοντα
 Κεκρύφεται, αὖθις δὲ φειλομένηου ἐν αὐτῇ
 Φαίνεται.

I Messem odoriri iubet orientibus Pleiadibus, & exprimit ortus speciem, videlicet ortum heliacum. eum enim hoc verbo ἐπιτελομαι ple-runq; intelligunt. Sunt autem Pleiades in Tauro: & quidem cum principio eius ferè oriebantur & occidebant, ut apparet in tabula: ergo necesse erat eas liberari à radiis Solis, & manè ante ortum eius conspici, Sole accedente ad Geminos, quod fiebat olim in fine Maij, vel principio Iunij. id tempus messis vocat in regione calidiore.

II Tempus arationis dicit esse cùm occidunt Pleiades, scilicet cosmicè, quod fit in Octobri Sole existente in Scorpio, ut supra dictum.

III Dicit eas latere per dies 40. Id intelligendum de tēpore, quod est ab occasu heliaco usq; ad ortum heliacū, post quem manè ante ortum Solis iterum cernuntur, ideo dicit eas postea cerni per totum annum post ortum heliacum. conspiciuntur enim manè perpetuò ante ortum Solis usque ad ortum acronychon, qui est in Octobri,

bri, post quem vesperi conspiciuntur post occasum Solis, iterum usque ad occasum heliacum. Fingas itaque eas non conspici 20. diebus ante ortum cosmicum, seu ante coniunctionem earum cum Sole, & totidem diebus post: quod est admodum verisimile. Nam & stellæ parvæ sunt, & ab ecliptica non multum recedunt. Nec male convenit id ad tempora ortus & occasus heliaci, quæ à Columella libro II. cap. 2. annotantur. Nam de occasu heliaco sic inquit:

Octavo Idus Martij Vergiliæ cælantur.

De ortu heliaco, ibidem:

Nonis Maij Vergiliæ oriuntur, sexto Idus totæ apparent.

Item libro 9. cap. 14.

Ab æquinoctio primo, quod actano Calend. Aprilis in 8. parte Arietis conficitur, ad exortum Vergiliarum dies verni temporis habentur duodequingenta. Et iterum paulo post.

Duodequingagesimo die ab æquinoctio verno, cum sit Vergiliarum exortus circa 5. Idus Maius.

Ab 8. enim Martij, quo incipiunt occidere occasu heliaco, usque ad nonas Maij, quibus iterum totæ apparent, 60. sunt dies. Non igitur male dixit Hesiodus eas diebus 40. continuis integras latere, seu omnino non conspici.

Polybius

Polybius libro 5. in initio, ait *Achaos* *ausspicari annum à vere circa ortum Pleiadum, iuxta traditionem Arati Sicyonii, eius scilicet cuius in Officiis mentio fit apud Ciceronem. Verba hæc sunt,*

Τὸ μὲν οὖν, καὶ πρὶν Ἀ' εἶτε τῶν νεότερον, ἔπος ἐπύχαν
Διελλυδὸς περὶ πρὶν τῆς Πληιάδος ἐπιτελλώ. αὐτῶν δ'
ἦγε τοὺς χρόνους τὸ πρὶν Ἀ' χαίων ἔθνος.

Id de cosmico ortu commodissimè exponitur, qui æquinoctio verno proximus est, de quo & Columella,

Decimo Calendas Maij Vergiliæ cum Sole oriuntur.

Si quis tamen locum Polybij de ortu heliaco interpretari malit, non repugno, nisi quòd is ad æstatē propius accedit, ut ex superioribus patet.

Hesiodus libro II.

— αὐτὰρ ἐπεὶ δὴ

Πληιάδες θ' ὑάδες τε, τό, τε, εἶνος αἰείωνος
δύωσι, τότ' ἐπλεῖτ' ἀέθρε μνηστήρος εἶσα.

Autumnnum intelligit in quo sole existente in Scorpio Pleiades & Hyades in Tauro, & Orion cum iis occidit cosmice manè oriēte Sole. Nam & orion in vtraque elevatione cū Tauro occidit, ut patet in tabula. Sub id tempus iubet arationem fieri, & prohibet navigationem, ideo & in Theocrito quidam optat amico felicem

licem ac bonam navigationem sub id tempus,
quod alioqui solet esse flatuosum ac turbidum.
Verba eius hæc sunt in Idyllio 7.

Εἴσεται Ἀγενακτὶ χαλὸς πλόος ἐς Μιτυλάνας,
Χ' ὅταν ἐφ' ἐπεισὶς εἰφοῖς νότος ὕχθ' ἀδῶκει
Κύμαλα, χ' ὥείων ὅτ' ἐπ' ὠκιστῶ τὸ δας ἴχθυ.

Hoc est, utinam Ageanaecti sit bona navi-
gatio in Mitylenē, quando Notus infestat mare
sub hesperius Hædos, quando occidit Orion.

1 Tempus notum est, autumnī scilicet, quo
Sole existente in Scorpio, Orion mane occidit
cosmicè, ut dictum est.

2 Hædi oriuntur cum fine Arietis seu princi-
pio Tauri Alexandriæ. Ergo eodem tempore
Sole in Scorpio vesperi descendente, è regione
oriuntur acronychè, ideò ἐπεισείους vocat, id est,
vesperi apparentes, & quidem sub id tempus
eos vesperi oriri etiam Columella testatur, cum
inquit:

Nonis Octob. Hædi oriuntur vesperi.

Polibys libro primo.

De navigatione Romanorum in Africam
ex Sicilia, quam inter ortum Orionis & Canis
susceperant,

Μεταξὺ γὰρ ὅπῃ το τὸν πλῆν τῆς ὥείωνος· καὶ κινῆς ὅπῃ-
τολῆς, ἐδὲνὶ περὶ σέχοντες τῶν λεγομένων.

Μεταξὺ inquit, id est, intra ortum Orionis &

Canis . queritur igitur quem ortum intelligat. Tempus ex cōtextu colligitur fuisse sub initium æstatis. Oritur autē Orion cum Geminis, Canis maior cum medio ferme Cancri, ut cernitur in tabula. Ergo ortum intelligit heliacum, quo Sole sub finem Veris ex Geminis accedente ad Cancrum totus Orion, & paulò post cū ad finem Cancri peruenit, Canis quoq; manē rursus conspicitur . Improbatur autem eam nauigationem, quòd sub ea tempora occasus heliacus, & paulò post ortus cosmicus, & heliacus Orionis & Canis vtriusque tempestates cient . propter quam causam Hesiodus etiam nauigationē Vernam prohibere videtur. Sic Plinius lib. 18. cap. 29. de occasu heliaco Canis:

Post dies vndeuginti ab æquinoctio verno per id quatrimum, varia gentium obseruatione, quarto Calendas Maij Canis occidit, sidus per sese vehemens, & cui præoccidere Caniculam necesse sit.

Et de Orione, Cap. 25.

Cū sidus vehemens Orionis iisdem temporibus longo decedat spatio.

Scilicet post æquinoctium vernum paulatim occidere incipit: est enim magnum sidus & multas habet insignes stellas, ideo non subito à
Solu

Solis radius tegitur, quod ipse etiam Plinius eodem libro cap. 26. testatur.

NONIS Aprilis Orion & gladius eius incipiunt abscondi: quinto Calendas Maij totus Orion absconditur: octauo Idus Maij Canis vesperi occultatur..

Et Columella.

Pridie Calendas Maij Canis se vesperi calat occasu, scilicet heliaco. Oritur autem iterum heliace paulo ante solstitium æstiuum, vt idē scribis libro eodem, capite vigesimo octauo.

SEXTO Calēdas Iunij Cæsariæ Orion oritur: tertio nonas Iunij Atticæ totus exoritur.

Hunc ortum intelligit Hesiodus de tritura ac tempore messis,

Εὐτ' αὖ θεῶτα φανῇ δέρος Ὠ' εἰώρος.

Cum primū iterum appareat Orion ortu heliaco, in Iunio scilicet, sole existente in fine Gemminorum, vt dictum est. Canicula verò post solstitium oritur, vt est apud Columellam.

PERACTO solstitio vsque ad ortum Caniculæ, qui ferme triginta dies sunt.

De ortu Heliaco, cum scilicet Sole existente in principio Leonis, Canicula cum Cancro manē ante solem ascendit, & conspici potest, quod

tempus navigationi aptissimum est, ut & Hesiodus testatur.

Ovidius 1. Fastorum.

Oc̃tipedus fructra querentur brachia Canc̃ri.

Præcep̃s occiduas ille subibit aquas. 1

Institerint imbres missi de nubibus atris.

Nonæ signa dabunt, exoriente Lyra.

Hic tempus offertur 3. Ianuarij: eo die Sol in 17. Capricorni in signo opposito. ergo occasum intelligit cosmicum, quo manè oriente Sole in Capricorno, Cancer è regione descendit.

II. Lyra oritur cum fine Libræ Romæ, Alexandria verò cum initio Scorpj. Vterque locus sequitur locum Solis antea repertum, scilicet 17. Capricorni. Ergo ortus est heliacus, quo Lyra manè ante ortum Solis conspicitur, à radius liberata.

Hunc ortum præcessit ortus cosmicus, cuius meminit Columella.

DECIMO SEXTO Calendas Decēbris, Fidicula manè exoritur, scilicet Sole existente in fine Scorpj, cum quo occidit Lyra, ut supra patet ex tabula.

Ovidius in eodem,

Septimus hinc oriens cum se demiserit vndus,

Fulgebit toto iam Lyra nulla polo,

Sidere ab hoc, ignis venienti nocte Leonis

Qui mi-

Qui micat in medio pectore, mersus erit.

Die 23. Ianuarij Sol est i 8. gradu Aquarij ferè.

Lyra occidit Alexandria cum 22. Aquarij.

*Ergo occasum intelligit heliacum, quo scilicet
vesperi occidente Sole in 8. Aquarij, Lyra su- s. Intra
pra horizontem vix adhuc cernitur.*

*Posset & enarrari hic locus de occasu cosmi-
co, quod Romæ occidat Lyra cū 2. ferè Aqua-
rij. Sed illa expositio minus videtur idonea, pro-
pterea quod in stellis septentrionalem latitudinē
habentibus, occasus cosmicus precedat, eum de-
inde ortus heliacus, & tunc ortus cosmicus se-
quatur, post quē occasus acronychus proximus
est, quem ipsum quoque describit Ovidius in se-
cundo libro, ut postea videbimus.*

II Qui micat in medio, &c.

*Cor Leonis intelligit, quod fuit in quinto vel
sexto gradu Leonis. Is locus est oppositus gradui
Solis prius inuento. ergo occasus est cosmicus.*

Sic Columella,

*SEXTO Calendas Februarij Leonis, quæ est
in pectore, clara stella occidit.*

Et Plinius lib. 18. cap. 26.

*OCTAVO Calendas Februarij stella re-
gia appellata Tuberoni, in pectore Leonis, occi-
dit matutino.*

DE ORTV
OVIDIVS LIB. 2.

*Illa nocte aliquis tollens ad sidera vultum,
Dicet, vbi est hodie quæ Lyra fulsit heri?
Dúmque Lyrã quæret, mediꝝ quoq; terga Leonis
In liquidas subitò mersa videbit aquas. 6
Quem modò celatum stellis Delphina videbas,
Is fugiet visus nocte sequente tuos.*

*Dies est expressa 2. Februarij. Occidit Lyra cū
22. Aquarij Alexãdriæ: est autẽ locus Solis 18.
Aquarij, & cōmode interpretari potest de occa-
su acronycho: posset tamen applicari ad heliacū,
qui paruo tẽpore acronychum præcedit: sed hæc
expositio cōmodior est, sicut antè diximus.*

II Terga Leonis.

*Leo est signum oppositum Aquario. ergo Sole
in Aquario manẽ oriente occidit cosmicẽ.*

III Is fugiet visus.

*Tempus datur tertio Februarij. Locus Solis est
in decimonono Aquarij. Occidit Delphin cum
medio ferme Aquarij. ergo occasus est acrony-
chus. sic & Columella.*

*TERTIO Calendas Februarij Delphinus
incipit occidere. Idem, Fidicula occidit, scilicet
vesperi occasu acronycho, Sole in 19. Aquarij
existente.*

Εὐτ' αὖ τ' ὦείων καὶ σείειος ἐς μέσον ἔλθῃ
 Οὐγενὸν, ἀρκτῦεν τ' εἰσιδῇ ῥοδόδακτυλος ἡώς.

Hic ortus species describitur. cum enim Orion cum Sirio, qui in Geminis sunt, in medio cœli existunt, necesse est Arcturum cū Virgine oriri, idque cosmice, Sole existente in Virgine, sub initium Septembris. Sic & Columella,

A Canicula fere post diem quinquagesimum Arcturus oritur.

ET ALIBI.

NONIS Septembris Arcturus oritur, scilicet manè cum Sole ortu cosmico. Hunc ortum intelligit etiam Thucydides libro secundo, ubi scribit exercitum Lacedæmoniorum discessisse ab obsidione Plateæ καὶ ἀρκτῦεν ἐπιτολὰς, relicta ibi parte exercitus. Quanquam idem locus de ortu heliaco, qui ortum cosmicum paruo temporis intervallo sequitur, non incommode accipi potest.

Plinius libro secundo.

ARCTVRI sidus quod exoritur vndecim diebus ante æquinoctium Autumni.

Ortu, scilicet heliaco, quo apparet Arcturus, Sole ex Virgine accedente ad Libram.

DE ORTV
ARISTOTELES DE NATV-
ra Animalium lib.6.de Cervis.

Η' δ' ὀρχεῖα γίνεται μετὰ ἀρκίῳσεν πρὸς τὸν κοινὸν
μῶνα καὶ μεμακλινεῖνα.

Dicit coitum ceruuarum fieri mense Augu-
sto & Septembri, sub Arcturi ortum cosm-
icum & heliacum.

Theodorus Gaza in libello de mensibus, locū
Galenī de hoc ipso ortu citat, cuius hæc sunt ver-
ba libro quarto de tuenda sanitate,

Εἴσι μὲν ὠρεῖσθαι τῆς ἐλάτης τὸ σπέρμα πρὸς τὴν
ἐπιτολίαν τῶ ἀρκίῳσεν, ὅστις χειρὸς ἐν Ρώμῃ ὁ καλέμενος,
μὲν σπέρματος ὅτι, ἐν Περσῶν καὶ παρὰ ἡμῖν ὁ καλε-
ταῖς, Ἀθῶνσι δ' ὀρχεῖα.

Id est,

Maximè verò maturum est abietis semen
sub ortum Arcturi heliacum mense Septem-
bri, & cætera.

HESIODVS LIB. 2.

Εὖτ' αὖ δ' ἐξήκοντα μετὰ τροπᾶς ἡλίου
Χεμεῖ ἐκτελέσει ζεὺς ἡμάτα, δὴ ῥα τότε ἀσὴρ
Ἀρκίῳσεν πρὸς τὸν κοινὸν μῶνα, ὅστις
Πρῶτον παμφάνων ἐπτελέσει ἀκρονέφαιος.

Hic & tempus exprimitur & ortus species,
sexaginta diebus post solstitium hybernū, id
est, circiter 15. Februarij: quo tempore Sol in-
greditur

greditur Pisces. Oritur autem Arcturus cum Virgine. rectè dicitur vespèri, hoc est, acronychè Sole in Piscibus descendente.

OVIDIUS 2. FASTORVM.

Tertia nox veniet, custodem protinus Vrsæ

Aspicias geminos exeruisse pedes.

Tempus est 11. Februarij, Sol in fine Aquarij propè initium Piscium, oritur Bootes cum Virgine, qui locus est oppositus Soli. Ergo ortum intelligit acronychum: quare inquit, noctu aspicias.

De hoc ortu Plinius lib. 18. cap. 26.

OCTAVO Calendas Martij, hirundinis visu, et postero die Arcturi exortu vespertino.

Et Columella lib. 9. cap. 14.

ORTVS Arcturi, qui est idibus Februarij, sub aduentum hirundinum.

Idem lib. 11. Cap. 2.

NONO Calendas Martij Arcturus prima die oritur.

LIBRO 3. FASTORVM.

Siue est Arctophylax, siue est piger ille Bootes, Mergetur, visus effugietque tuos.

Tempus est 5. Martij, locus Solis in fine Piscium. Occidit autè Alexandriae Arcturus cum initio Scorpj. Quare, quia Sol est ferè in signo op-

posito, occasum intelligit matutinum, seu cosmicum. Hæc expositio qualiscunque est. Nam ut suprâ etiam monuimus, Latini poëtæ negligentes fuerunt in descriptionibus ortus & occasus siderum. Verùm occasum cosmicum describit Columella lib. 11. cap. 2.

VNDECIMO, decimo & septimo Calendas Iunias Arcturus manè occidit.

Scilicet cosmicè, Romæ cum 5. Sagittarij. Occidit ergo dictis diebus quibus Sol mouetur in primis partibus Geminorum, manè oriente Sole è regione descendit.

Est & locus in Rhese Euripidis,

Δύεται σιμεῖα, καὶ ἐπ' ἀπροι

Πληιάδες ἀνέλειαι.

Μίση δὲ αὐτὸς ἕρπυ πτότα.

Occidunt signa & septem Pleiades æthereæ,
Aquila in medio cœli volat.


Describitur id fieri in noctu hyemali sub finē quartæ vigiliæ tribus ferè horis ante ortū Solis. Oritur autē Aquila cū priori parte Sagittarij: Ergo eo versus mediū cœli ascēdente, necesse est Pleiades ex opposita parte iā in Tauro descēdisse, & Solem quoq; sub horizonte esse in fine Capricorni, vel initio Aquarij. Finguntur igitur hæc mēse Ianuario acta, vel initio Februarij.

COMPEN-

DIVM IN SPHÆ-

ram per Pierium Valeria-

• num Bellunensem



CAPITA QUAE TRACTAN-
TUR, SVNT HAEC.

- De tota Mundi machina brevissimè.
- De Polus.
- De Aequinoctiali.
- De Zodiaco.
- De Regionibus signorum.
- Signa, quibus Planetis addicta.
- De Tropicis.
- De Arctico & Antarctico circulis.
- De Coluris.
- De Circulis mobilibus.
- De Horizonte.
- De Meridionali.
- De Sphaera recta & obliqua.
- De Motu Solis & aliorum Planetarum.
- De Zonis.
- De Parallelis.
- De inaequalitate dierum & noctium.
- De Calore & frigore.
- De Eclipsibus.
- Cur facies Lunæ variæ.
- Quid nox, quid dies sit.
- De significationibus Eclipsis utriusque in vno-
quoque signo, ex Proclo.

AD



AD ILLVST. ET MAXIME

REVEREND. ADOLESC.

Alex. Farnesium Card. S. R. E. Vicecācell. Pierij Valeriani Bellunen.
Compendium in Sphæram.



QVOD quæris, Alexander Cardinalis ampliss. terr. nū situm tibi breviter describi, quæris quidem rem & scitu incundam, & studiis tuis apprimè necessariā.

Nam siue poëtas, siue historiam, siue oratores legas, quæ tuæ sunt adolescentiæ primæ delitiæ, quoquò te verteris, rei istius cognitio tibi fuerit opportuna. Inuitat verò te sapientissimi, eruditissimique aui tui exemplum, ad ea omnia studiosius confectanda, per quæ ille ad summum rerum culmen euectus est: atque eos tibi primos in disciplinis gradus constituisti, qui ad humani ingenij captum propinquiores esse videantur: ut

gradatim inde ad reliquarum scientiarum cognitionem, & consummatissimam, qua ille plurimum pollet, doctrinam progrediari. Maeste igitur hoc animo, qui quem auum refers nomine, sapientia etiam equare contendas. In quo spero Deum Opt. Max. optatis tuis facillime respondurum: tu modo hac praeditus indole, his honorum auspiciis, totque eruditissimorum hominum, quos domi alii, auxilio communitus paululum quid enitere, dum institutum cursum arripias, reliqua negotio minimo, ac sine pulvere consecuturus. Quoniam vero terrae ipsius situs, descriptio, dimensioque ad caeli rationem accommodanda est, de caelo prius, caeli que partibus disserere quam brevissime apertissimeque possem necessarium existimaui: quod haec praesertim pars ut latina dictione tradatur desiderari haecenus visa est. Fuerunt enim plerique etiam Latini homines, qui rem minus Latine in vulgus edidere, quamvis cetera diligenter examinarent. Curavimus autem ut ea esset in institutione nostra facilitas, ut tenera quaelibet aetas doctrinae huius capax fieri posset. Nam & superflua pleraque, ne inepta dicam, quae plerisque fastidium afferre consueverant, a me summotae reiectaeque sunt, eaque tantum admissa, quae ad simplicem sphaerae ipsius cognitionem necessaria videbantur.

Illa autem quæ postea subsequuntur, ad orbis geographiam pertinentia, vnoquoque vel mediocriter erudito commonstrante, vel tuo ipsius studio facillimè consequeris.

DE TOTA MVNDI
MACHINA.

Illud verò primùm omnium tibi fuerit mente concipiendum, terram hanc, quam incolimus vniuersam vnà cum aqua circūfusa, ac illi intra supràque, & infrà etiam adhærescente, pilæ cuiusdam obrotundæ modo considerari debere: quam circum aër vndeque diffusus circumplectitur: eodémque modo aër à circumfuso igne confouetur. Quatuor enim his simplicibus, terra quippe, aqua, aëre, & igne omnia constant, quæ mox in varias rerum species conformantur. Supra corpora hæc, vt fieri potest, orbicularia septem Planetarum orbis alterum alteri instar corticum cæpis incumbentes astronomorum subtilitas adinuenit, Lunæ scilicet, Mercurij, Veneris, Solis, Martis, Iouis, & Saturni. Supra Saturni sphaeram stellarum fixarum orbis esse creditur.



Huc vsque human.e vis aciei fertur, totum-
 que cœli ambitum igneis quibusdam clavis con-
 fixum arbitratur. Supra tamen stellas cœlum
 aliud esse fertur, quod primum mobile antiqui
 sapientes vocant, ut pote quod summi Dei (ne-
 que enim aliter credendum est) imperio conci-
 tatum, assidua rapidissimâque vertigine ruens
 ab oriente occasum versus, mox ab occasu ad
 orientis terminum sese circumuoluit, trahitque
 secum & stellarum fixarum orbem, & plane-
 tarum

rarum omnium sphaeras. Quanquam illæ, ut videbimus inferius, reluctabundæ eò lentius aliæ, celerius verò aliæ trahuntur, quò primo illi orbi rapidissimo vel propinquiores, vel longinquiores fuerint. Iuniores decimam adinuenerunt sphaeram, cui nonnulli pernecitatem eam attribuerunt: alij contrà perpetuam rerum diuinarum quietem in ea statuerunt: Vbi scilicet diuini spiritus, piorumque animæ adsistant Deo, æternæque omnino tranquillitate perfruantur. Sed enim hoc hîc disputare nostri non est instituti: qui ad simplicem quandam cœli traditionem properamus. Scias tamen inter astronomicos & philosophos de cœli orbibus minimè conuenire, neque etiam de planetarum situ & ordine: sed nos hæc tibi, ut à pluribus traditur expONENTES, quæstiones in aliud tempus differemus.

DE POLIS.

Esto igitur cœlum, ut vno omnia vocabulo complectamur, ad pomi huius, quod nunc præ manibus est, similitudinem orbiculatum. (Vtar enim hoc ad partem, qua de nunc agimus, satis idoneo) Vertitur hoc, ut diximus, supra terram ob orientem occidentem versus: & ab occidente sub terra ad orientem, eò usque, vnde ma-

nè ferri cœperat, quatuor & viginti horarum
spatio. Cardines, quibus initi videtur, aut cic-
quos versatur, duo, poli Græco vocabulo nuncu-
pantur. $\pi\omicron\lambda\omega$ enim verito est. Horum vnus, po-
mi scilicet vertex

hic summus, vn-
de flos abiit, arcti-
cus appellatur ab
Vrsa, quâ poëta
in cœlū relatam
fabulantur. Ar-
ctos enim Græ-
cis, Latinis Vrsa.



In hanc autem mutatam fuisse Calisto legisti
apud Ouidium. Alter qui huic oppositus è regio-
ne est, Antarcticus vocatur vocabulo ipso op-
positionē indicatē: quem nos in pomi pediculo sta-
tuamus. Hos autē astronomi, mundi Polos vo-
cant, propter prærogatiuam primi cœli, ad cuius
rapidissimæ vertiginis celeritatē reliqui omnes
orbes, vti paulo antè dicebamus, eodem ferè vi-
ginti quatuor horarum spatio circumferuntur.

DE AEQVINOCTIALI


AB his punctis tota desumitur cœli dimen-
sio. Primò enim circulus æquo ab vtroque
intervallo distans per pomi tuberositatem duci-
tur:

tur: qui æquino-
ctialis appella-
tur, ea scilicet de
causa quòd Sol
vnoquoq; anno
huiusmodi circu-
lum bis attingēs,
dies noctibus pa-
res facit.



DE ZODIACO.

Diffecat hunc per obliquum fascia quædam
lata, dimidia sui parte ad arcticum obuer-
sa, altera ad antar-
cticum inclinata,
quæ à 12. anima-
lium formis, quibus
insignita perhibe-
tur, Zodiacus circu-
lus Græcis nuncu-
patur, signifer La-
tinis: qui duodecim
figuras eas signa vocant. Horum primus Aries,
qua primum parte ab æquinoctiali Zodiacus di-
uertēs in arcticum coepit porrigi, inde Taurus,
& huic proximum Geminorum signum: com-



pendiosis autem notis ita figurantur, γ, δ, π.
 Posteaquā per tria hæc signa arcticum versus
 obliquo tramite progressum est, reflecti incipit
 fascia, et ad æquinoctialem rursus redire, quem
 tribus itidē distincta signis, Cætro scilicet, Leo-
 ne, & Virgine, quorum hæ notæ sunt, ε, ζ, η.
 simul ac attigit, inde antarcticum versus ab æ-
 quinoctiali dilapsa, trium adhuc signorum spa-
 tio, quæ sunt Libra, Scorpium, Sagittarius, quæ
 ita notantur, θ, ι, κ, exporrigitur. Mox per-
 tesa loci ab infima ea regione ad æquinoctialem
 rursus sursum vertitur, alius tribus signis Capri-
 corno, Aquario, Piscibus insignita, quæ ad hunc
 modum figurantur, λ, μ, ν. Hic verò circulus
 neq; nō omnes, quotquot in sphaera nominantur,
 in duodecim has primū partem, ab ipsis scilicet
 signis diuiduntur: mox vnaquæque pars 30 gra-
 dibus ita appellatis distinguitur, atque ita totus
 vnius cuiusq; circuli ambitus trecetis & sexa-
 ginta gradibus dispescitur. Latitudo Zodiaci per
 duodecim circiter gradus extēditur: mediū eius
 sua parte plurimum ab it, ab æquinoctiali di-
 stat gradibus tribus circiter & viginti. Habet
 verò Zodiacus et ipse polos suos, quibus quidem
 Zodiaci polis innixi orbcs cœlorum omnes, qui
 sub fixarum stellarū cœlo sunt, motu quodam
 suo versantur, de quo inferius loco suo dicetur.

DE REGIONIBVS SIGNOR.

AB his polis circuli ducti qui vniuscuiusq; signi terminos secēt, vniuersum sphaerae corpus in 12. partes æquales diuidunt, veluti si perponēt quis in 12. portiones æquas diffecaret. Et quicquid inter duos huiusmodi semicirculos, vt ita nūc vocē, ab vno polo ad eorū alterum cōtinetur, eius signi regio esse dicitur, quicquid in medio continuerit. Inde stella quævis extra Zodiaci spatia quantumlibet procul sita, in Ariete, vel Tauro, vel Geminis esse perhibetur.



ET quoniam vnumquodque signum gradibus, vt dictum, 30. cōstat: eodem modo per gradus vniuscuiusque terminos ductæ in angulum lineæ per polos suos, efficiēt, vt quo etiam gradu huius vel illius sideris stella quælibet toto cœlo contineatur, appareat. Sed hæc non nisi in sphaera solida discerni possunt.

COMPENDIUM
SIGNA QVIBVS PLA-
netis addicta.

OEcodespotas autem docere loco hoc congruum videtur, siquidem aiunt astronomi ex planetis Solem vni Leoni præesse, vni verò Cancro Lunam: reliquos, duobus singulos signis esse præfectos, Saturnū quippe Capricorno, & Aquario: Ioui subiici Sagittariū, et Pisces: Marti Scorpion, & Arietem: Veneri Libram vnā cum Tauro: Virginem & geminos Mercurio. Cuius rei compendium hac figura subiecimus.



DE TROPICIS.

Sed enim ut ad circulos reuertamur, summus ille locus, quo per tria prima signa zodiacus attolli nobis videtur, medio suo circulū diurna vertigine describit, qui tropicus Cancrī nūcupatur, qui scilicet Cancro incipiente, flecti ad inferiora ipsa incipit fascia: Latini conuersionem æstiuā appellauere. Simili ratione locus infimus, quò scilicet perueniat Sagittarius, et vnde Capricornus in sublimē attolli cœperat, alium eadē vertigine circulum delineare fingitur, qui Capricorni tropicus, ob cōuersionem scilicet ipsam, ab astronomis vocatur, ab æquinoctiali vterque distans 23. gradibus.



DE ARCTICO ET
antarctico circulis.

Proximè autem ad polum circulus alius effingitur, quem circumactus zodiaci polus, uti paulò superius dictum, describit, atq; is Arcticus ab vrsæ imagine dicitur, è cuius regione

COMPENDIVM

alter quoque huic
similis ad alterũ po-
lũ statuitur, ab in-
feriore zodiaci po-
lo signatus, quem
antarcticum cir-
culũ appellauere,
hi quoque gradi-
bus circiter 23. à
polo distantes.



DE COLVRIS.

Sunt verò
alii duo cir-
culi, coluri nũ-
cupati, quorũ
vnus per pun-
cta, vbi æ-
quinoctialis à
signifero dis-
secatur, et per



polos mundi ducitur: alter pariter per vtrosque
tam mundi quàm etiam Zodiaci polos, & pun-
cta illa, quæ tropicos signant, trahitur, sphaera
omni per duos huiusmodi circulos in partes qua-
tuor æquales partita: ideòque coluri, quasi dis-
secti & imminuti nuncupantur, quanuis non-
nulli eorum rationem supra finitiorem tantum
esti-


æstimârint, ideóq; ridicula quædam de nomine somniârint. Atque omnes hi quidem circuli, firmistabilésque, eodem semper tenore modóque, omnibúsque regionibus iidem statuuntur.

DE CIRCVLIS MOBILIBVS.

Mox & alij duo circuli non iidem omnibus regionibus, neq; eodem omnibus tenore modóque: sed prout vnus quisque locus exortû, aut occasum versus situs est, & ab æquinoctiali magis minúsve remotus, mobiles, & ad vnus cuiusque loci personæ situm accommodati.

DE HORIZONTE.

HOrum vnus, qui quidem partem eam cœli dissecat, quam oculus quoquoersum in orbem circumacti dimetimur, horizon Græcis dicitur, Latinis finitor, aut terminator. Relinquit is scilicet dimidium cœli nobis intûendum: reliquum, inferius positum è cōspectu adimit. Quæ pars supra finitorem nobis inspicuenda conceditur, il-




COMPENDIVM

lud est superius hemisphaerium: quæ verò supprimitur, inferius hemisphaerium nuncupatur.

DE MERIDIONALI.

Alter ex mobilibus circulus meridionalis vocatur, qui scilicet per arctici poli punctum & cœli locum eum, qui perpendiculariter capiti nostro incumbit, ducitur, & per dissecit, vòisfortulerit, æquinoctiale ad polū vsq; antarcticum descendit, eoq; omni hemisphaerio decurso ad arcticum emergit. Circulum hūc, vbi vbi loci



fuerimus, cū Sol attingit, merities est nobis, merinoctiū Antipodib⁹. Atq; hic tibi vari⁹, pro ut occasum aut exortū versus tetenderis. Neq; grauabor tibi dicere cœli punctū illud quod vniuscuiusq; vertici ad perpediculū imminet, Zenith barbaro quidem vocabulo, sed astronomis nostris passim iam recepto, nūcupari. Hi duo igitur imaginarij circuli mēte cōcipiendi, vt pro locorū mutatione, per vnum, poli altitudinem supra horizontē nostrum, atq; ita, quantum à tropico,

pico, vel arctico, vel alijs circulis intra polos descriptis recedimus, edoceamur: per alterũ varias eclipsiũ apparationes, & locorũ internalla, quæ intra ortũ et occasum inter hos et illos incidunt, ad certã reduci posse dimensionem. Hinc verò sphaeræ, modò rectæ, modò obliquæ cõsideratio sese offert, quæ quidem non otiosè fuerit examinanda. sic igitur super ea philosophemur.

DE SPHÆRA RECTA

& obliqua.

Sphaera porro alia recta, alia obliqua dicitur. Recta, quãdo horizon vtrunq; polum secatur, & populus quibus ea ita sita est, dies et noctes semper æquales sunt, quod tota torrida zona ferè accidit, de qua paulò inferius differemus. Rectam etiam nõnulli vocant, ubi polus verticali nostro imminet perpendiculariter, &



COMPENDIUM

æquinoctialis est horisontis loco. Et vbi ea est, vniuersus annus nocte vna semestri constat. Atque hæ regiones illæ sunt, quæ glaciales appellantur, antiquis quidem parum cognitæ, nostro autem tempore multorum diligentia pertinaci- que labore perquisitæ, peruiæque iam omnibus factæ. Obliqua, quando alter po- lorum magis al- tero supra hori- zontem attolli- tur. Et tunc cõtin- git per annũ, no- ctes & dies inæ- quales esse, incre- mentumque idèò



magis augeri, quo magis Zenith ad polum appro- pinquat. Idque accidit duabus zonis, quas tem- peratas nuncupamus, quæ vbi, & cuiusmodi sint, inferius apparebit.

DE MOTV SOLIS ET aliorum planetarum.

Zodiacum medium diffecat linea quæ voca- tur Ecliptica, sub qua sol assiduè fertur, ne- que ab ea vnquam vel tantillum aberrat. Sub eodem zodiaco feruntur & planetae reliqui. So- le qui-

le quidem liberiores, sed Luna cohibitiores, excepto Marte, qui plurimum excedit. Nam alij parum quid ultra eclipticam transgrediuntur. Luna liberius, intra tamen Zodiacum, per quinque quippe gradus supra vel infra progressa spatium. Mars ad o-



Et interdum gradus ab ecliptica declinat.

Duodecim illæ Zodiaci partes, quæ signa vocantur, triginta singula, ut dictum, gradibus distinguuntur: atque ita Zodiacus omnis in trecentos sexaginta gradus distribuitur. Sol autem diebus singulis ab occidente orientem versus nixus unoquoque die gradum unum, minutis interdum aliquot superantibus, interdum deficientibus progreditur, quanvis primi mobilis impetu raptatus 24. horarum spatio in contrarium ab oriente occidentem versus rapiatur: atque ita 360. dierum spatio Sol uniuersum Zodiacum perambulasse deberet. Sed enim, vel quia in tropicis ob-eundis nescio quid moræ contrahit, ut veteres opinabatur, vel, ut iuniores deprehendere: in unoquoque ferè gradu minimum quid quotidie su-

perest. quinque insuper dies & horæ sex accedunt, antea quàm annuo decurso spatio ad punctum perueniat, vnde ferri cœperat: fitque annus ipse ex 365. diebus, & horis sex, quæ quidē horæ quarto quoque anno supputatæ diem vnum efficiunt. Vnde Aegyptij, qui annum suum perfectum quadriennio quoque metiebantur, annum hunc communem per descriptam iugeris quadram figurabant. Erat verò hæc termini cuiusdam signum. Singula enim iugera quatuor apud eos terminis insignita erant. Quartus itaque quisque annus, apud nos, vno plus reliquis die, maior est: isque vulgo, bis sextus appellatur, propterea quòd eo anno bis scribitur, sexto Calend. Martias. Nam 24. Februa. diui Matthiæ vigilia celebratur, atque ita festus eius dies in 25. differtur, nihilò secius tã die vigilia, quàm die festo, 6. Calēd. Martias dicimus. Luna simili motu ad orientem & ipsa tendit, quanuis ea quoque vi primi mobilis in aduersum trahatur. Sed enim, vel quia plurimū distat ab ea vi, vel quia orbem omnium minimum sortita est, quod iter annuo Sol spatio dimetitur, ipsa septem & viginti dierum spatio superat, mox biduum consumit in asscquēdo Sole, qui iam vnius ferè signi spatium transierat. Atque ita fit, vt nono semper & vicesimo peractò die sub Sole transeat,

seat, atque illum mox prætereat: diciturque Luna coitus, cum ea ad gradum punctumque, in quo Sol est, applicuerit. Saturnus ex planetis, quod Sol anno vno, Luna eo dierum paucorum spatio metiuntur, cum proximus ipse sit cælo rapidissimo, maiorem vim patitur, vel quia maiore fertur orbe 36. annorum spatio Zodiacum perambit: Iupiter 12. Mars biennio: Venus atq; Mercurius eodem ferè cum Sole cursu feruntur. sed modo eum antecedunt, modo veluti cursu delassati iungunt iter, modo pares conferunt cum eo gressus, de quibus suæ sunt apud Astronomos traditiones. Octaua etiam sphaera, quæ, ut plurimorum est opinio, stellas fixas continet, naturali motu fertur in Orientem: sed quia primo mobili vicina est, longe maiorem patitur vim. Hinc accidit ut non nisi centum annorum spatio per gradum unum promoueri possit. Sed Astronomi plerunque minorem annorum numerum deprehendere. Constat tamen ab Augusti Octauiani tempore ad hanc usque diem, qui anni fluxere 36. supra mille & quingentos, Solem quatuordecim ferme dies progressum. Nam eo tempore, ut obseruat Plinius, brumæ dies vigesimo quinto Decembris erat: quo die natus est Christus assertor noster. Bruma verò, si ea est ingressus Capricorni, nunc est, ut plerique suppu-

tant, statim ab eiusdem mensis vndecimo: Græci tamen brumam et tres alios cardinales octavo omnes gradu Capricorni, Arietis, Cancrī, & Libræ statuunt. sed hæc alia est cōsideratio. Diligentiores quidam vndeiginti dies deprehendere, qui iam deberent intercalari. Quare nisi annus aliquando corrigatur, vt Leonis X. tempore sapientissimus auus tuus, Max. hodie Pont. faciendum censebat, futurum olim est, vt salutis nostræ natalitij dies, qui brumales olim erant, in vernum tempus inuadant, pascha in æstatem. Sed nos hæc ipsis rerum dominis curam, & tibi fors, vbi adoleueris, relinquemus, & quod instituti operis munus exigit, prosequemur. Superse-
debo verò hîc de nona sphaera tibi quicquā disserere: quam nouem & quadraginta millium annorum spatium aliorum planetarum instar aduolui tradunt. Eius enim speculatio alterius est negotij. Neque tamen dissimulabo antiquorum quorundam opinionem, qui motum vnum tantum in cœlestibus huiusmodi corporibus existimârunt. Omnia scilicet velut equos è carceribus, vno emissâ signo, ab oriente occidentem Solem versus cursum arripuisse. Accidisse verò, vt Sol metas omnes circumactus vno gradu segnus eò rediret, vnde ferri cœperat: ita & planetæ alij aut plus, aut minus properârint, vt Lu-

na omnium tardissimè aduētasse videatur. Neque tamen ab agitatione cessatum, sed institutum, ut quibus planeta quisque viribus cōtendere possit, eo feratur nixu, neque cogatur quicquam ultra vires suas attentare. Atque hos esse defectus varios volunt, de quibus poëtæ meminerint, pro spatij scilicet modo, quo fuerint à primo mobili superati. Alij alios atque alios motus excogitârunt, quos importunum esset hîc enumerare, cum nihil aut parum ad sphaeræ fabricam faciat. Suus tamen his alibi erit locus.

DE Zonis.

UT verò ad vniuersum cœli corpus reuertamur, tota ea moles quinque distinguitur zonis: quarum media ea est, quæ inter vtrunque tropicum continetur: eam diffecat mediam æquinoctialis, in obliquum verò zodiacus amplexatur. Et quoniâ Sol sub zodiaco semper est, accidit ut bis annis singulis eam pererret: dñ scilicet à Capricorno ad Cancrũ fertur: mox dum à Cancro ad Capricornum reuertitur. Ita fit ut assidue Solis ardoribus exusta nullũ refrigerandi spatium nancisci possit: ideoque torrida cōsensu omnium vocitatur. Duæ mox regiones, quæ orbes potius quàm zonæ vocandæ esset, à forma quippe orbiculari, qua præditæ sunt, arctico vna, antarctico altera circulis circumscribuntur. Vtriusque

polus suus pro centro est. Atque hæ sunt, quæ glaciales ab omnibus vocitantur.

Alteræ cœli regiones duæ, quæ scilicet intra conuersionem Cancrī, & arcticum circulum, quæque intra conuersionem Capricorni & antarcticum cōtinentur, quia calorē frigori commiscunt, temperatæ fiunt, perq; vices annuo spatio nūc abeunte Sole obrigescent, nunc eo appropinquante concalescent.



Has appellant habitabiles, has temperatas, has munere deorū immortalium animantibus concessas aiunt. De quibus apud Maronem:
 Quinq; tenent cœlū zonæ: quarū vna corusco
 Semper Sole rubens, & torrida semper ab igni.
 Quam circum extremæ dextra læuæque trahuntur

Cerulea glacie concretæ, atque imbribus atris:
 Has inter, mediâque duæ mortalibus ægris
 Munere cōcessæ diuū, & via scēta per ambas,
 Obliquus qua se signorum verteret ordo.

Ad eandem porro faciem ipsa etiā tellus iisdem zonus distinguitur: glacialibus enim hinc

Et inde ad polos constitutis, torrida sub zodiaco, duas inde medias temperatas habet, Vt appositā indicat figura.



Tametsi, quantum ad torridam spectat, Græcorum aliquot disputationes non desunt aliorū, inhabitabilem propter æstus intolerabiles, aliorum temperatissimam eam esse propter dies & noctes semper æquales, asserentiū. Quæ quidem Vltro citroq; examinata apud Possidonium & Cleomedem videre poteris. Nam & qui nunc terrarum marisque orbem suprà infráque nauigant, maximam cœli temperiem sub æquinoctiali se deprehendisse autumant. Sanè autem Ouidius Ptolemæi, atque adeò communem secutus opinionem, dixit,
 Vtq̃ue duæ cœlum dextra, totidémque sinistra
 Parte secant zonzæ, quinta est ardentior illis:

*Sic onus inclusum numero distinxit eodem
Cura dei, totidēque plagæ tellure premuntur:
Quarum quæ media est, non est habitabilis æstu.
Nix tegit alta duas: totidē inter vtrāq; locavit,
Temperiemq; dedit mixta cum frigore flamma.*

DE PARALLELIS.

Cum autem constitutum sit ex iis quæ superius enarrata sunt, Solem unoquoque die contra diurnum cursum gradum Zodiaci unum orientem versus obrepere: hinc accidit ut propter Zodiaci obliquitatē diebus singulis novum quandam circulum in cœlo describat, turbinata vertigine, altero iuxta alterū, funiculi in spiram collecti instar, adhærescēte: à capricorni quippe primo gradu exorsus, usque ad primum Cancris: mox reciprocatione facta à Cancro Capricornum usque eandem replicet spirā, eosdemque circulos ductu perpetuo describat: ita neq; hodie eodē horiſontis termino oriatur, quo heri emicuit, neque quo hodie loco apparuit, cras sit oriturus.

Hi verò circuli, qui numero sunt centum circiter & octoginta, pari scilicet dierum numero quo semestre constat anni spatium, paralleli nuncupantur. Facti verò sunt hi paralleli ad instar funiculi, quem tu nonnunquā turbini solitus es obvoluere, cum puer eū parabas ad iactū. Ab imo verò crescit habent ipsius circumductus, veluti
Unus-

Unusquisque dies
per vniuersum se-
mestre habenā si-
bi semel circundu-
cā: dicunturq; pa-
ralleli Græco vo-
cabulo, quod æquo
inter se distet in-
teruallo: et in sphæ-
ra quoq; dicuntur
paralleli, et ad e-
ius similitudinem



in continenti, ibi circuli, hîc linearū ductus, qui-
cunque parē æquidistantēmq; inter se latitudinē
tuentur, huiusmodiq; lineæ toto terræ tractu ab
oriēte occasum versus ab cœli gradibus singulis
ductæ, parallele à cosmographis appellantur.

Quoniā vero pa-
rallelorū, de quibus
primo agebamus,
ductus à parte ea ho-
rizontis, quæ ad o-
rientē est, ad alterā,
quæ occidētalis est,
quātū ad diurnarū
horarū incremētū,



diminutionē ve pertinet, cōsiderantur, accidit

COMPENDIVM.

Ut finitore per obliquum porrecto paralleli ipsi diurni eo breuiores arcus habeant, quo sunt Capricorno proximiores, puta funiculi ductus in turbine, qui cuspidi proximus trahuntur: eò verò magis exporrigatur, quò magis ad Cæcrum tendunt, quippe ad partem turbinis latiore.

Quod quidem minimè accidit in sphaera recta, vtrouis modo quis rectā intelgat. Siquidē quibus polus ipse Zenith est, vno emersu Sol semestrem diē affert, atq; vno itidē occasu eiusdē longitudinis noctem facit. Ita illis mēses xij. vnus est dies ex iis, qui luce & tenebris constant.



Vbi verò horizon æquinoctialem secatur ad angulos rectos, quod accidit cum per vtrūq; polū ductus fuerit, parallelorū arcus diurni, nocturniq; in-




ter se pari sunt dimensione, ac perinde dies atque noctes pari horarū spatio, xij. quippe vtriusque numero attributis, perpetuo agunt æquinoctio. Tota verò torrida arcus huiusmodi ferè pares sunt, quare per meridionalem ad L. circiter gradus manifestum est parvam esse dierum ac noctium differentiam, sub æquinoctiali verò dies prorsus esse pares noctibus.

DE INÆQUALITATE

dierum ac noctium.

Sed ut de Zonis, locisq; aliis quæ plurima dici possent, copiosissimè ab alijs tractata, missa nūc faciamus, satis superq; nobis fuerit, quæ regioni nostræ accidant, explicare: deq; Zonæ eius, quā incolimus, conditione disputare. Variat hæc dies ac noctes, prout Sol magis minúsve ad Cancrū accedit, aut recedit: siue huius rei cardinē Capricornū statuere voluerim: idq; vti dicebamus, accidit tam ob Zodiaci, quàm ob horizontis nostri obliquitatē. Sed quoniā hoc oculis discernendum est, age sphaeram ipsam in manus capiamus.

Et finitorem primū ad poli certam altitudinē cōstituto,



puta gradu XL. age cereā hanc lenticulam pun-
 Etō illi apprimamus, Vbi incipit Capricornus.
 Sitq; huius ceruleæ facies Sol ipse: tollamus nunc
 qua parte exortus est, quippe à dextra nostra So-
 lem supra horizontē, sensimq; meridionalē vsq;
 deducamus. Bene habet. hic eā sistamus. Tu ve-
 rò enumera nūc gradus per Tropicū (is enim hu-
 ius loci parallelus est) qui à meridionali ad ho-
 rizontē vsque sunt, quam viam puta hodie Sol
 iuit. Hi circiter sexaginta sunt. Solem autem sci-
 mus vnaquaque hora gradus cœli 15. permeare.
 Hi verò sunt non plures quàm sexaginta. Qua-
 tuor hoc est horarū spatiū, quo peruentum est ad
 meridiē: totidēque gradus, horæq; totidē re-
 siduæ sunt ad occasum vsque: eritque dies hic ho-
 rarū octo. At si polus altius attollatur, horizon
 fit Zodiaco propinquior, déque arcu Tropici, quē
 primū statuimus parallelū, eo plus adimit, fitque
 breuior dies: quò ve-
 rò magis polus ad
 horizontē depri-
 mitur, eò minus
 horarū accidit to-
 ta Zona varietas,
 vt alibi Sol per
 vnā, duās ve, aut
 treis plurimū ho-



ras se videndum exhibeat, alibi per quatuor, alibi per quinque: & ita per singulorum graduum motum, quo polus supra horizontem videtur attolli, sigillatim ad 24. usque horas nostrae dies zonae progreditur. Extra hos terminos, uti dictum, in torrida æquinoctium ferè perpetuum: in glacialibus, menstruus, bimestris, trimestris, quadrimestris, quinque alicubi mensium, & semestris sub polo dies habentur: quæ singula tumet ipse atollendo deprimendò ve horizonte deprehendes, & à cosmographis passim observata comperies.


Eadem autem ratione, qua diem dimetimur, noctem quoque in semestri altero commetiemur, quæq; de Capricorno super die locuti sumus, ea nocte super, ad Cancrum referuntur.



Arcus enim ille æstivi Tropici, quæ nox ipsa percurrit: cuius punctum è regione Solis in Cæcio statui necesse est, quantum extendatur vides. Sexdecim enim horas amplectitur, cum per gradus excurrat ducentos circiter et quadraginta.

Si verò cerulam eam quam pro Sole affixeramus, in primum Cancri punctum transtulerimus,

Et ab ortu occasum vsque in tropico dimensi fuimus, magnam deprehēdemus intercapedinē: quæ ab horizonte orientali ad occidentalem vsque por-



rigitur: idque Soli, die toto superandum, breue illud quod infra erit, nocte percurrendum. Hunc porro circulum astronomi octo dimensi portionibus, diurnæ parti quinque, nocturnæ verò treis distributas inuenere. Sed enim hæc in simplici hac sphaeræ traditione non sunt vsque adeò minutatim perquirenda. Hinc patet à Capricorni gradu primo, Sole ad Arctos iter suum dirigēte dies augeri quotidie, vsque dum ad Geminorum exitum peruenerit: esse tamen intra finem Geminorum & prima Cancrī puncta, siue gradus dicere voluerimus, moram aliquam, vt per aliquot dies, dum eandem viam nobis itare apparet, loco dimoueri vix discernatur, vnōque & eodem parallelo oriri videatur. Gradus enim illi aspectui nostro non obliqui, sed recti potius apparēt, quod tempus nostri solstitium appellauere. Mox à principio Cancrī ad finem vsque Sagittarij quo-

quotidie imminuitur dies. Et circa cardinem hunc, primos quippe Capricorni gradus, brumales illi dies sunt, solstitiumque hyemale, noctibus totius anni quam longissimus. Quod verò nonnulli solstitium v-

trunque singulis diebus absoluunt, errorem esse ipsa comprobatur experientia. bis verò anno quolibet, cum scilicet Sol ad ultimos gra-



dus Piscium pervenerit, & primos Arietis inuaferit, neque non cum extremam Virginis partem, & Libræ primam permeat, cum arcus illi parallelares tam diurni, quam nocturni pari ferè dimensione sint, fieri contingit æquinoctium. Verum hoc euidentius, quam solstitium, designari potest, et vno tantum die, vel vna nocte describi: quia obliquus Solis meatus facile transcursum indicat. Ac ut vno denique verbo dicamus, prout Sol magis aut minus polo nostro propinquat, ita diem augeri vel minui manifestum est. Hinc tibi Virgilianum illud liquet,
Cur tantum Oceano properent se tingere Soles
Hyberni: vel quæ tardis mora noctibus obstat?

DE CALORE ET FRIGORE.

EAdem ratio, idemquem Solis cursus, aduen-
tusque aut recessus in causa est, cur anni
tempora nunc æstiosa, nunc rigentia, nunc tem-
perata fiant. Nam cum Solis mora supra hori-
zontem calorem inspiret, nox verò refrigeret,
evenit ut hyemali tēpore nox multū inuehat hu-
more, ac perinde totum cœli tractum refrigeret,
concrescâtque aër ipse ob frigus: cuius munus est
liquentia condensare, adeò ut Sol exiguo eo tem-
poris spatio, quo se nobis ostentat, mox ad infe-
riora cœli sub horizontem, statim raptus nullam
habeat facultatem, neque crassiciem aëris per-
rumpendi, neque calorem suum moræ saltem, qua
lucet, beneficio sensim immittēdi: atque ita om-
nia rigore & glacie obstupefcunt.

Crescente verò sensim die, Solem ipsum vali-
diorē fieri sentimus, & nunc hæc, nunc illa nu-
bila depelli, donec æqui data campi copia certamen æquet, & pari cum nocte vi colluctetur,
quod fit ubi ad æquinoctium vernalis perven-
tum est. Inde victor euadens eo acrius ipse no-
ctem, ac perinde frigus omne premere & infe-
ctari perseverat, quo iniquius ab ea fuerat habi-
tus: factusque quodammodo cœli dominus no-
ctis finibus in arctū redactis, calorem ipse suum
per unīversam hanc plagam ad gravem usque
domina-

dominationem extendit. Et quoniam rerum est omnium vicissitudo, cum primum latè lasciuiens Cancrum in inuidiam Lunæ, quæ nocti patrociniatur, male multauit, inuiolabili fatorum lege solus iussus vertere ad Leonē, quicum arctissima illi intercedit amicitia, sese recipiens, amittendæ sibi possessionis conscius, quanto potest conatu vires suas omnes effundit, et caniculares illos æstus toto aëre iaculatur. Receptus demum à Virgine Astræ cōmendatur, quæ conata inter eos componere, parēmq; vtrique potestatem fieri, nihil quidquam proficit: siquidem nox Scorpionibus, & Sagittariis armata Solem aggreditur, longoque exagitatum certamine demū fugat, rerum summa ad tempus ipsi frigori commendata.

DE ECLIPSIBVS.

Reliquum est, ut Solis Lunæque labores, eclipses quidem ipsas, hoc est cur modò Luna subitæ nonnunquā vmbre interuentu, modò Sol occursante Luna obscurētur, explicemus: curque id nō vnoquoque Lunæ coitu, & oppositione fieri contingat. Quare animus hoc loco tibi acrius excitandus, & aures depurandæ, ut quæ dicam, rectissime percipiātur. Memineris autem illud omnium primum, quod paulò antè dictum, Zodiacū ipsum linea quadam, cui nomen eclipticæ,

COMPENDIUM

medium ductu perpetuo diffecari, neque Solem
 Vnquam ab ea quidquam discedere: eumque sem-
 per ordinem seruare,
 Vt eandē semper iter
 viam. Sed enim Lu-
 na hinc digressa ad
 grad^o aliquot toto fe-
 rē Zodiaco expatia-
 tur, neque semper sub
 ecliptica fit obuiam
 Soli, plerūque autem



libera transit eo tantum salutato: quippe Sole in
 aliquo gradu, puta Cācri primo existente, transi-
 lit saepe Luna vltra tropicum, interdum ad quin-
 tum vsque gradum ab ecliptica, interdum mi-
 nus: aut ad inferiora signa prolapsa infrā suprà-
 ue Capricorni tropicum eodem modo defertur,
 neque quidquam attingit eclipticam. Atqui ne-
 cesse est si eclipsis ventura sit tam Solis, quā
 Lunæ, quocunque
 accidat signo, se-
 p̄tentrionali, vel
 australi, vtrunq;
 sub ecliptica depre-
 hendi. Secaret ve-
 rò ecliptica terrā
 mediam in æqua-
 leis partibus, si linea



inde demissa, quæ mundi machinam diuideret, traduceretur. Quare, siue terra ipsa Lunæ opponēda sit, ut vmbra sua, quæ illuc vsq; exporrigitur, eam obscuret, siue Luna Soli obiciatur, ut lumen eius inuideat terræ, necesse est vtrunque planetam sub ecliptica repiriri: & ea de causa lineæ nomen id à Græcis inditum, quod defectuum huiusmodi causa sit.

Debes autem animo percipere in duobus eclipticæ locis pari graduum intervallo transire in transuersum lineam alteram, siue circulum maioris dicere, per quem Luna fertur, qui ab ecliptica resiliēs intervallo quoddam relinquit ad apertum, quasi per scindam. Sed ubi coniungitur eclipticæ, vna parte ca-



put draconis, altera cauda vocatur ab astronomis: huiusmodique puncta non secus per cælum moueri nobis videntur, quàm Sol & planetæ reliqui cursu nunquam intermisso perambulant. Eo tamen differunt, quòd capitis & caudæ motus mundum sequitur vnde viginti diebus vno

*superato gradu, quot itidem anni in coitionum
Lunæ reciprocatione numerantur. Atque hic il-
le numerus est, quem aureum appellant.*

DE SOLIS ECLIPSI. •

SI Solis igitur defectus euenturus sit: Vtrum-
que tam Lunam, quàm Solem aut in capite,
aut in cauda Draconis esse necessarium est: vt
Luna interposita conspectum Solis adimat ipsi
terræ, quæ et ipsa, vt superius dictum, sub ecli-
ptica est. Rarò verò euenit vt Solis vniuersum
corpus obscuretur, quod sæpe accidit in Luna.
Quòd autem pars tantum interdum adimatur,
ea de causa fit, quòd Luna nō semper obuiam fit
sub eo puncto vel capitis, vel caudæ, sed iuxtà ela-
bitur, quaque parte lineam attingit eclipticam,
ea vel luce priuatur, si terra intercedit, vel Soli
adimit lucis partem, si iuxtà transiēs eclipticam
omnino perstrinxerit. Sed vt hæc facilius intel-
ligantur, subiicienda figura fuit hæc, quæ modu-
li vicem gerat.

DE LV-



DE LVNARI ECLIPSI.

POrrò si Lunæ defectus cōtingat, Solē in capite, Lunā in cauda deprehendi necesse est: aut vice versa, Solem in cauda, in capite Lunā. Ita enim terra in medio sita, cum vmbrae suae pyra-

COMPENDIUM

inde lunare corpus transfiliat, si eam ibi deprehenderit, tantisper occupat, donec illa eluctata per horas plurimum treis, aliquando quatuor, euadat: ex umbræque illa omni paulatim exempta totius mox orbis candorem ostendet.



Atque

Atque hic est Luna, quem aiunt, labor: putabant enim homines huius Veritatis ignari, quotiens id accidebat, laborare Lunam ex incantationibus maleficorum hominum, & ea de causa cymbalorum tinnitu, & clamoribus occurrendum instituerant: ne scilicet Luna excantantium voces audire posset, atque ita minus obsequi cogeretur. Sed hæc rudioris ætatis deliria fuerunt.


*CVR FACIES LV-
næ variæ.*

NON est autem loco hoc prætereundum, Lunam, quam modo toto orbe plenam, modo tuberosam, modo dimidiam, modo excavari & ad nihilum redigi vnoquoque mense conspiciamus, id ea de causa pati, quia dimidium tantum lunaris corporis lucet, quod scilicet à solaribus radius illustratur. Hinc fit: ut cum Luna in oriente est, Sol verò in occidente, aut contrà, oculus noster, qui medius est inter vtrunque, eam lunaris corporis medietatem aspiciat, quæ à Sole irradiatur, atq; tota ita cādicare videatur. Vbi verò à diametro secedere incipit, ea de causa nobis imminui videtur, quia pars illustrata per obliquum auertitur, atque ita oculis nostris

COMPENDIVM

eripitur . Ita cùm eadem in cœli quadra prima
 vel tertia reperitur , dimidia sui parte nobis sese
 videndum offert . Mox quò magis ad Solem ap
 propinquat , eò magis superior pars illustratur ,
 quæ ab obtutu nostro semota est : inferior , quæ sci
 licet ad oculos nostros obuersa est , obscuratur ,
 aut potius deficere videtur . Et cùm Soli demum
 subiecta est , luminosa eius parte tota ad Solem
 versa , nobis qui infrà sumus , illuminis apparet ,
 donec à Sole recedens tertia mox die obuersa in)
 literæ speciem sese nobis visendâ præbet , ac dam
 no mox quotidie reparato magis increfcens ,
 vsque ad quintumdecimum diem , paulatim
 aucta , toto iterum corpore sese illustratam
 ostentat .

QV ID



QVID NOX, QVID
dies sit.

NEquè illud ignorandum est, diem, aut à
tempore, aut à qualitate intelligi. à tem-

COMPENDIVM.

pore quatuor & viginti horis constare, à qualitate esse aërem illuminatum, à Sole supra horizontem euecto, & quandiu moram ibi traxerit, ad occasum vsque: noctem verò nihil aliud, quàm terræ vmbra: atque euenire sem-



per, vt simul ac Sol infrà horizontem decidet, vmbra hæc oborietur, terràmque obfuscet media sui parte, diametro cum Solis progressu semper mobili. Itaque non ante dies est, quàm Sol iterum supra horizontem emergat. Accidit tamen, vt Sole per gradus duodeviginti
infra

infra horizontem, ut Ptolemæus, tam in exortu, quam in occasu existente, lumen eius supra diffundatur: atque ita ferme per horam antequam oriatur, & posteaquam occiderit, adhuc lux in superiore hemisphærio maneat, idque tempus Latini crepusculum vocauere. Habes iam adolescens honoratissime, sphaeræ summam, quemadmodum tota mundi machina orbicularis fingitur, & ut ipsi cælorum orbis quatuor & viginti horarum spatio circumuoluuntur, quæque sua unicuique inferiorum sit cessationis causa. Habes elementa quatuor infra cælum Lunæ, terramque in medio omnium: quibus tota hæc constat fabrica, pro centro reductam. Habes de polis duplicem considerationem et vertiginum varietates, æquinoctialem, Zodiacum, tropicos duos, & polares totidem circulos, quos una cum toris duobus tibi descripsimus. Circulos mobiles, finitorem & meridionalem commōstrauimus: quid sphaera reeta, quid obliqua sit, ostendimus: Solis & aliorum planetarum diurnos annuosque motus, quantum ad ortum & occasum pertinet, indicauimus. De zonis quinque & parallelis, unde æqualitas, & inæqualitas dierum & noctium accidat, differuimus: ad hæc, unde calor & frigus resultaret, aperuimus. mox dese-

Etū tam in Sole quā in Luna causas modū-
que non modò retulimus, sed oculis propemodum
subiecimus: quæ quidem ad eam quam affectis
Geographiæ peritiā satis tibi supérq; opis alla-
tura sunt. Reliqua de exacto cælorum numero,
de epicylis, de eccentricis, & deferentibus circu-
lis in planetarum sphaeris, de motuum quorun-
dam trepidatione, quæ astrónomorum subtilitas
excogitavit, sed quibus ægè philosophi assentiun-
tur, quæque authores eosdem perplexa loqui co-
gunt, neque ad hoc negotium, neque ad studia
nūc tua pertinere arbitrati sumus. Quare iis, &
sublimiori dōctrina illa, quæ eruditissimi Viter-
biensis tui propria est, dimissus, tibi per immen-
sos terrarum marisque tractus ingressuro, hæc
de Sphæra dicta sufficere indicavimus.

F I N I S.

DONATI

98

DONATI VILLALTAE

Feltr. physici Carmen, ad
Pierium.

Duxisse Phæbum te per alta sidera,
Vraniam aut ipsam puto,
Pieri Aonidum decus sororum:
Qui, dum situs, vagos meatus orbium,
Dum temporum varias vices,
Dum Lunæ coitus, græues labores,
Quæ signa flexo deferantur circulo,
Errantia aut quæ commeant,
Fixa stellifero vel astra olympo,
Dum cuncta demum, quæ tenet cæli am-
bitus,
Tali ordine, vt meritò queat
Mirari sapiens, rudis doceri,
Breuissimo complecteris compendio.
Terras polósque munere
Tam docto tibi, Pieri, obligasti.

DE ECLIPSIBVS

ex Proclo.



IN vniuersum cū acciderit eclipsis alterutrius ☉ aut ☿ in ♄, ♀, aut Cap. fructuum penuria, & præcipue frugum satorumque continget: in ♀, ♀, & ♀, fames, & atrocissimas ægritudines, morborumque pestes mortalibus ingruere astronomi obseruauerunt. In ☿, ♀, & ♀, obscuræ turbæ, ignobilisque plebeculæ interitus, diuturnæ bellorum seditiones, & aquatiliū marinorumque, & aliorum in æquore degentium magna perniciēs. Quartus tribus in signis ♀, ♀, ♀. Vnde argumentum hoc exordiebatur, explicari non potuit, quia codex Græcus corrosus erat prima statim pagina. Sed quid ibi contineretur ex vniuscuiusque signi decanis satis apparebit.

Effectus iudiciarij ob Solis eclipsim per decanos singulos.

Sol cum laborare visus fuerit in aliquo ex primis decem gradibus ♀, crebros armorum & exercituum motus portendit, continuasque expeditiones, & insultus bellorum cum tumultu plurimo:

rimo: Seditiones, controuersias, & intemperiem
aëris ad siccitatem potissimum vergentis.

In sequenti verò decano regis carcerem,
moerorem, aut mortis periculum, arborumque
fructiferarum corruptionem, ac terra nascenti-
um putredinem: in ultimo denario tristitiam,
& luctum affert mortalibus, magnæque mu-
lieris obitum, & ad hæc pecudum perniciem mi-
nitatur.

In 8, verò denario primo negotiatores affli-
git, & irrita tractare cogit, omniâque eorum ne-
gotia subruit, satis quoque, & segetibus obest.

In altero decano peregrinantibus, parturienti-
busque parat incommoda.

In postremis, pestemque famemque inducit.

In 11 primis x. gradibus sacerdotibus, & in
quouis ordine sacris initiatis dissensionem, lites,
& seditiones aggerit: odia infanda, legum con-
temptum, & pietatis etiam neglectum concitat.

In x. mediis latrocinia maritima & cædet.

In ultimis x. regis obitum, & status publici
detrimenta varia, ciuiliûmque negotiorum irri-
tos euentus.

In 5 x. primis gradibus aërem perturbat,
magnæque exagitat varietate.

In secundo decano fluuios & fontes exiccat,

incontinentiam, & petulantiam mortalibus intentat.

In vltimis x. gradibus per vniuersam Armeniam, & Africā, ceterasq; regiones Cæcro subiectas, morbos, seditiones, & lues alias immittit.

In 8. denario primo summi alicuius principis mortem, & rei frumentariæ penuriam præmonstrat.

In secundo, regis, magnatum, & procerum anxietates & detrimenta minuitur.

In vltimis captiuitates, obsidiones, direptiones, & ædium sacrarum profanationes.

In 10. decano primo, calamitosum regis alicuius exitum, & stragem arguit.

In secundo famem, pestem, & seditiones mortalium

In vltimo pictoribus, poëtis & Mercurialibus, qui ingenio vigent, aduersa omnia, cades, exilium, & similia.

In x. primo gra. aërem corrumpit, pestem suscitatur, & annonam flagellat, caramque reddit.

In medio magni regis mortem, seditiones, & famem portendit.

In vltimis nobilium controuersias, & fortunarum detrimenta.

In

In $\alpha\gamma$ denario primo tumultus bellicos mouet, cædes, odia, captiuitates, & proditioes machinatur.

In medio, regis cuiuspiam perniciem, auersum exercitus animum, & similia.

In vltimo, alienigenæ tyranni aduentû, ignauiam atque socordiam prioris regis omnibus inuisam.

In x. primis \mp gradibus seditiones inter mortales manifestas ostendit, & ab omni consensu, concordiaque abalienationem.

In x. mediis, camelorum, rudentûmque iumentorum, ac cæterorum eius generis veterinorum animalium interitum.

In vltimis & equos, & exercitus multifariam affligit.

In λ decano primo infœlices habet magnorum virorum casus, regis alicuius transmigrationem, nobilium, & plebis rebelliones.

In medio denario iuratos milites in imperatorem, ductorésque suos irritat: conatûsque eorum irritos, aut infœlices euentus facit.

In postremo tumultuarium regis motum cit, famem inducit.

In \approx primis x. gradibus publici mœroris & luctus materiam præbet.

DE ECLIPSIBVS

In x. medijs latrocinia publica, furti, rapinas, terræ motusque, & famem comminatur.

In vltimis, ouium, agrestiumque brutorum eiusmodi interitum innuit.

In x. decē primis gradibus fluuios exiccat, maritima infortunat.

In medio decano clari præstantisque viri mortem, ac in maritimis regionibus piscium vastitatem, terræque motum facit.

In vltimo denario seditionem, crudelitatem, ferociam, & inhumanitatē militum extimulat.

SVPER ECLIPSI LVNÆ.

Proclus idem.

IN v. decem primis gradibus obscurata Luna febres futuras, ædium incendia, combustiones nemorum, ac aëris siccitatem ostendit.

In medio denario pestilentiam.

In x. vltimus gra. abortiuos partus, & incommoda, periculâq; huiusmodi alia in mulieribus.

In 8 denario primo, nece, morboque grassatur in pecudes.

In x. medijs gradibus, reginæ obitum, & satiorum seminumque sterilitatem immittit.

In vltimis, in serpentes, & reptilia sæuit.

In

In ꝑ decem primis gra. incursiones & rapinas hostium minitatur.

In x. mediis repentinos exercituum motus, priuatarum, publicarumque rerum sollicitationes.

In vltimis, præstantis fama viri obitum ostendit.

In 5 denario primo bellum omnino concitat.

In secundo exactiones acerbæ, tributa intolerabilia, & huiusmodi onera portendit.

In vltimo, sexui muliebri morbos, subitas, miseræ, repentinæque neces minitatur.

Id 8 x primis gradibus, vel celerem regis aliquius infirmitatem, vel præclari cuiuspiam viri mortem adducit.

In x. verò mediis regis iter, & aliquam rerum mutationem accersit.

In vltimis, exercitus populosve excitat ad res nouas.

In m decano primo agrotationes regum inducit, atque hominum varias discordias et seditiones.

In secundo, in consultores, scribas, & huiusmodi hominum forense genus perniciem parat.

In vltimo mortalibus morbos affert.

In decem & primis gradibus, grandines & fœdas alias tempestates prouocat.

*In x. mediis, vitiligenis omnibus pernicio-
sa est.*

*In vltimis, magni clarique viri interitum
minatur.*

*In m x. primis gradibus horrenda tonitrua
& fulgura portendit, & interdum terræ mo-
tum.*

*In decem verò mediis, oliuas & aërem exsic-
cat, & febres æstuosas facit.*

*At in vltimo decano, eadem minitatur, at-
que insuper inter mortales plurimum sævit mor-
bo, rixis, seditionibus, cædibusque.*

*In ꝑ x. primis gra. latrocinia, & rapinas im-
mittit.*

In x. mediis, in equos, & in mulas desævit.

*In vltimis pestem afflat, & mala inter mor-
tales plurima.*

*In ꝑ decano, primo sugillationes in homines
mouet, & præstantis alicuius viri perniciosam
cædem ostendit.*

*In medio decano crebros militum insultus,
incurSIONES crebras, latrocinia & captiuitates.*

*In vltimo, regis alicuius mortem & sedition-
nem.*

*In æ x. primis grad. malam regi cuiquam va-
letudinem indicat affuturam.*

In

In x. mediis sementem ledit vniuersam.

In vltimis insignem rerum omnium mutationem facit, qua tamen, quicunque grauiora perpeſsi fuerint, a malis liberentur.

In X denario primo, sacerdotibus, & ædilibus antiſtitibúſq; luctum, & mœrorem affert.

In medio, magni, præſtantíſque viri obitum.

In vltimo latrocinia & rapinas terra marí- que promiſcuas minitatur.

F I N I S.

